



**2022-2023-O'QUV YILIDA O'RTA
TA'LIM MAKTABLARINING 9-SINF
O'QUVCHILAR UCHUN GEOGRAFIYA
FANIDAN MUSTAQIL SHUG'ULLANISH
UCHUN**

IMTIHON JAVOBLARI

2023

ESLATIB O'TAMIZ, MAZKUR JAVOBLAR SIZNI VAQTINGIZNI TEJASHGA VA
IMTIHONLARGAESA KO'PROQ TAYYORLANISH UCHUN YORDAM BERADI.
IMTIHON JAVOBLARINI TIJORIY MAQSADLARDA FOYDALANISH MUMKIN EMAS.
USHBU QO'LLANMA MUTLOQQO BEPUL VA BARCHA IMTIHON JAVOBLARINI
@USTOZ TELEGRAM KANALIDA YUKLAB OLISHINGIZ MUMKIN!

@USTOZ

1-BILET

1. Afrikaning geografik o'rni va siyosiy xaritasi.

Afrikaning orollar bilan birgalikdagi maydoni 30,3 mln. km² ni tashkil etadi. Afrikaning o'rtasidan ekvator chizig'i, g'arbidan esa bosh meridian o'tgan. Shu tufayli Afrika ham Shimoliy, ham Janubiy, ham Sharqiy, ham G'arbiy yarim sharlarda joylashgan.

Afrika qirg'oqlari shimolda O'rta dengiz, shimoli-sharqda Qizil dengiz, sharqda Hind okeani, g'arbda Atlantika okeani suvlari bilan yuviladi. Qizil dengiz, Suvaysh kanali va Bob-al-Mandob bo'g'izi Afrikani Osiyodan, O'rta dengiz va Gibraltar bo'g'izi esa Yevropa qit'asidan ajratadi. Afrika qit'asi orol va yarimorollar ozligi bilan ajralib turadi. Uning tarkibiga Hind okeanidagi Madagaskar (sayyoramizdagi orollar orasida maydoni jihatidan 4-o'rinda turadi), Maskaren, Komor, Seyshel orollari, Atlantika okeanidagi Yashil burun, Kanar, San-Tome va Prinsipi, Avliyo Yelena va boshqa orollar kiradi. Yagona yirik yarimoroli Somali hisoblanadi.

Afrikaning hozirgi siyosiy xaritasida 54 ta mustaqil davlat mavjud. Qit'a siyosiy xaritasining shakllanish tarixi o'ziga xos xususiyatlarga ega. Buyuk geografik kashfiyotlar davridan boshlab Afrikaning aksariyat hududlari Yevropa davlatlarining mustamlakalariga aylandi. XX asrning boshiga kelib Afrikada faqatgina 2 ta mustaqil davlat qolgan edi: bir necha ming yillik davlatchilik tarixiga ega. Efiopiya hamda 1847-yil AQSHning yordamida barpo etilgan G'arbiy Afrikadagi Liberiya davlati. Qit'aning qolgan hududi esa Buyuk Britaniya, Fransiya, Portugaliya, Belgiya, Germaniya, Italiya va Ispaniya tomonidan o'zaro bo'lib olingan edi.

Afrika davlatlari 1950-yillarda mustaqillikka erishisha boshladi. 1960-yil BMT tomonidan «Afrika yili» deb e'lon qilinib, shu yil qit'adagi 17 ta mamlakat mustaqillikka erishdi va jahon hamjamiyati tomonidan tan olindi. Ko'plab mamlakatlari 1960-1980-yillar mobaynida davlat mustaqil-ligini qo'lga kiritdi. Qit'adagi eng yosh davlatlar - 1990-yilda mustaqillikka erishgan Namibiya, 1993-yilda Efiopiyadan ajralib chiqqan Eritreya va 2011-yilda mustaqilligini e'lon qilgan Janubiy Sudan hisoblanadi.

Afrikadagi ko'plab davlatlarning chegaralari mustamlakachilik davrida shakllangan bo'lib, aksariyat hollarda tabiiy va etnik chegaralarga mos kelmaydigan sun'iy ko'rinishga ega. Buning ta'sirida haligacha qit'ada turli harbiy mojarolar va davlat to'ntarishlari tez-tez sodir bo'lib turadi. Afrika siyosiy xaritasining o'ziga xos jihatlaridan biri yirik maydonli davlatlarning ko'pligidir. Jahondagi hududi 1 mln. km² dan katta bo'lgan 29 ta davlatdan 12 tasi Afrikada joylashgan (Jazoir, KDR, Sudan, Liviya, Chad, Niger, Angola, Mali, JAR, Efiopiya, Mavritaniya, Misr). Jahon bo'yicha mavjud bo'lgan maydoni 1 ming km² dan oshmaydigan 24 ta davlatdan atigi 1 ta - Seyshel orollari - Afrikaga tegishli.

Afikada jami 6 ta orol mamlakatlari joylashgan. Ular Madagaskar, Kabo-Verde, Komor orollari, Mavrikiy, San-Tome va Prinsipi hamda Seyshel orollaridir. Dengizlarga chiqish imkoniyati yo'q davlatlar soni bo'yicha Afrika qit'alar orasida yetakchilik qiladi. Afrikada quruqlik ichkarisida joylashgan jami 16 ta davlat mavjud. Ularning qatorida Chad, Ni-ger, Mali, Efiopiya, Zambiya, Botsvana, Janubiy Sudan kabi yirik davlatlar bor. Efiopiya jahonning quruqlik ichkarisida joylashgan 44 ta davlatlar orasida aholi soni bo'yicha yetakchisi hisoblanadi.

Afrika davlatlaridan 51 tasi respublika, 3 tasi (Marokash, Svazilend (Esvatini), Lesoto) monarxiya boshqaruv shakliga ega. Ma'muriy-hududiy jihatdan Afrikadagi 6 ta davlat - Nigeriya, Efiopiya, Sudan, Janubiy Sudan, Somali, Komor orollari - federativ tuzilishga ega.

2. “Hududiy mehnat taqsimoti” va “Iqtisodiy geografik o'rin” atamalarining mazmun-mohiyatini tushuntiring.

Iqtisodiyot, asosan, joyning mahalliy tabiiy boyliklariga bog'liq ravishda rivojlangan. Transportning takomillashuviga qarab, iqtisodiyot ba'zi joylarda chetdan keltirilgan xomashyo

asosida shakllangan. Malakali kadrlar, asosan, yirik shaharlardagi ta'lif muassasalarda tayyorlanadi. Shunga muvofiq malakatalab ishlab chiqarishlar shaharlarda rivojlansa, boshqa joylar qishloq xo'jaligi yoki sanoat xomashyosi yetkazib beradi. Mamlakatning ayrim qismlari o'rta mehnatning ana shunday taqsimlanishi geografik yoki hududiy mehnat taqsimoti deyiladi.

- Hududiy mehnat taqsimoti quyidagi holatlardagina sodir bo'ladi:
- ishlab chiqarilayotgan mahsulot mahalliy ehtiyojdan ancha ko'p bo'lishi;
- uni ishlab chiqarish mamlakatning boshqa qismlaridagidan arzonga tushishi;
- ishlab chiqarishning xomashyo zaxirasi ko'p yillarga yetarli bo'lishi;
- mahsulot ayriboshlanganda transport xarajati arzon bo'lishi.

Geografik o'rinni - muayyan mamlakat, hudud, viloyat, shahar, tuman, mahalla va hatto hovlining o'ziga xosliklaridan biri ularning Yer yuzidagi betakror o'mnidir. Bular geografik o'rinni deb ataladi. Geografik o'rinni mohiyatan tabiiy geografik o'rinni, iqtisodiy geografik o'rinni va siyosiy geografik o'rinni tarzida guruhlanadi.

Tabiiy geografik o'rinni, asosan, okean, dengiz, daryo, tog', cho'l, o'rmon, adir singari yirik tabiiy obyektlarga nisbatan joylashgan o'rniga ko'ra belgilansa, iqtisodiy geografik o'rinni jahonning erkin iqtisodiy mintaqalari, jahon savdo yo'llari, yirik savdo-sanoat markazlari va tabiiy boyliklardan foydalanish imkoniyatlari bilan belgilanadi. Siyosiy geografik o'rinni esa muayyan davrda alohida davlatning harbiy mojarolar ro'y berayotgan yoki ro'y berishi mumkin bo'lgan hudud va davlatlarga nisbatan qanchalik aloqadorligiga ko'ra baholanadi.

Ma'lumki, miloddan avvalgi II asrdan to milodiy XVI asrgacha Sharqni (Hindiston, Xitoy) G'arb (Yevropa mamlakatlari) bilan bog'lab turgan asosiy savdo yo'li - «Buyuk Ipak yo'li» O'rta Osiyo orqali o'tgan. Natijada O'rta Osiyo bozorlarida mol ayriboshlash avj olib, u hunarmandchilik va dehqonchilikning taraqqiyoti, shaharlar, fan, madaniyat ravnaqiga jiddiy turki bo'lgan. Keyinchalik Sharq bilan G'arb o'rta asosiy savdo yo'llari quruqlikdan dengiz-okeanlarga ko'chgach, O'rta Osiyo iqtisodiy geografik o'mnidagi qulaylik barham topgan.

XIX asr oxirlarida O'rta Osiyoda temiryo'l qurildi. Natijada Samarkand, Toshkent kabi yirik shaharlar temiryo'l orqali Rossianing markaziy rayonlari bilan bog'lanib, O'zbekiston hududining iqtisodiy geografik o'rni yana qulaylik kasb eta boshladи. Ammo sho'ro davrida iqtisodiy geografik o'rinni qulayliklaridan asosan sobiq Ittifoq manfaatdor edi.

3. Jahonda maydoni 5 mln km² dan katta davlatlar soni nechta va ularni xaritadan ko'rsating. Ularni orasidagi eng kichik davlat poytaxtini geografik koordinatalarini aniqlang.

Jahonda maydoni 5 mln km² dan katta davlatlar soni 6 ta. Ular orasida Janubiy yarimsharda to'liq joylashgan davlat Avstraliya bo'lib poytaxti Kanberra shahri.

Nº	Davlatlar	Hududi (ming km ²)
1	Rossiya	17075
2	Kanada	9976
3	Xitoy	9599
4	Amerika Qo'shma Shtatlari	9519,4
5	Braziliya	8515,7
6	Avstraliya	7692,0

Kanberra shahrining geografik kordinatasi:

- a) 35° (35.31) janubiy kenglik
- b) 149° (149.12) sharqiy uzoqlik

2-BILET

1. Xitoy iqtisodiyoti va iqtisodiy rayonlari.

Xitoy yalpi ichki mahsulot hajmi bo'yicha jahon mamlakatlari orasida birinchi o'rinni egallaydi. Ammo YIMning aholi jon boshiga to'g'ri keladigan ko'rsatkichi rivojlanayotgan davlatlar darajasida bo'lmoqda. Ta'kidlash lozimki, so'nggi yillarda Xitoy iqtisodiyoti ancha tez o'smoqda. Sanoati. Xitoyda sanoatning barcha tarmoqlari yuqori darajada rivojlangan bo'lib, sanoat mahsulotlarining ko'plab turlarini ishlab chiqarish bo'yicha jahonda birinchi yoki ikkinchi o'rinnarda turadi. Jumladan, ko'mirni qazib olish, elektr energiyasini ishlab chiqarish, po'lat, cho'yan, alyuminiy, rux, kobalt, oltin hamda boshqa qora va rangli metallarni eritish, yog'och tayyorlash, avtomobil, kema, turli elektronika mahsulotlari, mineral o'g'itlar, sement, qog'oz, gazlamalar, kiyim-kechak, poyabzal mahsulotlarini ishlab chiqarishda XXR jahonda birinchi o'rinni egallaydi. Sanoat geografiyasida katta o'zgarishlar sodir bo'lmoqda. Agar Xitoyda XX asrning 70-80-yillarida sanoat korxonalarining 2/3 qismidan ko'prog'i dengizbo'yи hududlarida joylashgan bo'lsa, hozirga kelib mamlakatning kam o'zlashtirilgan ichki hududlarida ham sanoatlashuv qizg'in sur'atlar bilan kechmoqda.

Sanoatning tayanch tarmog'i yoqilg'i-energetika majmuasidir. Xitoyda yiliga 3,5 mlrd. tonnadan ortiq ko'mir qazib chiqarilmoqda. Uning asosiy konlari mamlakatning shimoli-sharqi va sharqiy hududlarida joylashgan. Xitoy 2012-yildan buyon elektr energiyasini ishlab chiqarish hajmiga ko'ra jahonda birinchi o'ringa chiqdi va hozirgi vaqtida mamlakatda yiliga 6 trln. kWh yaqin elektr energiyasi ishlab chiqariladi. Tarmoqda IESlar salmog'i 85 % dan yuqori bo'lib, ularda ishlatiladigan yoqilg'inining deyarli 2/3 qismi ko'mirdan iborat. Energetikaning jadal sur'atlar bilan o'sishi Xitoyning yirik shaharlaridagi ekologik vaziyatni keskinlashtirdi. So'nggi yillarda GES, AES va qayta tiklanadigan resurslarga asoslangan elektr stansiyalarini ko'paytirishga katta e'tibor berilmoqda. Jumladan, Yanszi daryosida dunyodagi eng yirik - «Uch dara» (Sansya) GESi qu-rilgan.

Mashinasozlik sanoati Xitoyda, ayniqsa, tez rivojlanmoqda. Mamlakatda televizor, maishiy xizmat texnikasidan tortib avtomobil, kompyuter, turli o'lchov va elektrotexnika mahsulotlarigacha ishlab chiqarilmoqda.

Yengil va oziq-ovqat sanoati Xitoyda yetakchi sanoat tarmoqlari hisoblanadi. Ayniqsa, to'qimachilik va charm-poyabzal sanoati juda katta hajmdagi mahsulotni ishlab chiqaradi.

Qishloq xo'jaligi. Xitoy qishloq xo'jaligining asosi dehqonchilikdir. Jami ekin maydonlarining asosiy qismi donli ekinlar, ayniqsa, sholi bilan band. Xitoy jahon mamlakatlari orasida bug'doy, sholi, kartoshka, sabzavot, meva, poliz mahsulotlari, uzum, choy, tamakining yalpi hosili, qo'y, echki, cho'chqa, parranda soni, go'sht, jun, tuxum, asal tayyorlash, baliq ovlash hajmi bo'yicha birinchi o'rinni egallaydi.

Xitoy asosiy oziq-ovqat mahsulotlariga bo'lgan ehtiyojini o'z kuchi hisobiga qondiradi. Jahondagi jami ekin maydonlarining 9 % iga ega bo'la turib, insoniyatning 18 % idan ko'proq qismini tashkil etadigan aholisini Xitoy o'z resurslari hisobiga oziq-ovqat mahsulotlari bilan ta'minlamoqda. Bu holat qishloq xo'jaligidagi mehnat unumdorligining yuqoriliginini ko'rsatadi. Xitoy Xalq Respublikasi, 2018-yil holatiga ko'ra, O'zbekistonning eng yirik tashqi savdo hamkorli hisoblanadi, chunki u O'zbekistonning ham eksport, ham import bo'yicha hamkorlari orasida savdo aylanmasiga ko'ra yetakchi o'ringa ega.

Iqtisodiy rayonlari. Xitoy Sharqiy, Markaziy va G'arbiy iqtisodiy rayon (zona)larga bo'linadi. Shulardan Sharqiy iqtisodiy rayon o'zining tabiiy, ijtimoiy, demografik va iqtisodiy salohiyatiga ko'ra har tomonlama peshqadamlik qiladi. Bu o'rinda, ayniqsa, dengizbo'yи hududlari, Shanxay, Pekin, Tyanszin, Guanchjou shaharlari alohida ahamiyat kasb etadi. Mamlakatda amalga

oshirilayotgan mintaqaviy siyosat tabiiy resurslarga boy Markaziy va G'arbiy iqtisodiy zonalarni rivojlantirish, bu hududlarning milliy iqtisodiyotidagi ulushini ko'tarishga yo'naltirilgan.

2. "Tabiiy sharoit" va "Tabiiy resurslar" atamalarining mazmun-mohiyatini tushuntiring.

Tabiiy sharoit - Ishlab chiqarish samaradorligining muhim tabiiy omilidir. Tabiiy sharoit, ayniqsa, qishloq xo'jaligi, foydali qazilmalar qazib chiqarish va transport harakatida yaqqol bilinadi. Tog' relyefi, sho'rxoklar, cho'llar, taqirlar, jarliklar hududni xo'jalik jihatdan o'zlashtirishni qiyinlashtiradi. Qurg'oqchil yillarda daryo suvlari kamayib, ekinlarni suv bilan ta'minlash og'ir kechadi. Lekin fan-texnika taraqqiyoti tufayli ishlab chiqarishning tabiiy sharoitga bog'liqligi yengib kelmoqda. Ayni vaqtida insonning tabiatga ta'siri kuchayib, salbiy oqibatlarga ham olib kelmoqda.

Tabiiy resurslar deb, inson hayoti va faoliyati davomida bevosita foydalilaniladigan barcha turdag'i tabiat ne'matlariga aytildi. Sayyoramiz ko'p va xilma-xil tabiiy resurslarga ega. Tabiiy resurslar orasida mineral, yer, suv, biologik va iqlimiylar resurslarning iqtisodiy ahamiyati yuqori. Tabiiy resurslar tugaydigan va tugamaydigan guruhlarga bo'linadi. Yer, suv, mineral, biologik resurslar tugaydigan tabiiy resurslar qatoriga kiradi. Ular, o'z navbatida, tiklanadigan va tiklanmaydigan guruhlarga bo'linadi. Tiklanish xususiyatiga yer, suv hamda biologik resurslar ega. Mineral resurslar, ya'ni foydali qazilmalar, tiklanmaydigan tabiiy boylik hisoblanadi.

Tugamaydigan tabiiy resurslar Quyosh energiyasi (gelioreesurslar), shamol, dengiz qalqishlari va oqimlari energiyasi, Yerning ichki energiyasi (geotermal resurslar), agroiqlimiy resurslardan iborat.

3. "Katta yettilik" davlatlarini xaritadan ko'rsating. Ulardan qaysilari to'laligicha Bosh meridiandan g'arbda va sharqda joylashgan? Eng katta davlat poytaxtini geografik koordinatalarini aniqlang.

Ushbu guruhga AQSH, Kanada, Yaponiya, Germaniya, Fransiya, Buyuk Britaniya hamda Italiya kiradi. Ular orasida bosh meridiandan to'laligicha g'arbda joylashgan davlatlar: AQSH, Kanada.

Amerika Qo'shma Shtatlarining poytaxti – Vashington shahri. Vashington shahrining geografik kordinatasi:

39° (38.91) shimoliy kenglik

77° (77.04) g'arbiy uzoqlik

Kanada davlatining poytaxti – Ottava shahri. Ottava shahrining geografik kordinatasi:

45° (45.42) shimoliy kenglik

76° (75.70) g'arbiy uzoqlik

3-BILET

1. Prezidentlik va parlamentar respublikalarning asosiy farqi. Respublikalarning turli tiplari qaysi qit'alarda ko'proq tarqalishi.

Siyosiy boshqaruvning ikki asosiy - respublika va monarxiya shakli ajratiladi. Ma'lumki, bu ikkita boshqaruv shakli, birinchi navbatda, oliy davlat hokimiyatini shakllantirish va uzatish usullari bilan farqlanadi. Respublika shakli Qadimgi Rim davridan ma'lum bo'lsa ham, uning keng tarqalishi XX asrning ikkinchi yarmiga to'g'ri keladi. 2018-yil holatiga ko'ra, jahonning siyosiy xaritasida 150 ta respublika davlatlari mavjud. Respublikalar asosan 3 ta turga bo'linadi: prezidentlik, parlamentar hamda aralash. Prezidentlik respublikalarida hokimiyatning asosiy vakolatlari prezidentga tegishli bo'lib, hukumat (vazirlar mahkamasi) tarkibi davlat rahbari tomonidan shakllantiriladi. Ba'zi davlatlarda prezident bir vaqtningo'zida davlat va hukumat rahbari lavozimlarini egallaydi. Prezidentlik respublikalariga AQSH, Meksika, Braziliya,

Argentina, Indoneziya, Afg'oniston, Belarus, Qozog'iston, O'zbekiston kabi mamlakatlar misol bo'la oladi. Prezidentlik respublikasi shakli eng ko'p Afrika va Amerika qit'alarida tarqalgan. Parlamentar respublikalarda hukumat tarkibi parlament saylovlari natijalari asosida siyosiy partiyaning tomonidan shakllantiriladi, prezident- ning funksiyalari esa cheklangan bo'ladi. Germaniya, Avstriya, Italiya, Bolgariya, Latviya, Estoniya, Gretsya, Isroil, Hindiston, Janubiy Afrika Respublikasi va boshqalar ana shunday davlatlar sirasiga kiradi (ilovaga qarang). Parlamentar respublikalar ko'proq Yevropada joylashgan.

Aralash respublikalarda esa prezident va parlament birgalikda hukumat tarkibini shakllantiradi va uning faoliyatini nazorat qiladi. Bunday respublikalar qatoriga Rossiya, Portugaliya, Ukraina, Xorvatiya, Fransiya, Jazoir, Misr va boshqa mamlakatlar mansub.

Hozirgi vaqtida dunyoda 44 ta monarxiya davlatlari mavjud bo'lib, ular konstitutsion va mutlaq monarxiyalarga bo'linadi. Konstitutsion monarxiyalarda davlat rahbari (qirol, amir, knyaz va h.k.)ning siyosiy vakolatlari ma'lum darajada cheklangan bo'lib, davlat boshqaruvida parlament va hukumatning o'rni muhim hisoblanadi. Mutlaq monarxiya boshqaruva shakliga ega bo'lgan davlatlarda esa monarxning vakolatlari cheklanmagan bo'ladi.

Hozirgi kunda monarxiya davlatlarining aksariyati (39 tasi) konstitutsion monarxiyalar hisoblanadi. Bunday davlatlardan 11 tasi Yevropada, 9 tasi Osiyoda, 3 tasi Afrikada, 10 tasi Amerikada, 6 tasi Avstraliya va Okeaniyada joylashgan. Konstitutsion monarxiyalardan 15 tasi Britaniya Hamdo'stligi qirolliklari bo'lib, ularda rasmiy ravishda davlat rahbari Buyuk Britaniya monarxi (qirol yoki qiroliche) hisoblanib, amalda bu davlatlarning siyosiy tizimida asosiy rolni bosh vazir o'ynaydi. Ushbu toifadagi davlatlarga Kanada, Avstraliya, Yangi Zelandiya, Papua-Yangi Gvineya va boshqalar kiradi.

Mutlaq monarxiyalarning umumiyligi soni 5 ta bo'lib, ulardan 4 tasi Osiyoda (Saudiya Arabistoni, Ummon, Qatar, Bruney), 1 tasi Yevropada (Vatikan) joylashgan. Saudiya Arabistoni hamda Vatikan davlatlari mutlaq teokratik monarxiyalar hisoblanadi, chunki bu ikki davlatda monarchiyaning rahbar vazifasini ham bajaradi.

Ma'muriy-hududiy tizimi (davlat tuzilishi shakli) jihatidan jahon mam-lakatlari ikki turga, ya'ni unitar va federativ davlatlarga bo'linadi. Unitar davlatlarda butun mamlakat hududida yagona qonunchilik tizimi amal qiladi, siyosiy boshqaruva esa markazlashgan holda amalga oshiriladi. Jahon mamlakatlarining aksariyati (166 tasi) unitar davlat hisoblanadi.

Davlat tuzilishining birmuncha murakkab shakli - bu federatsiyadir. Bunday davlatlarda qonunchilik, ijro va sud hokimiyati markazi (federal) hamda hududiy (shtatlar, provinsiyalar, respublikalar va boshqalar doirasida) darajalardan tashkil topadi. Federativ davlatlarning soni, 2018-yil holatiga ko'ra, 28 ta bo'lib, shujumladan, Yevropada 6 ta, Osiyoda 7 ta, Afrikada 6 ta, Amerikada 7 ta hamda Avstraliya va Okeaniyada 2 ta federatsiyalar joylashgan.

Federativ davlatlarni barpo etishda ularning tarixiy rivojlanganlik xususiyatlari (AQSH, Germaniya, Avstriya, BAA va b.), hududining benihoya kattaligi (Kanada, Avstraliya, Braziliya) yoki sochilib ketganligi (Mikroneziya Federativ shtatlari, Komor orollari va b.), aholisining ko'p millatliligi (Hindiston, Nigeriya, Bosniya va Gersegovina kabi), shuningdek boshqa sabablar hisobga olingan. Hozirgi davrda ham ayrim davlatlarda boshqaruva va davlat tuzilishi shaklini o'zgartirish holatlari uchraydi. Masalan, 2008-yilda Nepalda monarxiyadan voz kechilib, respublika boshqaruva shakliga o'tildi, 2017-yilda Turkiya esa parlamentar respublikadan prezidentlik respublikasiga aylandi. Shuningdek, so'nggi yillarda federativ davlatlar safi Iraq, Nepal, Sudan, Janubiy Sudan hisobiga ko'paydi.

2. "Agroqlimiy resurslar" va "Biologik resurslar" atamalarining mazmunmohiyatini tushuntiring.

Agroiqlimiy resurslar. Hududlarning turli ekin yetishtirish imkoniyatlari ko'p jihatdan iqlimga bog'liq. Qishloq xo'jaligi tarmoqlari rivojlanishiga ta'sir ko'rsatuvchi iqlim imkoniyatlari agroiqlimiy resurslar deyiladi. Eng muhim agroiqlimiy ko'rsatkichlar samarali haroratlar (+10o C dan yuqori) yillik yig'indisi hamda namlanish koeffitsiyenti (yog'inlar miqdorining mumkin bo'lgan bug'lanishga nisbati) hisoblanadi.

Ma'lumki, havo harorati ekvatoridan qutbiy kengliklarga tomon pasayib boradi. Ekvator atrofida samarali haroratning yillik yig'indisi 8 000o C dan yuqori bo'lsa, arktika va subarktika iqlim mintaqalarida u 400o C ga ham yetmaydi. Shuning uchun ham tropik, subekvatorial va ekvatorial iqlim mintaqalarida turli issiqsevar ekinlarni yetishtirish hamda yil davomida ikki-uch marotaba hosil olish imkoniyati mavjud.

Biologik resurslar deb, quruqlik va Dunyo okeanidagi o'simlik va hayvonot boyliklariga aytildi. Ayniqsa o'rmon resurslarining xo'jalik va ekologik ahamiyati nihoyatda katta. Jahonda o'rmonlar 40 mln. km² (4 mlrd. hektar)ni, yoki butun quruqlikning 30 % ga yaqinini tashkil etadi. Lekin o'rmonlarning yog'och materiallarni tayyorlash maqsadida kesilishi, yangi yerlarni o'zlashtirish, turli sanoat qurilishlarning ko'payishi o'rmonlarning kamayib borishiga olib kelmoqda. Dunyoda kenglik bo'ylab katta masofaga cho'zilgan ikkita - Shimoliy va Janubiy o'rmon mintaqalari mavjud. Shimoliy o'rmon mintaqasi mo'tadil va qisman subtropik iqlimli hududlar bo'ylab joylashgan. Bu mintaqa o'rmonlarining muhim xususiyati, ularda, asosan, tik o'sadigan sifatlari, ignabargli daraxtlarning o'sishidir. Bunday o'rmonlarga Rossiya, Kanada, AQSH, Finlandiya davlatlari boy.

3. Xaritadan tabiiy resurslarning ko'p turlari bilan yaxshi ta'minlangan mamlakatlarni maydoni jihatidan ketma-ketlikda tartib bilan ko'rsating. Ularning orasida O'zbekistondan eng uzoqda joylashgan davlat poytaxtini geografik koordinatalarini aniqlang.

Rossiya, Kanada, Xitoy, AQSH, Braziliya, Avstraliya, Hindiston, Qozog'iston, JAR. Yuqorida davlatlarni orasida O'zbekistondan qo'shni bo'lgan davlat Qozog'iston bo'lib, poytaxti Nur-Sulton.

Nur-Sulton shahrining geografik kordinatasasi:

- a) 51° (51.16) shimoliy kenglik
- b) 71° (71.47) sharqiy uzoqlik

4-BILET

1. Osiyo qit'asining geografik o'rni, chegaralari va siyosiy xaritasi.

Jahonning eng yirik qit'asi Osiyo deb atalishi uning geografik o'rni bilan bog'liq. Qadimiy assuriyaliklar tilida u «Quyosh chiqishi», ya'ni «sharq» ma'nosini anglatadi.

Osiyoning orollar bilan birligida umumiyligi maydoni 43,4 mln. km² (Rossiyaning Osiyodagi qismi bilan). Aholisi 4,5 mlrd. kishidan ziyod, ya'ni Osiyoda insoniyatning deyarli 60 % i yashaydi (2018-y.).

Osiyo ekvatorga nisbatan, asosan, Shimoliy, bosh meridianga nisbatan esa, asosan, Sharqiy yarim sharda joylashgan. Osiyo qirg'oqlari to'rtta okean suvlari bilan yuviladigan yagona qit'adir. Uni shimolda (Rossiyaning hududi) Shimoliy Muz, janubda Hind, sharqda Tinch okean, g'arbda Atlantika okeani havzasiga tegishli O'rta va Qora dengizlari o'rab turadi.

Osiyoning siyosiy xaritasida, Rossiyanı hisobga olmaganda, 47 ta mustaqil davlat mavjud. Bu davlatlarning ko'pi Ikkinci Jahon urushidan keyingi davrda siyosiy mustaqillikka erishgan. Qit'aning eng yosh davlatlari qatoriga 1991-yilda mustaqillikni qo'lga kiritgan O'zbekiston,

Qozog'iston, Turkmaniston, Tojikiston, Qirg'iziston, Ozarbayjon, Gruziya, Armaniston hamda 2002-yilda mustaqil davlatga aylangan Sharqiy Timor kiradi.

Osiyo davlatlari hududining maydoniga ko'ra bir-biridan ancha farq qiladi. Rossiya, Xitoy, Hindiston va Qozog'iston jahonning 10 ta eng yirik davlatlari qatoriga kiradi. Yana 4 ta davlat - Saudiya Arabistoni, Indoneziya, Eron va Mongoliyaning maydoni 1 mln. km² dan katta. Shuningdek, hududi 500 ming km² dan ziyod bo'lgan Pokiston, Turkiya, Afg'oniston, Myanma, Yaman va Tailand ham katta mamlakatlar hisoblanadi. Shu bilan birga, Osiyoda maydoni 1 ming km² dan kichik bo'lgan 3 ta davlat mavjud - Bahrayn, Singapur va Maldiv Respublikasi. Umuman olganda esa, Osiyoda Yevropaga nisbatan hududi katta bo'lgan davlatlar ko'p.

Osiyo davlatlarining aksariyatida dengizga bevosita chiqish imkoniyati mavjud. Ularning ayrimlari (masalan, Turkiya, Malayziya, Singapur, Koreya Respublikasi) serqatnov dengiz yo'llari va bo'g'izlar bo'yida joylashgan. Qi'ta davlatlaridan 9 tasi orollarda joylashgan - Indoneziya, Filippin, Sharqiy Timor, Singapur, Yaponiya, Shri-Lanka, Maldiv Respublikasi, Kipr va Bahrayn. Shu bilan birga Osiyoda 13 ta davlat quruqlik ichkarisida joylashgan. Ulardan yettiasi sobiq Ittifoq tarkibidan ajralib chiqqan yosh mustaqil davlatlar. Jahonning ichki kontinental davlatlaridan eng yirik ikkitasi (Qozog'iston va Mongoliya) aynan Osiyoda joylashgan.

Qi'tadagi 47 ta davlatdan 34 tasi respublika, 13 tasi monarxiya boshqaruv shakliga ega. Osiyoda dunyoning 5 ta mutlaq monarxiyalaridan 4 tasi (Saudiya Arabistoni, Ummon, Qatar, Bruney) joylashgan.

2.“Migratsiya” va “Urbanizatsiya” atamalarining mazmun-mohiyatini tushuntiring.

Migratsiya - ko'chish degan ma'noni bildiradi. Migratsiya ichki migratsiya va tashqi migratsiyaga bo'linadi. Ichki migratsiya - aholining mamlakat ichkarisida, uning rayonlari o'rtaida yoki qishloq joylardan shaharlarga ko'chib yurishi. Tashqi migratsiya - mamlakatdan ko'chib ketish (emigratsiya) yoki mamlakatga ko'chib kelish (immigratsiya).

Urbanizatsiya (lotincha urbs - shahar)-shaharlarning ko'payishi va o'sishi hamda aksari iqtisodiy hududlar yadrosiga aylanishi. Urbanizatsiya fan-texnika inqilobi davrida keskin avj olgan ijtimoiy-iqtisodiy jarayon bo'lib, shaharlarning o'sishi, shaharlarda, xususan yirik shaharlarda aholining ko'payishi, barcha aholi punktlarida shahar turmush tarzining tarqalishi, iqtisodiyotning asosan shaharlarga xizmat qilishida o'z aksini topadi.

3. Dunyoning siyosiy xaritasidan Yevropadagi orol davlatlarni ko'rsating. Ushbu davlatlarning qaysilari Bosh meridindan to'laligicha g'arbda joylashgan. Bosh meridianga nisbatan eng uzoqda joylashgan orol davlat poytaxtini geografik koordinatalarini aniqlang.

Yevropa qit'asidagi to'liq orollarda joylashgan mamlakatlarga Buyuk Britaniya, Irlandiya, Islandiya va Malta kiradi. Ular orasida bosh meridiandan to'laligicha g'arbda joylashgan davlatlar: Irlandiya, Islandiya. Bosh meridian chiziqda joylashgan orol davlat bu Buyuk Britaniya bo'lib poytaxti London shahri.

London shahrining geografik kordinatasi:

- 52° (51.51) shimoliy kenglik
- 0° (0.13) (g'arbiy) uzoqlik (Bosh meridian chizig'i London shahridan kesib o'tgan).

5-BILET

1. Jahon siyosiy xaritasining shakllanishi.

Jahonning siyosiy xaritasida, 2018-yil holatiga ko'ra, 240 dan ortiq mamlakat bo'lib, jumladan jahon hamjamiyati tomonidan mustaqilligi rasman tan olingan 194 ta suveren davlat mavjud.

Bulardan 193 tasi BMTning faoliyatida a'zo davlatlar sifatida, 1 tasi (Vatikan) esa kuzatuvchi-davlat bo'lib ishtirok etmoqda. Davlatlar bir-biridan turli xususiyatlari bilan ajralib turadi. Bunday muhim jihatlaridan biri hududning kattaligi hisoblanadi. Jahondagi 29 ta mustaqil davlatning maydoni 1 mln km² dan katta bo'lib, jumladan 12 tasining hududi 2 mln km² dan, 6 tasining maydoni 5 mln km² dan kattadir. Shu bilan birga dunyodagi davlatlar orasida bir guruh hududiy jihatidan mayda, yoki «mitti» davlatlar ham o'ziga e'tibor tortadi (1 - jadvalga qarang). Jahanoning siyosiy xaritasida maydoni 1 ming km² ga yetmaydi- gan 24 ta mustaqil davlat bor. Bunday davlatlar turli qit'alarda, xususan Yevropada (Vatikan, Monako, San-Marino, Lixtenshteyn va boshqalar), Osiyoda (Maldiv Respublikasi, Singapur, Bahrayn), Amerikada (Sent-Kits va Nevis, Grenada, Barbados va boshqalar), Okeaniyada (Nauru, Tuvalu, Marshall orollari va boshqalar) joylashgan.

Davlatlar geografik o'rni nuqtayi nazaridan, birinchi navbatda, dengizga chiqish imkoniyatiga ega hamda bunday imkoniyati yo'q davlatlarga bo'linadi. Dengizga chiqish imkoniyati bor davlatlar orasida esa orol, yarimorol va dengizbo'yi kontinental davlatlar ajratiladi. Orol davlatlar qatoriga Indoneziya, Filippin, Yaponiya, Shri-Lanka kabi Osiyo, Buyuk Britaniya, Irlandiya, Islandiya singari Yevropa, Madagaskar, Kabo-Verde, Komor orollari kabi Afrika, Kuba, Gaiti, Yamayka singari Amerika davlatlari hamda Okeaniyadagi Papua-Yangi Gvineya, Yangi Zelandiya, Fiji va boshqalar kiradi. Saudiya Arabistoni, Ispaniya, Italiya, Norvegiya, Koreya Respublikasi, Vyetnam kabi davlatlarni esa yarimo-roll davlatlariga misol qilib keltirish mumkin. Dengizbo'yi kontinental davlatlar esa materiklarning asosiy qismida joylashgan bo'lib, dengizga chiqish yo'llariga ega. Bunday davlatlar dunyoda ko'p (Fransiya, Germaniya, Polsha, Xitoy, Misr, AQSH va h.k.).

2. “Issiqxona samarasi” va “Agglomeratsiya” atamalarining mazmunmohiyatini tushuntiring.

«**Issiqxona samarasi**» muammosi. Atmosfera elektr energetika, metallurgiya, kimyo va boshqa sanoat tarmoqlari, transport vositalari, fazoga kosmik kemalarni uchirish hamda yong'inlar tufayli kuchli ifloslanmoqda. Har yili milliardlab tonna qattiq, gazsimon, aerozol chiqindilar atmosferaga chiqarib yuborilmoqda. Atmosfera tarkibida, ayniqsa, is gazi (CO), karbonat angidrid (CO₂) oltingugurt oksidlari (SO₂, SO₃), azot dioksidi (NO) salmog'ining oshib borishi katta ekologik muammolarni keltirib chiqarmoqda. Atmosferadagi bu gazlar miqdorining ortishi natijasida Quyoshning isitish rejimi buzila boshladi.

Agglomeratsiya - shaharlarning yirik shahar atrofida to'planishi. Shahar agglomeratsiyasi - turli kattalikdagi shaharlarning ma'muriy, ishlab chiqarish, ijtimoiy aloqalar natijasida birlashuvi hisoblanadi. Mavjud agglomeratsiyalar bir markazli va ko'p markazli bo'lishi mumkin.

3. Dunyoning siyosiy xaritasidan Osiyo mintaqasidagi orol davlatlarni ko'rsating. Ularni orasidagi eng yirik davlat poytaxtini geografik koordinatalarini aniqlang.

Hindiston, Janubiy Koreya, Malayziya. Bularni orasida eng yirigi Hindiston bo'lib, poytaxti Dehlishahri.

Dehli shahrining geografik kordinatasi:

29° (28.61) shimoliy kenglik

77° (77.21) sharqiy uzoqlik

6-BILET

1. Global ekologik muammolar.

Ekologik muammo tabiatdan nooqilona foydalanish natijasida tabiiy muhit sifatining yomonlashishidir. Ekologik muammolar hududiy ko'lami jihatidan 3 pog'onaga bo'linadi:

- global (sayyoraviy);
- regional (mintaqaviy);
- lokal (mahalliy).

«Issiqxona samarasi» muammosi. Atmosfera elektr energetika, metallurgiya, kimyo va boshqa sanoat tarmoqlari, transport vositalari, fazoga kosmik kemalarni uchirish hamda yong'inlar tufayli kuchli ifloslanmoqda. Har yili milliardlab tonna qattiq, gazsimon, aerozol chiqindilar atmosferaga chiqarib yuborilmoqda. Atmosfera tarkibida, ayniqsa, is gazi (CO_2), karbonat angidrid (CO_2) oltingugurt oksidlari (SO_2 , SO_3), azot dioksidi (NO) salmog'ining oshib borishi katta ekologik muammolarni keltirib chiqarmoqda. Atmosferadagi bu gazlar miqdorining ortishi natijasida Quyoshning isitish rejimi buzila boshladi.

Ozon qatlamining yemirilishi muammosi. Atmosferaning ifloslanishi insoniyat oldiga yana bir murakkab muammoni qo'yamoqda. Keyingi yillarda havoga ftor-xlorli birikmalar (freonlar)ning ko'p chiqarib yuborilishi natijasida Yerdagi hayotning qalqoni hisoblangan ozon qatlamining tobora yupqalashib borishi kuzatilmoqda. «Ozon tuynugi» deb nomlangan ana shu holat, dastlab Janubiy Amerikaning Antarktidaga tutash hududlari, so'nggi yillarda esa Yevrosiyoning shimoliy kengliklari ustida ham kuzatila boshlandi.

Kanadaning Montreal shahrida 1987-yilda bir nechta davlatlar freon gazlarini ishlab chiqarishga va ulardan foydalanishga chekllovlar to'g'risidagi xalqaro bitimni imzolagan. Bugungi kunga kelib, bu bitimga jahondagi aksariyat mamlakatlar qo'shilgan. Mutaxassislarning fikricha, agar Montreal bitimi qat'iy ravishda bajariladigan bo'lsa, ozon qatlamining me'yordagi qalinligi 2050-yilga kelib qayta tiklanadi.

Cho'llashish muammosi. Cho'llashish deb, cho'lllik xususiyatlari xos bo'lgan hududlar maydonining kengayib borish jarayoniga aytildi. Uning asosiy sabablari daraxt va butalarning kesilishi, chorva-mollarining tartibsiz boqilishi, suv resurslaridan nooqilona foydalaniishi hisoblanadi. Cho'llashish o'nlab davlatlardagi eng unumdar yerlarni o'z domiga tortmoqda. Cho'llashish, ayniqsa, Afrika, Janubi-g'arbiy, Markaziy va Janubiy Osiyo davlatlariga katta xavf-xatar tug'dirmoqda. Quruqlik umumiyligi maydonining 40

% qismida cho'llashish belgilari kuzatilmoqda. Yer yuzasining tegishli qismida 2 milliard kishidan ortiq aholi istiqomat qiladi.

1994-yilda BMT cho'llashishga qarshi kurashish to'g'risidagi Xalqaro konvensiyani qabul qildi. 1995-yildan boshlab har yili 17-iyunda Butun-jahon cho'llashish va qurg'oqchilikka qarshi kurashish kuni nishonlanadi. 2010-2020-yillar oralig'i BMT tomonidan «Cho'llar va cho'llashishga qarshi kurashishga bag'ishlangan o'n yillik» deb e'lon qilingan.

O'rmonsizlanish muammosi. Insoniyat butun tarixi davomida o'rmonlarni kesib borib, ularning maydoni qisqarishiga sababchi bo'lgan. Ammo keskin ravishda o'rmonsizlanish jarayoni oxirgi 100 yil davomida ro'y bermoqda. Ayniqsa ekvatorial mintaqadagi o'rmonlar hamda qurg'oqchil iqlimli tog'li hududlardagi o'rmonlar maydonining qisqarishi geografik qobiqdagi tabiiy muvozanat uchun jiddiy xavf solmoqda. Bu muammoga qarshi kurashishning asosiy yo'llari o'rmonlar kesilishini cheklash hamda ularni sun'iy ravishda ko'paytirish bilan bog'liqdir. Bu borada jahon bo'yicha ijobjiy misollar bor. Masalan, Buyuk Britaniyada oxirgi 50-60 yilda o'rmonlarning maydoni 3 barobar ko'paygan. Yaponiyada o'rmonlarning kesilishi qat'iy cheklanganligi tufayli haligacha mamlakat hududining 2/3 qismi o'rmon landshaftlari bilan band. Birlashgan Arab Amirliklarida oxirgi yillarning o'zida bir necha million daraxt ko'chatlari

cho'llarga ekib yuborilgan. O'zbekistonda ham yaqin yillarga mo'ljallangan Orol dengizining qurigan tubini o'rmonlashtirish ishlarining keng qamrovli rejalar tuzilgan va bosqichma-bosqich amalga oshirilmoqda. Chuchuk suv tanqisligi muammosi. Insoniyatning chuchuk suvga bo'lган ehtiyojini qondiradigan asosiy manba daryolar bo'lib, ularning katta qismi aholi ancha siyrak yashaydigan sovuq va ekvatorial iqlimli hududlar bo'ylab oqadi.

Quruqlikning 1/3 qismidan ko'prog'ini egallaydigan qurg'oqchil iqlimli hududlarda suv tanqisligi mavjud. Shimoliy va Janubiy Afrika, Janubiy va Janubi-g'arbiy Osiyo mamlakatlari, shuningdek, O'zbekiston, Turkmaniston, Qozog'iston kabi Markaziy Osiyo davlatlarida bu muammo ancha dolzarb hisoblanadi.

Hozirgi paytda Fors qo'lting'i, O'rta dengizbo'yi mamlakatlari, Qozog'iston, AQSH, Yaponiya, Karib dengizi orol mamlakatlarda dengiz suvini chuchuklashtirish ishlari kengayib bormoqda. Ekologik siyosat - ilmiy tavsiyalarni hisobga olgan holda, tabiiy muhitni muhofaza qilish va uni sog'lomlashtirishga, tabiiy resurslardan oqilonqa foydalanish va ularni boyitishga qaratilgan harakatlar majmuasi.

Muhim tomoni shundaki, atrof-muhitni muhofaza qilish va ekologiyani sog'lomlashtirish muammolarini hal qilishda BMT va uning ko'plab bo'limlari faol ish olib bormoqda. Jumladan, BMTning atrof-muhitni muhofaza qilish dasturi (YUNEP) mavjud. Bu xalqaro tashkilotning bosh idorasi Keniya poytaxti Nayrobi shahrida joylashgan.

2. "Demografik portlash" va "Ijtimoiy soha" atamalarining mazmunmohiyatini tushuntiring.

«Demografik portlash» bu.....o'lim darajasi pasayishi tufayli aholi sonining tez sur'atlar bilan ko'payishi 1960-1980-yillarda yillarda jahonda «demografik portlash» jarayoni yuz berdi. So'nggi yillarda aholishunos olimlar «demografik portlash»ga nisbatan deyarli nihoyasiga yetib borayotgan jarayon sifatida baho berayotgan bo'lsalarda, Afrika va Osiyoning bir qator davlatlarida aholining yillik tabiiy ko'payish darajasi hali ham yuqori darajada kuzatilmoqda. «Ijtimoiy soha» asosan moddiy ne'mat ishlab chiqarmaydigan sohalarni qamrab oladi.

Shuningdek, unga aloqa xizmati ham kiradi. Mazkur soha xizmat ko'rsatish sohasi ham deb yuritiladi. Iqtisodiyotimizni barqaror rivojlantirishda xizmat ko'rsatish sohasi tobora katta rol o'ynamoqda. Xizmat ko'rsatish sohalari tarkibi nihoyatda xilma-xil va murakkab. Garchi iqtisodiyotning barcha sohalari aholining moddiy-ma'naviy ehtiyojini qondirsada, ammo bunda xizmat ko'rsatish sohalarining o'rni beqiyosdir. Uning bosh vazifasi aholiga maishiy xizmat ko'rsatishni ko'paytirish hamda ularning turi va sifatini yaxshilashdir.

3. Dunyoning siyosiy xaritasidan tayanch rivojlanayotgan mamlakatlarni ko'rsating. Ushbu davlatlarning poytaxtlaridan qaysi birida Quyosh qolganlariga nisbatan erta chiqadi? Ushbu davlat poytaxtining geografik koordinatalarini aniqlang.

Fors qo'lting'i arab davlatlari - Saudiya Arabiston, Birlashgan Arab Amirliklari (BAA), Ummon, Qatar, Kuvayt, Bahrayn. Bu mamlakatlar guruhi Fors qo'lting'i arab davlatlari deb ataladi.

Yuqorida davlatlar orasida Quyosh erta chiqadigan davlat bu Ummon davlati bo'lib, poytaxti Maskat shahri.

Maskat shahrining geografik koordinatasi.

24° (23.59) shimoliy kenglik.

58° (58.38) sharqiy uzoqlik.

7-BILET

1. Mineral resurslar geografiyasi.

Tabiatda minerallar holida uchraydigan tabiiy boyliklar mineral resurslar (foydali qazilmalar) deyiladi. Inson juda qadim zamonlardanoq mavjud resurslardan foydalaniib kelgan. Davrlar o'tishi bilan esa foydalniladigan mineral resurslar turi va hajmi tobora ortib borgan. Hozirgi vaqtida mineral resurslarning

200 ga yaqin turlaridan xo'jalik ehtiyojlari uchun foydalanimoqda. Ular 3 guruhga, ya'ni yoqilg'i- energetika, rudali va noruda mineral resurslariga bo'linadi.

Tugaydigan va tiklanmaydigan tabiiy resurs hisoblanadigan yerosti qazilma boyliklaridan foydalinish hajmi yildan yilga oshib bormoqda. Mineral resurslardan eng katta hajmda iste'mol qilinadiganlar: neft, tabiiy gaz, ko'mir, temir rudalari va qurilish materiallaridir.

Mineral yoqilg'i-energetika resurslariga ko'mir, neft, tabiiy gaz, torf, yonuvchi slanes, uran kiradi. Mineral yoqilg'i zaxiralaring eng katta qismi ko'mirga (70-75 % gacha) to'g'ri keladi. Yoqilg'i mineral resurs- larining konlari qadimgi platformalarning chekka botiq qismlarida ko'proq uchraydi.

Hozirgi vaqtida jahonda 3 600 dan ziyod ko'mir havzalari va konlari bor bo'lib, ular jami quruqlikning 15 % ini egallaydi. Yirik ko'mir havzalari ko'proq Shimoliy yarim sharda joylashgan. Ko'mirning eng yirik zaxiralari AQSH, Rossiya, Xitoy, Avstraliya, Hindiston, Germaniya, Ukraina, Qozog'iston, JAR va Indoneziya davlatlariga to'g'ri keladi.

Eng muhim foydali qazilmalarning jahon bo'yicha aniqlangan zaxiralari va qazib olinishi (2016-y.)

Foydali qazilma turlari	O'Ichov birligi	Aniqlangan zaxiralari	Yillik olinishi qazib
Ko'mir	mlrd.t	861,5	7,3
Neft	mlrd.t	191,3	4,3
Tabiiy gaz	trln. m ³	180	3,6
Temir rudasi	mlrd.t	160	2,1

Jahon bo'yicha 600 ga yaqin neft va gaz havzalari aniqlangan. Neft va gaz konlarining ham asosiy qismi sayyoramizning shimoliy yarim sharida joylashgan. Eng yirik neft-gaz zaxiralari Fors qo'lting'i davlatlari, Venesuela, Shimoliy Amerika (AQSH, Kanada, Meksika), Rossiya (asosan, G'arbiy Sibir), Kasbiybo'yi mamlakatlari, Shimoliy Afrika (ayniqsa, Liviya va Jazoir), Gvineya qo'lting'i mamlakatlari (ayniqsa, Nigeriya) hamda Xitoyda joylashgan.

Jahon iqtisodiyotida rudali (metall) qazilma resurslarining ahamiyati nihoyatda kattadir. Yer yuzida rudali mineral resurslarga boy mintaqalar, masalan, Alp-Himolay, Tinch okeanbo'yi mintaqalari mavjud. Bunday mintaqalar sanoat uchun muhim xomashyo bazasi bo'lib xizmat qiladi va ayrim davlatlarning iqtisodiy rivojlanishini belgilaydi. Xitoy, Rossiya, AQSH, Kanada, Avstraliya, Braziliya, JAR, Qozog'iston, Hindiston, Chili, Peru jahonda qora va rangli metall xomashyolariga eng boy mamlakatlar hisoblanadi.

Noruda mineral boyliklardan eng muhimlari osh tuzi, kaliy tuzlari, fosforit, oltingugurt, olmos, qurilish materialari hisoblanadi. Ularning konlari qadimiy platformalarda, burmali tog'larda, sho'r ko'llarning botiqlarida ko'p uchraydi. Turli mineral tuzlarning zaxiralari bo'yicha dunyoda Rossiya, AQSH, Xitoy, Hindiston, Boliviya, Belarus, Avstraliya singari mamlakatlar yetakchilik qiladi. Olmosning katta zaxiralari ega bo'lgan davlatlar esa Rossiya, Avstraliya, Botsvana, JAR, Kongo Demokratik Respublikasi, Kanada, Angola va boshqalardir. Tabiiy mineral resurslarning shu vaqtgacha, asosan, iqtisodiy-texnik jihatdan qulay joylashuv va sharoitga ega konlari o'zlashtirib kelindi. Yangi mineral konlarni izlash

ishlari so'nggi davrlarda, asosan, Rossianing shimoliy va sharqiy hududlari, AQSHning g'arbiy tog'li qismi va Alyaska, Kanadaning shimoli, Janubiy Amerika, Avstralija, Afrikaning kam o'zlashtirilgan cho'l, tog'li va o'rmonli o'lkalarida faol olib borilmoqda. Ammo yetib borish qiyin bo'lgan hududlardan qazib olinadigan mineral xomashyoning tannarxi ancha qimmatdir. Shu bois, insoniyatning mineral resurslardan oqilona foydalanish borasidagi eng muhim vazifalaridan biri bu tabiiy ne'matlarni tejab ishlash yo'llarini topishdan iborat.

2. “Depopulyatsiya” va “Iqtisodiy rayon” atamalarining mazmunmohiyatini tushuntiring.

Depopulyatsiya bu tug'ilishning o'limga nisbatan pastligi Mehnatning geografik taqsimlanishi asosida o'z ixtisoslashuviga ko'ra bir-biridan farq qiluvchi hududlar **iqtisodiy rayonlar** yuzaga keladi. Iqtisodiy rayon (hudud)lar uchun butun mamlakat miqyosida ixtisoslashuv o'ziga xos bo'lib, mahsulot almashinushi juda keng qamrovida amalga oshadi. Bunday rayonlarning bir necha ixtisoslashgan tarmoqlari bo'lishi ham mumkin.

Iqtisodiy rayon bu:

Geografik o'rni o'ziga xos;
Mamlakat miqyosida ixtisoslashgan;
Majmuali xo'jalik shakillangan;
Tabiiy boyliklar hamda ishchi kuchi bilan ta'minlanishida boshqa rayonlardan farqlanuvchi hududlardir.

3. Dunyoning siyosiy xaritasidan Afrikaning aholi soniga ko'ra beshta peshqadam davlatlarni ko'rsating. Qit'ada aholisi eng ko'p bo'lgan davlat poytaxti geografik koordinatalarini aniqlang.

Osiyo mintaqasidagi aholisi soni bo'yicha peshqadam bo'lgan davlatlar – Xitoy, Hindiston, Indoneziya, Pokiston, Bangladesh davlatlaridir.

Yuqorida keltirilgan davlatlarning orasida Xitoy aholi soni bo'yicha nafaqat qit'ada balki dunyodapeshqadam hisoblanadi. Xitoy davlatining poytaxti: Pekin shahri.

Pekin shahrining geografik koordinatasasi.

40° (39.91) shimoliy kenglik.

116° (116.41) sharqiy uzoqlik.

8-BILET

1. Urbanizatsiya jarayonining mohiyati. Urbanizatsiya darajasiga ko'ra jahon davlatlarining tasnifi.

Urbanizatsiya - (lotincha «urb» - «shahar») - shaharlar, shahar aholisining soni va salmog'ining o'sishi, shahar turmush tarzining tarqalish jarayoni.

Urbanizatsiya darajasi, odatda, jami aholi tarkibida shahar aholisining salmog'i bilan o'lchanadi. Agar 1800-yilda Yer yuzi aholisining 3 % i sha-harlarda istiqomat qilgan bo'lsa, oradan yuz yil o'tib, mazkur ko'rsatkich 14 % ga yetdi. 2000-yilga kelib jahonda urbanizatsiya darajasi 47 % ni tashkil qildi. 2018-yil holatiga ko'ra, dunyo bo'yicha urbanizatsiyaning o'rtacha ko'rsatkichi 55 % ga teng bo'ldi.

Urbanizatsiya darajasi ko'rsatkichlari bo'yicha jahon davlatlarini uch toifaga ajratish mumkin:
Shahar aholisining ulushi 75 % dan yuqori bo'lgan yuqori darajada urbanizatsiyalashgan davlatlar (masalan, AQSH, Yaponiya, Belgiya va b.);

Shahar aholisining ulushi 50 % dan 75 % gacha bo'lgan o'rtacha darajada urbanizatsiyalashgan davlatlar (masalan, JAR, Peru, Xitoy va b.);

Shahar aholisining ulushi 50 % dan kam bo'lgan past darajada urbanizatsiyalashgan davlatlar (masalan, Misr, Bangladesh, Moldova va b.).

Mintaqalar orasida eng yuqori urbanizatsiya darajasi Shimoliy Amerikaga tegishli (82 %). Bu ko'rsatkich Lotin Amerikasida 81 %, Yevropa-pada 74 %, Avstraliya va Okeaniyada 68 %, Osiyoda 50 %, Afrikada 43 % ni tashkil etadi. Jahanning barcha mintaqalarida urbanizatsiya darajasi davriy ravishda o'sib bormoqda. Yevropa, Shimoliy Amerika, Avstraliya va Okeaniya hududlarida mazkur ko'rsatkichning o'zgarishi nisbatan sekin yuz bermoqda. Osiyo va Afrikada esa aholining tabiiy o'sishi yuqoriligi, qishloqlardan shaharlarga faol aholi migratsiyasi ta'sirida urbanizatsiya darajasi tez ortib bormoqda.

Urbanizatsiya jarayoni natijasida nafaqat shaharlar va shahar aholisi soni ortadi, balki shahar manzilgohlari maydoni ham kengayishi yuz beradi. Natijada shahar aglomeratsiyalari va megalopolislardan vujudga keladi.

Shahar aglomeratsiyasi - turli kattalikdagi shaharlarning ma'muriy, ishlab chiqarish, ijtimoiy aloqalar natijasida birlashuv hisoblanadi. Mavjud aglomeratsiyalar bir markazli va ko'p markazli bo'lishi mumkin.

2. “Hududiy ishlab chiqarish majmualari (HICHM)” va “Aholining etnik tarkibi” atamalarining mazmun-mohiyatini tushuntiring.

Iqtisodiy rayonning rivojlanganlik darajasini unda qanday hududiy ishlab chiqarish majmualari (HICHM) mavjudligi va qay darajada shakllanganidan bilish mumkin. U mamlakat miqyosida mablag'larni anchagina iqtisod qiladi, ijtimoiy mehnat unumdarligini oshiradi, tabiat muhofazasini, xalqimiz turmush, mehnat, dam olish sharoitlarining yaxshilanishini ta'minlaydi. **HICHM** - ishlab chiqarish sohasidagi barcha tarmoqlarga qarashli har xil korxonalarning bir umumiyy hududdagi o'zaro bog'langan uyg'unligidir.

Aholining etnik tarkibi hududlarda yashovchi etnoslar (yunoncha etnos - «xalq») salmog'idir. Etnoslar insonlarning tarixan shakllangan, yashash hududi, madaniyati, turmush tarzi bilan o'zaro farq qiluvchi ijtimoiy guruhlar hisoblanadi. Ularning qabila, elat hamda millat ko'rinishlari mavjud.

Qabila kishilarning eng qadimiy oddiy ijtimoiy uyushmalari hisoblanadi. Ular hozirgi kunda, asosan, Amazoniya, Okeaniya, Afrikaning markaziy hududlarida saqlanib qolgan. Elat esa qabila va millat orasidagi etnik birlik bo'lib, kam sonli etnoslardan iboratdir. Elatlar, asosan, Osiyo va Afrika davlatlarida mavjud.

Yagona tili, hududi, madaniyati, mentaliteti va milliy o'zligini anglash xususiyatlari yuqori darajada shakllangan, ko'pchilik holatlarda o'z siyosiy davlatchilik an'analariga ega bo'lgan yirik etnoslar millat deb ataladi. Dunyo millatlari orasida vakillarining soni 100 mln. kishidan ortiq bo'lgan 12 ta, 50-100mln. kishi bo'lgan 12 ta, 25-50 mln. kishi bo'lgan 17 ta millat mavjud.

3. Dunyoning siyosiy xaritasidan po'lat eritish bo'yicha 5 ta yetakchi davlatlarni ko'rsating. Ular orasidan eng kichik davlat poytaxti geografik koordinatalarini aniqlang.

Nº	Cho'yan ishlab chiqaruvchi yetakchi davlatlar	Miqdori, mln. t
1	Xitoy	701
2	Yaponiya	80,2
3	Hindiston	63,7
4	Rossiya	51,9
5	Koreya Respublikasi	46,3
	<i>Jahon bo'yicha</i>	<i>1165</i>

Yuqoridagi jadvaldan ko'rinish turibdiki cho'yan ishlab chiqarishda yetakchi davlatlar orasida maydoni eng kichkina davlat Koreya Respublikasi bo'lib, poytaxti Seul shahri. Pekin shahrining geografik kordinatasi:

36° (36.03)shimoliy kenglik

128° (127.75) sharqiy uzoqlik

9-BILET

1. Yevropaning tabiiy sharoiti va resurslari.

Tabiiy sharoiti va resurslari. Yevropa mamlakatlari ijtimoiy-iqtisodiy rivojlanishiga tabiiy sharoitining ma'lum xususiyatlari ta'sir ko'rsatgan. Bunday tabiiy geografik omillar qatoriga nisbatan iliq vanam iqlim, transport sharoiti murakkab bo'lgan baland tog' tizmalarining kamligi, suv va o'rmon resurslarining yetarliligi, dengiz portlarini qurish uchun qulay qirg'oqbo'yи hududlarning ko'pligini kiritish mumkin.

Yevropada yoqilg'i-energetika resurslaridan toshko'mir, qo'ng'ir ko'mir, neft, tabiiy gaz, yonuvchi slaneslar yirik konlari mavjud. Toshko'mirning yirik konlari Germaniya, Rossiya va Ukrainada ochilgan. Qo'ng'ir ko'mirning yirik konlari Germaniya, Chexiya va Polshada joylashgan. Yonuvchi slaneslarning katta zaxiralari Estoniyada mavjud. Yevropada neft va tabiiy gazning asosiy zaxiralari Rossiyaning turli hududlari hamda Shimoliy va Norvegiya dengizlari sayozliklarida ochilgan. Bu yerdagi neft va gaz konlarining asosiy qismi Buyuk Britaniya, Norvegiya va Niderlandiyaga tegishli.

Temir rudalarining yirik konlari Rossiya, Ukraina, Shvetsiya, Fransiya va Germaniyada joylashgan. Polsha, Bolgariya, Ruminiyada mis-molibden konlari, Fransiya va Gretsiyada boksit, Italiya, Ispaniya, Ukrainada simob rudalarining yirik zaxiralari mavjud.

Yevropada yer va suv resurslaridan intensiv tarzda foydalanalmoqda. Qit'a tabiiy sharoiti qishloq xo'jaligini rivojlantirish uchun, umuman olganda, qulay hisoblanadi. Bu jihatdan G'arbiy va Janubiy Yevropa Shimoliy Yevropadan keskin ajralib turishini aytib o'tish lozim. Janubiy Yevropa mamlakatlarida iqlim sharoitining birmuncha qurg'oqchilligi tufayli sun'iy sug'orish ancha keng tarqalgan.

Yevropa o'rmon resurslari bilan yaxshi ta'minlangan. Bu borada, ayniqsa, Rossiya, Finlandiya, Shvetsiya, Norvegiya, Buyuk Britaniya alohida ajralib turadi

2. "Megalopolis" va "Hududiy ixtisoslashuv" atamalarining mazmunmohiyatini tushuntiring.

Jahonda to'liq shakllangan megalopolislardan haqida ma'lumot

Nº	Megalopolis	Joylashgan davlati	Agglomeratsiya larsoni	Eng yirik agglomeratsiyasi	Umumi uzunligi, km

1	Shimoli-sharqiy (Bosvash)	AQSH	40	Nyu-York	800
2	Ko'lbo'yi (Chipits)	AQSH	35	Chikago	900
3	Tinch okeanbo'yi (Sansan)	AQSH	15	Los-Anjeles	800
4	Ingliz	Buyuk Britaniya	30	London	400
5	Reyn	Niderlandiya, Germaniya, Belgiya, Fransiya	30	Reyn-Rur	500
6	Yapon (Tokaydo)	Yaponiya	20	Tokio- Iokagama	700

Ixtisoslashish - kishilarning biron-bir mashg`ulotda band bo`lishi yoki mehnatning ayrim operatsiyalarga bo`linishi. Qishloq xo`jaligida ayrim ekinlar ekishga yoki chorvachilikning muayyan sohasiga ixtisoslanadi. Sanoatda bir yoki bir necha detal tayyorlashga ixtisoslanadi. Bu esa, ishlab chiqarishni mexanizatsiyalashni osonlashtiradi, mahsulotni arzonlashtiradi, shuningdek zavodlarda muayyan uzel, agregat, masalan, avtomobil dvigateli tayyorlashga ixtisoslanadi.

Ma'lum vaqt o'tib, hududlarning ixtisoslashuvida o`zgarishlar ro'y berishi mumkin. Masalan, Qashqadaryo hududida neft va gaz konlari ochilib, ishga tushirilgach, bu hududda yangi ixtisoslashgan ishlab chiqarish shakllandi. O`zbekiston mustaqillikni qo`lga kiritgandan so'ng don mahsulotlari bilan o`zini o`zi ta'minlash vazifasi qo'yildi. Natijada viloyatlarda ko'plab g'alla ekila boshlandi. Oqibatda shu viloyatlar paxtachilikdan tashqari g`allachilikka ham ixtisoslashdi.

Mehnatning geografik taqsimlanishi asosida o`z ixtisoslashuviga ko`ra bir-biridan farq qiluvchi hududlar - iqtisodiy rayonlar yuzaga keladi. Iqtisodiy rayon (hudud)lar uchun butun mamlakat miqyosida ixtisoslashuv o`ziga xos bo`lib, mahsulot almashinuviga juda keng qamrovda amalga oshadi. Bunday rayonlarning bir necha ixtisoslashgan tarmoqlari bo`lishi ham mumkin.

Mamlakat miqyosida ixtisoslashgan tarmoqni qanday aniqlash mumkin? Buning uchun izlanayotgan ixtisoslashuv koeffitsientini K deb olamizda, quyidagi formulani tuzamiz: bunda: M- rayon mahsulotining mazkur tarmoq bo'yicha mamlakatdagi salmog'i, A - mamlakat aholisi sonida rayon aholisining salmog'i. Agar K ko'rsatkich birdan katta bo'lsa, bilingki, rayon bu tarmoqqa ixtisoslashgan ekan. Ixtisoslashish ko'rsatkichi (K)ning katta-kichikligiga qarab, iqtisodiy rayonning ixtisoslashish darajasini bilsa bo'ladi. Bundan tashqari, ixtisoslashish imkoniyati transportga va mahsulotni tashish xarajatlariga ham bog'liq.

3. Dunyoning siyosiy xaritasidan urbanizatsiya darjasasi ko'rsatkichlari eng yuqori bo'lgan Osiyo davlatlarini ko'rsating. Ularning orasida janubiy qutbga eng yaqin joylashgan davlat poytaxti geografik koordinatalarini aniqlang.

Osiyoning yangi industrial davlatlari - Koreya Respublikasi, Singapur, Malayziya, Tailand. Yuqoridagi davlatlar orasida shimoliy qutbga eng yaqin davlat bu Koreya Respublikasi bo'lib, poytaxti –Seul shahri.

Seul shahrining geografik kordinatasasi:

10-BILET

1. Mamlakatlarning davlat tuzilishi bo'yicha tasnifi.

Siyosiy boshqaruvning ikki asosiy - respublika va monarxiya shakli ajratiladi. Ma'lumki, bu ikkita boshqaruv shakli, birinchi navbatda, oliv davlat hokimiyatini shakllantirish va uzatish usullari bilan farqlanadi.

Respublika shakli Qadimgi Rim davridan ma'lum bo'lsa ham, uning keng tarqalishi XX asrning ikkinchi yarmiga to'g'ri keladi. 2018-yil holatiga ko'ra, jahonning siyosiy xaritasida 150 ta respublika davlatlari mavjud. Respublikalar asosan 3 ta turga bo'linadi: prezidentlik, parlamentar hamda aralash. Prezidentlik respublikalarida hokimiyatning asosiy vakolatlari prezidentga tegishli bo'lib, hukumat (vazirlar mahkamasi) tarkibi davlat rahbari tomonidan shakllantiriladi. Ba'zi davlatlarda prezident bir vaqtning o'zida davlat va hukumat rahbari lavozimlarini egallaydi. Prezidentlik respublikalariga AQSH, Meksika, Braziliya, Argentina, Indoneziya, Afg'oniston, Belarus, Qozog'iston, O'zbekiston kabi mamlakatlar misol bo'la oladi. Prezidentlik respublikasi shakli eng ko'p Afrika va Amerika qit'alarida tarqalgan.

Parlamentar respublikalarda hukumat tarkibi parliament saylovlari natijalari asosida siyosiy partiylar tomonidan shakllantiriladi, prezidentning funksiyalari esa cheklangan bo'ladi. Germaniya, Avstriya, Italiya, Bolgariya, Latviya, Estoniya, Gretsya, Isroil, Hindiston, Janubiy Afrika Respublikasi va boshqalar ana shunday davlatlar sirasiga kiradi (ilovaga qarang). Parlamentar respublikalar ko'proq Yevropada joylashgan.

Aralash respublikalarda esa prezident va parliament birgalikda hukumat tarkibini shakllantiradi va uning faoliyatini nazorat qiladi. Bunday respublikalar qatoriga Rossiya, Portugaliya, Ukraina, Xorvatiya, Fransiya, Jazoir, Misr va boshqa mamlakatlar mansub.

Hozirgi vaqtida dunyoda 44 ta monarxiya davlatlari mavjud bo'lib, ular konstitutsion va mutlaq monarxiyalarga bo'linadi. Konstitutsion monarxiyalarda davlat rahbari (qirol, amir, knyaz va h.k.)ning siyosiy vakolatlari ma'lum darajada cheklangan bo'lib, davlat boshqaruvida parliament va hukumatning o'rni muhim hisoblanadi. Mutlaq monarxiya boshqaruv shakliga ega bo'lgan davlatlarda esa monarxning vakolatlari cheklanmagan bo'ladi.

Hozirgi kunda monarxiya davlatlarining aksariyati (39 tasi) konstitutsion monarxiyalar hisoblanadi. Bunday davlatlardan 11 tasi Yevropada, 9 tasi Osiyoda, 3 tasi Afrikada, 10 tasi Amerikada, 6 tasi Avstraliya va Okeaniyada joylashgan. Konstitutsion monarxiyalardan 15 tasi Britaniya Hamdo'stligi qirolliklari bo'lib, ularda rasmiy ravishda davlat rahbari Buyuk Britaniya monarxi (qirol yoki qirolichcha) hisoblanib, amalda bu davlatlarning siyosiy tizimida asosiy rolni bosh vazir o'ynaydi. Ushbu toifadagi davlatlarga Kanada, Avstraliya, Yangi Zelandiya, Papua-Yangi Gvineya va boshqalar kiradi.

Mutlaq monarxiyalarning umumiy soni 5 ta bo'lib, ulardan 4 tasi Osiyoda (Saudiya Arabistoni, Ummon, Qatar, Bruney), 1 tasi Yevropada (Vatikan) joylashgan. Saudiya Arabistoni hamda Vatikan davlatlari mutlaq teokratik monarxiyalar hisoblanadi, chunki bu ikki davlatda monarx diniy rahbar vazifasini ham bajaradi.

Ma'muriy-hududiy tizimi (davlat tuzilishi shakli) jihatidan jahon mamlakatlari ikki turga, ya'ni unitar va federativ davlatlarga bo'linadi. Unitar davlatlarda butun mamlakat hududida yagona qonunchilik tizimi amal qiladi, siyosiy boshqaruv esa markazlashgan holda amalga oshiriladi. Jahon mamlakatlarining aksariyati (166 tasi) unitar davlat hisoblanadi.

Davlat tuzilishining birmuncha murakkab shakli - bu federatsiyadir. Bunday davlatlarda qonunchilik, ijro va sud hokimiyati markaziy (federal) hamda hududiy (shtatlar, provinsiyalar,

respublikalar va boshqalar doirasida) darajalardan tashkil topadi. Federativ davlatlarning soni, 2018-yil holatiga ko'ra, 28 ta bo'lib, shu jumladan, Yevropada 6 ta, Osiyoda 7 ta, Afrikada 6 ta, Amerikada 7 ta hamda Avstraliya va Okeaniyada 2 ta federatsiyalar joylashgan.

Federativ davatlarni barpo etishda ularning tarixiy rivojlanganlik

xususiyatlari (AQSH, Germaniya, Avstriya, BAA va b.), hududining benihoya kattaligi (Kanada, Avstraliya, Braziliya) yoki sochilib ketganligi (Mikroneziya Federativ shtatlari, Komor orollari va b.), aholisining ko'p millatliligi (Hindiston, Nigeriya, Bosniya va Gersegovina kabi), shuningdek boshqa sabablar hisobga olingan.

Hozirgi davrda ham ayrim davatlarda boshqaruv va davlat tuzilishi shaklini o'zgartirish holatlari uchraydi. Masalan, 2008-yilda Nepalda monarxiyadan voz kechilib, respublika boshqaruv shakliga o'tildi, 2017-yilda Turkiya esa parlamentar respublikadan prezidentlik respublikasiga aylandi. Shuningdek, so'nggi yillarda federativ davlatlar safi Iroq, Nepal, Sudan, Janubiy Sudan hisobiga ko'paydi.

2. “Globallashuv” va “Rekreatsiya” atamalarining mazmun-mohiyatini tushuntiring.

Globallashuv – butun jahondagi iqtisodiy, siyosiy va madaniy integratsiya jarayoni. Globallashuv jarayoni iqtisodiy integratsiyaning yuzaga kelishiga olib kelgan. Xalqaro iqtisodiy integratsiya davatlarning o'zaro mustahkam aloqalarga hamda milliy xo'jaliklararo mehnat taqsimotiga asoslangan iqtisodiy birlashuv jarayonidir.

Rekreatsiya xizmati (sayohat, hordiq chiqarish, sanatoriya-kurort) – mehnat qilish jarayonida sarflangan kuch, energiyani tiklashda muhim omil hisoblanadi.

Rekreatsiya resurslari ikki xil, ya'ni tabiiy rekreatsiya hamda madaniy-tarixiy rekreatsiyaga bo'linadi. Tabiiy rekreatsiya resurslariga tabiiy sharoit va tabiiy boyliklari zaminida vujudga kelgansharsharalar, g'orlar, buloqlar, so'lim tog' yonbag'irlari kiradi.

O'z navbatida madaniy-tarixiy rekreatsiyaga qadimgi shaharlar, maqbaralar, qal'alar, me'morchilik binolari, muzeylar misol bo'ladi.

3. Dunyoning siyosiy xaritasidan Afrikadagi ichki kontinental davatlardan beshtasini ko'rsating. Ular orasidan Hind okeaniga eng yaqin joylashgan davlat poytaxti geografik koordinatalarini aniqlang.

Afrikada quruqlik ichkarisida joylashgan jami 16 ta davlat mayjud. Chad, Niger, Mali, Efiopiya, Zambiya, Botsvana, Janubiy Sudan, Burkina-Faso, Burundi, Lesoto, Malavi, MAR, Ruanda, Svazilend, Uganda, Zimbabve. Bu davlatlar orasida **Lesoto** davlati to'laligicha bitta davlat hududdi bilan o'ralsan, ya'ni JAR bilan. Lesoto davlati poytaxti: Maseru shahri hisoblanadi.

Maseru shahrining geografik kordinatasasi:

29° (29.32) janubiy kenglik

27° (27.49) sharqiy uzoqlik

11-BILET

1. Fan-texnika inqilobi. Ishlab chiqarishning rivojlanishi va texnologiyalarning ta'siri.

Jahon xo'jaligi tarmoqlarining tez sur'atlarda rivojlanishi, ularning tarkibiy takomillashuviga fan-texnika inqilobi katta ta'sir ko'rsatgan. Fan-texnika inqilobi (FTI) deb jamiyatda fanning asosiy ishlab chiqaruvchi kuchga aylanishi natijasida ishlab chiqarishda tub sifatiy o'zgarishlarga erishish jarayoniga aytildi. 1950-1960-yillarda jahonning yetakchi davlatlarida fanga bo'lgan e'tiborning ortishi hamda ilmiy kashfiyotlarning tez fursatda amaliyotga tatbiq etilishi natijasida ishlab chiqarishda tarkibiy o'zgarishlar yuz berdi, yangi sohalari paydo bo'ldi.

Inson tomonidan koinotni o'zlashtirishga bo'lgan harakatlar, yadro energiyasini tinch maqsadlarda o'zlashtirish (AESlar qurilishi), elektron hisoblash mashinalari - EHMlarning paydo bo'lishi insoniyattaraqqiyotidagi muhim yangiliklar bo'lib, ular fanning ishlab chiqarish bilan chambarchas aloqaga kirishganligini ko'rsatib berdi. O'z xususiyatiga ko'ra FTI ko'p qirrali bo'lib, o'zining tarkibiy qismlari hisoblangan fan, texnika, texnologiya, ishlab chiqarish hamda boshqaruvda katta o'zgarishlarning yuzaga kelishiga sabab bo'ldi.

FTI ta'sirida fanda davlat tomonidan ilmiy tadqiqot ishlari uchun sarflanadigan mablag'lar ko'paytirildi, ta'lim tizimida sifatiy o'zgarishlar amalga oshirildi. Fan sohalari tarkibida yangi yo'naliishlar rivojlandi (masalan, biotexnologiya, nanotexnologiya). Ishlab chiqarish bilan fan o'rtasidagi aloqalarning kuchayishi rivojlangan davlatlar tomonidan ilmiy tadqiqot va tajriba-konstrukturlik ishlariga katta mablag'larning yo'naltirilishiga sababchi bo'ldi. Butun jahonda bajariladigan ilmiy tadqiqot ishlarining 4/5 qismi Yaponiya, AQSH, GFR va boshqa 10 ta rivojlangan davlatga to'g'ri keladi. Bu davlatlarda YMMning 2-3 % i fanga sarflanadi. Barcha rivojlanayotgan davlatlarga esa jahon bo'yicha fan rivojiga yo'naltiriladigan mablag'larning atigi 4-5 % i to'g'ri keladi.

Texnika va texnologiyalar sohasida yangi texnologik jarayonlarning joriy etilishi, EHM, robotlardan ishlab chiqarishda keng foydalanishi, kvant texnikasining rivojlanishi (lazerlar) kabi o'zgarishlar natijasida ishlab chiqarish samarasi, mehnat unumдорligi oshdi. Ishlab chiqarishni avtomatlashtirish va robotlashtirish jarayonlari inson mehnatini yengillashtirdi. Hozirgi davrda texnika va texnologiyalar sohasida yuz bergan yangiliklar ta'sirida mehnat bilan birga boshqa resurslarni ham tejashga katta e'tibor qaratilmoqda. Shu bilan birga ekologik holatni yaxshilash uchun bir qator tadbirlar amalga oshirilmoqda. Masalan, Buyuk Britaniya va Italiyada po'latning 2/3 qismi temir-tersakdan, Buyuk Britaniya va Yaponiyada qog'ozning 1/2 qismi qog'oz chiqindilaridan olinadi.

Ilmiy yangiliklar ishlab chiqarish tarmoqlari tarkibida yangi sohalarning paydo bo'lishiga olib keldi (masalan, kimyo sanoatining polimerlar yo'naliishi). Bundan tashqari, FTI sanoat tarmoqlari orasida butunlay yangi va zamonaviy sanoat tarmoqlarining shakllanishiga zamin yaratdi (masalan, mikrobiologiyasanoati). Tannarxi qimmat bo'lgan tabiiy xomashyo o'rnnini bosuvchi arzon sun'iy mahsulotlar (masalan, sun'iy kauchuk) egallay boshladi.

Iqtisodiyotning samarali rivojlanishi boshqaruv jarayonini qay tarzda shakllantirish va tashkil qilish bilan bog'liq. FTI hozirgi kunda ish jarayonini tashkil etish zaruriy bilimlarga ega bo'lgan ish boshqaruvchilar (menejerlar) tomonidan amalga oshirilishini ta'minlab berdi.

Fan-texnika inqilobining davlatlar iqtisodiyoti rivojlanishiga ta'sirini baholashda fantalab sohalar tomonidan ishlab chiqarilgan sanoat mahsulotlari hajmi e'tiborga olinadi. Elektrotexnika mashinasozligi, mikroelektronika, aviakosmik sanoat kabilalar shu turkumdag'i mahsulotlarni ishlab chiqaradi. Fantalab sanoat tarmoqlarida mahsulot ishlab chiqarish bo'yicha AQSH, Yaponiya, Germaniya, Fransiya, Buyuk Britaniya, Koreya Respublikasi kabi davlatlar yetakchilik qiladi.

Fan-texnika inqilobi hayotning barcha jabhalariga o'z ta'sirini ko'rsatdi. Uning ta'sirida moddiy ishlab chiqarish bilan bir qatorda aholiga xizmat ko'rsatuvchi nomoddiy soha ham jahon xo'jaligida o'z o'rniiga ega bo'la boshladi. Bu holat, o'z navbatida, postindustrial davrning boshlanishiga turki bo'ldi.

2. "Xalqaro mehnat taqsimoti" va "Melioratsiya" atamalarining mazmunmohiyatini tushuntiring.

Xalqaro mehnat taqsimoti deb, ayrim davlatlar xo'jaligining ma'lum mahsulotlarni ishlab chiqarishga ixtisoslashishi va bu mahsulotlarni boshqa davlatlar bilan ayrboshlashiga aytildi. Davlatlarning xalqaro mehnat taqsimotidagi o'rniiga ularning ijtimoiy-iqtisodiy taraqqiyoti,

iqtisodiy geografik o'rni xususiyatlari (ayniqsa, dengiz yo'llariga nisbatan joylashishi), tabiiy resurslari kabi omillar ta'sir ko'rsatadi.

Melioratsiya - yerning holatini yaxshilash uchun tekislash, sug'orish, sho'rini yuvish, nihol o'tqazish, tuproq hosildorligini oshirish kabi tadbirlar yig'indisi.

3. Dunyoning siyosiy xaritasidan OPEK tashkilotiga a'zo davlatlarni ko'rsating. Ushbu davlatlarning poytaxtlaridan qaysi birida Quyosh qolganlariga nisbatan birinchi aniqlang. ko'rinadi?

OPEK - neft eksport qiluvchi mamlakatlar tashkiloti. OPEK davlatlari Birlashgan Arab Amirliklari, Eron, Iroq, Kuvayt, Saudiya Arabiston, Angola, Gabon, Jazoir, Ekvatorial Gvineya, Kongo, Liviya, Nigeriya, Venesuela, Ekvador Yuqoridagi davlatlardan ko'rinish turibdiki eng g'arbda joylashgan davlat bu Ekvador. Demak Ekvador davlatida boshqa davlatlarga qaraganda quyosh keyinroq botadi. Ekvador poytaxti Kito shahri.

Kito shahrining geografik kordinatasi:

1° (0.18) janubiy kenglik

78° (78.47) g'arbiy uzoqlik

12-BILET

1. Jahon mamlakatlarining ijtimoiy-iqtisodiy rivojlanganligi bo'yicha tasnifi.

Jahon mamlakatlarining eng muhim belgilaridan biri - ularning ijtimoiy-iqtisodiy rivojlanish darajasidir. Davlatlarning ijtimoiy-iqtisodiy rivojlanganligini baholash uchun bir qancha mezonlar qo'llaniladi. Bu mezonlardan asosiyllari:

yalpi ichki mahsulot (YIM)ning umumiylari va aholi jon boshiga nisbatan hajmi;

milliy iqtisodiyotning tarmoqlar tarkibi;

eksportning tovar tarkibi hamda mamlakatning xalqaro ixtisoslashuvi;

turli ko'rsatkichlar bilan belgilanadigan aholining turmush darajasi.

Jahon mamlakatlari ushbu mezonlar asosida BMT tomonidan 3 ta yirik

blokka bo'linadi: rivojangan, rivojlanayotgan va o'tish iqtisodiyotidagi mamlakatlar.

Rivojangan mamlakatlar qatoriga, odatda Yevropadagi ko'plab davlatlar (Sharqiy Yevropadan tashqari), AQSH, Kanada, Yaponiya, Avstraliya, Yangi Zelandiya, Isroil va Janubiy Afrika Respublikasi kabi davlatlar kiritiladi. Shu bilan birga oxirgi yillarda Koreya Respublikasi va Singapur ham rivojangan mamlakatlar sifatida e'tirof etilmoqda. Rivojangan mamlakatlar YIMning aholi jon boshiga hajmi 25 000 AQSH dollaridan ortiqligi, zamonaviy texnologiyalarga asoslangan qayta ishlash sanoatningyuqoridarajada rivojlanganligi, eksport tarkibida tayyor mahsulotlar yetakchilik qilishi, aholining salomatlik va ma'lumotlilik darajasi yuqoriliqi bilan ajralib turadi.

Rivojangan mamlakatlar orasida ulkan iqtisodiy salohiyati va ishlab chiqarish hajmi bilan «Katta yettilik» guruhini tashkil etuvchi davlatlar alohida ajralib turadi. Ushbu guruhga AQSH, Kanada, Yaponiya, Germaniya, Fransiya, Buyuk Britaniya hamda Italiya kiradi. Bu mamlakatlar xalqaro iqtisodiyva siyosiy munosabatlar tizimida muhim o'rinn tutadilar.

Yevropadagi Avstriya, Belgiya, Lyuksemburg, Niderlandiya, Norvegiya, Shvetsiya, Finlandiya, Shveysariya va boshqa bir qator «Katta yettilik»ka kirmaydigan davlatlar kichik rivojangan davlatlar guruhini tashkil qiladi.

Ijtimoiy-iqtisodiy va siyosiy tizimi turli davrlarda Yevropadan ko'chib kelgan aholi tomonidan shakkantirilgan va hozirgi kunda rivojlanishningyuqori ko'rsatkichlari bilan tafsiflanadigan Avstraliya, Yangi Zelandiya, Isroil, JAR singari davlatlar «ko'chirilgan» kapitalizm mamlakatlari guruhi sifatida ajratiladi.

Osiyo, Afrika, Amerika hamda Okeaniyaning aksariyat davlatlari ri-vojlanayotgan mamlakatlar blokiga kiritiladi. Jhon aholisining eng katta qismi (2018-yil ma'lumotlariga ko'ra, 6 mlrd kishi) yashaydigan bu davlatlar ijtimoiy-iqtisodiy rivojlanish darajasi va xususiyatlari bilan bir-biridan ancha farq qiladi. Shuning uchun ham rivojlanayotgan mamlakatlar bir nechta guruhlarga bo'linadi. Jumladan, ulkan tabiiy-resurs, demografik va iqtisodiy salohiyatga ega Xitoy, Hindiston, Braziliya va Meksika tayanch rivojlanayotgan mamlakatlar guruhini tashkil qiladi.

Saudiya Arabiston, BAA, Kuvayt, Qatar, Bahrayn, Ummon, Bruney kabi Osiyo davlatlari neftni eksport qiluvchi mamlakatlar guruhi tarki- biga kiritiladi. Bu mamlakatlarda YIMning aholi jon boshiga to'g'ri keladigan hajmi ancha yuqori (masalan, 2017-yil holatiga ko'ra, Qatar bu ko'rsatkich boyicha jahonda 1-o'rinni egallagan - 124 740 AQSH doll.), lekin ularning iqtisodiyoti xomashyo resurslariga asoslanganligi sababli, bu davlatlar rivojlangan mamlakatlar qatoriga kiritilmaydi.

Tabiiy resurslarning xilma-xil va katta zaxiralari, ulkan aholi va mehnat resurslari salohiyatiga ega bo'lgan, sanoat va qishloq xo'jaligi sohalarida yuqori natijalarga erishayotgan Turkiya, Eron, Pokiston, Indoneziya, Argentina va boshqa davlatlardan iborat yirik industrial-agrar mamlakatlar guruhi shakllanmoqda.

Karib dengizi va Okeaniyadagi ayrim orol mamlakatlar xalqaro turizmga ixtisoslashgan bo'lib, aholi turmush darajasining nisbatan yuqori ko'rsatkichlari bilan ajralib turuvchi rivojlanayotgan mamlakatlarning alohida guruhini tashkil etadi.

2. "Soxta urbanizatsiya" va "Mehnat resurslari" atamalarining mazmunmohiyatini tushuntiring.

Soxta urbanizatsiya - yirik shaharlar atrofida zaruriy infratuzilma elementlariga ega bo'limgan, qishloqlardan ko'chib kelgan aholi tomonidan tartibsiz ravishda bunyod etilgan manzilgohlar shakllanishi. Soxta urbanizatsiya manzilgohlar maydoni ayniqsa Braziliya va Hindistondagi yirik shaharlarda anchakata.

Mehnat resurslari - mamlakatning mehnatga layoqatli yoshdag'i barcha aholisi.

Erkaklarning 16 yoshdan 60 yoshgacha, ayollarning 16 yoshdan 55 yoshgacha bo'lganlarigina mehnatga yaroqli hisoblanadi. Ishlab chiqarishning ba'zi sohalarida 50 yosh, hatto 40 yoshdan nafaqaga chiqariladi. Ayni vaqtida nafaqa yoshidagilar xohlasa ishlashlari ham mumkin. Shuningdek, 15 yoshga to'lgan o'quvchilar o'qishdan bo'sh vaqtlarida ishlashlariga ruxsat etilgan.

3. Dunyoning siyosiy xaritasidan Osiyo mintaqasidagi aholisining assosiy qismi islam diniga sig'inadigan davlatlarni ko'rsating. Ular orasidan shimoliy qutbga eng yaqin joylashgan davlat poytaxti geografik koordinatalarini aniqlang.

Kaspiy dengiziga tutash bo'lgan davlatlar – Qozog'iston, Turkmaniston, Eron, Ozarbayjon, Rossiya.

Yuqoridagi davlatlardan ko'rinish turibdiki ekvatorga eng yaqin joylashgan davlat bu Eron davlati.

Eron davlatining poytaxti Tehron shahri. Tehron shahrining geografik kordinatasi:

36° (35.69) shimoliy kenglik

51° (51.39) sharqiy uzoqlik

1. Jhon aholisining irqi tarkibi.

Yevropoid irqi och tusli teri, to'lqinsimon yoki tekis, yumshoq soch, asosan, moviyrang ko'z, qirra burun, yupqa va o'rta labga ega bo'lgan yevropeoid irqi vakillari Yevropa, Amerika,

Avstraliya va Okeaniya aholisining asosiy qismini tashkil qiladi. Shuningdek, Osiyoning janubiy, janubi-g'arbiy, markaziy, Afrikaning shimoliy qismlarida ham ko'p sonli yevropeoidlar istiqomat qiladilar. Yuqorida sanab o'tilgan irqiy belgilar, asosan, shimoliy hududlarda istiqomat qiluvchi yevropeoidlarga xos bo'llib, janubga borgan sari yashash muhiti bilan bog'liq tarzda tana, soch va ko'z ranglarining to'q ko'rinishlari namoyon bo'la boshlaydi. Insoniyatning 40 % dan ortig'i mazkur irq vakillari hissasiga to'g'ri keladi.

Mongoloid irqi vakillari jigarrang tusli teri, tekis, qattiq to'q tusli soch, ko'zning to'q tusli ko'rinishlari, qirra yoki o'rta yapasqi burun, ko'z usti qovog'inining ajralib turishi, ensa sohasining kengayganligi bilan ajralib turadi. Mongoloidlar, asosan, Osiyo qit'asida keng tarqalgan. Amerikaning tub aholisi hisoblanadigan Amerika hindulari va eskimoslar ham shu irqqa mansub .

Negroid irqi vakillari, asosan, Afrika hamda Amerika qit'alari davlatlarida istiqomat qiladilar. Qora tusli teri, tekis, qattiq, jingalak qora tusli soch, ko'zning to'q tusli ko'rinishlari, jag'inining ajralib chiqqanligi, yapaloq burun, do'rdoq lab ularga xos asosiy belgilar hisoblanadi. Afrika bu irq vakillarining asl ona vatani hisoblanib, ularning katta qismi Buyuk geografik kashfiyotlar davrida Amerikaning turli mintaqalariga majburiy tarzda qul qilib olib ketilgan.

Avstraloid irqi uzoq davr davomida negroid irqining bir ko'rinishi sifatida baholanib kelingan. Lekin so'nggi yillardagi tadqiqotlar ularning kelib chiqishi negroidlar bilan bog'liq emasligini ko'rsatmoqda. To'q tusli teri, yapaloq burun, do'rdoq lablarga ega mazkur irq vakillari, asosan, Avstraliya va Okeaniya hududlarida tarqalgan. Avstraliya aborigenlari, papuaslar, melaneziyaliklar ushbu irq vakillari sanaladi. Asosiy irqlar negizida bir nechta oraliq va aralash irqlar shakllangan. Oraliq irqlariga efiop, ural, pomir-farg'ona (Markaziy Osiyo davlatlari, jumladan, O'zbekistonda keng tarqalgan) kabilar misol bo'la oladi. Amerika qit'asi aholisining irqiy tarkibida metis, mulat, sambo aralash irq vakillari yuqori salmoqqa ega.

2. "Xalqaro iqtisodiy integratsiya" va "Fraxt" atamalarining mazmunmohiyatini tushuntiring.

Xalqaro iqtisodiy integratsiya davlatlarning o'zaro mustahkam aloqalarga hamda milliy xo'jaliklararomehnat taqsimotiga asoslangan iqtisodiy birlashuv jarayonidir.

Fraxt - suv yo'lida yuk tashish haqi. Bu haq yukning og'irligi, qancha masofaga tashilishi, hajmi,kemada tashish vaqt miqdoriga ko'ra belgilanadi.

3. Dunyoning siyosiy xaritasidan urbanizatsiya darajasi ko'rsatkichlari eng past bo'lgan Yevropa davlatlarini ko'rsating. ularning orasida bosh meridianga eng yaqin joylashgan davlat poytaxti geografik koordinatalarini aniqlang.

Amerika qit'asidagi 2 ta ichki kontinental davlat bu – Boliviya va Paragvay davlati.

Boliviya davlatining poytaxti – La-Pas shahri La-Pas shahrining geografik kordinatasi:

16° (16.49) janubiy kenglik

68° (68.12) g'arbiy uzoqlik

Paragvay davlatining poytaxti – Asunson shahri Asunson shahrining geografik kordinatasi:

25° (25.27) janubiy kenglik

58° (57.57) g'arbiy uzoqlik

Yuqoridagi ma'lumotlardan ko'rinish turibdiki Paragvay davlati poytaxti Asunson shahri janubiy qutbgayaqinroq.

14-BILET

1. Yevropaning geografik o'rni, chegaralari va siyosiy xaritasi.

Ma'lumki, Yevrosiyo materigi ikki qit'a - Yevropa va Osiyoga bo'linadi. Yevropa qit'asi Yevrosiyo materigining g'arbiy qismini egallaydi. «Yevropa» so'zi qadimiy assuriyaliklar tilidan kelib chiqqan bo'lib,
«Quyosh botishi», ya'ni «g'arb» ma'nosini anglatadi.

Yevropaning maydoni 10 mln. km² ga teng bo'lib, shundan 4,1 mln. km² hudud Rossiyaning Yevropadagi qismiga to'g'ri keladi. Qit'a aholisi, 2018-yil ma'lumotlariga ko'ra, 746 mln. kishiga, ya'ni jahon aholisining salkam 10 % iga teng.

Yevropa qit'asining qirg'oqlari shimolda Shimoliy Muz okeani, g'arbda Atlantika okeani, janubda Atlantika okeani havzasiga tegishli bo'lgan O'rta va Qora dengizlar suvlari bilan yuviladi. tar bo'g'izi Yevropani Afrikadan ajratib turadi. Sharqda Yevropa, asosan, quruqlik orqali Osiyo qit'asi bilan chegaradosh. Yevropa va Osiyoning chegarasi ko'plab geografik adabiyotlarda Ural tog'lari, Qozog'istondagi Emba daryosi, Kaspiy dengizining shimoliq'arbiy qirg'oqlari, Rossiya janubidagi Kuma-Manich botig'i, Azov va Qora dengizlari, Bosfor bo'g'izi, Marmar dengizi, Dardanell bo'g'izi va Egey dengizi orqali o'tkaziladi. Ayrim manbalarda ikki qit'a chegarasining Kaspiy va Qora dengizlari orasidagi qismi Katta Kavkaz tizmasi orqali o'tkaziladi.

Yevropaning hozirgi siyosiy xaritasida, bir qismi Osiyoda joylashgan Rossiya Federatsiyasini qo'shganda, 44 ta mustaqil davlat mavjud.

Yevropaning siyosiy xaritasi qit'aning ko'p asrlik tarixi davomida bir necha marotaba keskin ravishda o'zgargan. Uning zamonaviy siyosiy xaritasi XX asr davomida, asosan, uch tarixiy jarayon - Birinchi Jahon urushi (1914-1918), Ikkinci Jahon urushi (1939-1945) hamda xalqaro sotsialistik tuzumning parchalanishi (1990-yillar boshi) natijasida shakllangan.

Yevropa kichik davlatlar qit'asidir. Yevropada Andorra, San-Marino, Malta, Monako, Vatikan, Lixtenshteyn singari «mitti» davlatlar joylashgan. Mazkur davlatlardan tashqari, Yevropadagi 11 ta davlatning maydoni 50 ming km² dan kichikroqdir. Qit'adagi 10 ta mamlakat hududi 50 ming- dan 100 ming km² gacha boradi. 12 ta davlatining maydoni, o'z navbatida, 100 mingdan 500 ming km² gacha kattalikka ega. Faqat Fransiya, Ukraina va Ispaniyaning hududi 500 ming km² dan oshadi. Rossiya Federatsiyasi esa maydonining kattaligiga binoan nafaqat Yevropa, balki butun jahondagi eng yirik davlatdir.

Yevropa orol va ayniqsa, yarimorol davlatlarning ko'pligi bilan ajralib turadi. To'liq orollarda joylashgan mamlakatlarga Buyuk Britaniya, Irlandiya, Islandiya va Malta kiradi. Yarimorol mamlakatlarga Norvegiya, Shvetsiya, Daniya, Ispaniya, Portugaliya, Italiya, Gretsya, Albaniya, Bolgariya va boshqalarni misol tariqasida keltirish mumkin.

Yevropadagi 15 ta davlatda dengizga chiqish imkoniyati mavjud emas. Ularning qatorida Belarus, Vengriya, Avstriya, Chexiya kabi birmuncha katta davlatlar bilan birqalikda Andorra, Lixtenshteyn, Lyuksemburg, San-Marino, Vatikan singari mitti davlatlar ham joy olgan.

Yevropadagi 44 davlatdan 32 tasi respublika, 12 tasi monarxiya hisoblanadi. Andorra, Belgiya, Buyuk Britaniya, Daniya, Ispaniya, Lixtenshteyn, Lyuksemburg, Monako, Niderlandiya, Norvegiya, Shvetsiya davlatlari konstitutsion monarxiya, Vatikan davlati esa mutlaq teokratik monarxiya boshqaruvi shakliga ega. Yevropadagi respublikalarining katta qismi parlamentar respublikalar hisoblanadi.

Ma'muriy-hududiy jihatdan Yevropadagi 6 ta davlat federativ tuzilishga ega - Avstriya, Belgiya, Bosniya va Gersegovina, Germaniya, Rossiya, Shveysariya.

Yevropa qit'asi 4 ta subregionga bo'linadi: Shimoliy Yevropa, G'arbiy (O'rta) Yevropa, Janubiy Yevropa va Sharqiy Yevropa

2. “Yoqilg'i-energetika balansi” va “Tranzit” atamalarining mazmunmohiyatini tushuntiring.

Turli xil yoqilg'ilarni qazib chiqarish va ishlab chiqarilgan energiya (kirim) hamda ulardan iqtisodiyotda foydalanish (sarf qilish) nisbati ***yoqilg'i-energetika balansi*** deyiladi.

Tranzit - yuk yoki yo'lovchilarning oraliqdagi stansiya, viloyat, davlat orqali o'tishi.

3. Dunyoning siyosiy xaritasidan yirik industrial-agrar mamlakatlar guruhiga kiruvchi davlatlarni ko'rsating. Ular orasidan Okean va dengizlardan uzoqda joylashgan davlat poytaxti geografik koordinatalarini aniqlang.

Paxtani eng ko'p yetishtiradigan davlatlar - Xitoy, AQSH, Hindiston, Pokiston, Braziliya, O'zbekiston eng ko'p paxta yetishtiradigan davlatlar hisoblanadi.

Berilgan davlatlardan ko'rniib turibdiki dengiz va okeanlardan eng uzoqda joylashgan hamda berk havzadagi davlat bu O'zbekiston. O'zbekiston poytaxti: Toshkent shahri.

Toshkent shahrining geografik kordinatasi:

41° (41.30) shimoliy kenglik

69° (69.24) sharqiy uzoqlik

15-BILET

1. Amerika qat'asining siyosiy xaritasi.

Amerika G'arbiy yarim sharda joylashgan ikki materik - Shimoliy va Janubiy Amerikani hamda ularga yaqin orollarni qamrab olgan qit'adir. Uning umumiy maydoni 42 mln. km² ga teng. Shimoliy va Janubiy Amerika materiklarini Panama kanali ajratadi.

Amerikaning zamonaviy siyosiy xaritasida 35 ta mustaqil davlat mavjud. Ular o'z hududiy kattaligi jihatidan bir-biridan keskin farq qiladi. Qit'adagi 4 ta mamlakat dunyoning 10 ta eng yirik davlatlari qatoridan joy olgan - Kanada, AQSH, Braziliya va Argentina. Boliviya, Kolumbiya, Peru va Meksikaning maydoni 1 mln. km² dan oshadi. Venesuela va Chili davlatlarining hududi esa 500 ming km² dan katta. Shu bilan birga, Amerikadagi 7 ta davlatning maydoni 1 ming km² dan kam. Ularning barchasi Karib dengizidagi orollarda joylashgan.

Amerikada faqatgina 2 ta davlat - Boliviya va Paragvay - bevosita dengizga chiqish imkoniyatiga ega emas. Meksika, Gvatemala, Gonduras, Nikaragua, Kosta-Rika, Panama va Kolumbiya qirg'oqlariikkita, ya'nii Atlantika va Tinch okean suvlari bilan yuviladi. AQSH va Kanada esa uchta - Atlantika, Tinch va Shimoliy Muz okeanlariga chegaradosh.

Amerikadagi 35 davlatdan 25 tasi respublika, 10 tasi Britaniya Hamdo'stligi qirolliklari, ya'nii konstitutsion monarxiyalar hisoblanadi. Konstitutsion monarxiyalardan 2 tasi - Kanada va Beliz - Shimoliy Amerika materigida joylashgan, qolgan 8 tasi esa Karib dengizidagi orol davlatlaridir.

Amerikada 7 ta federativ davlat joylashgan - AQSH, Argentina, Braziliya, Kanada, Meksika, Venesuela hamda Sent-Kits va Nevis. Sent-Kits va Nevis jahondagi eng kichik federativ davlat hisoblanadi.

Amerika 2 ta yirik siyosiy-geografik mintaqqa - Shimoliy Amerika va Lotin Amerikasiga bo'linadi. Shimoliy Amerikada AQSH va Kanada joylashgan. Amerikadagi AQSHdan janubda joylashgan barcha davlatlar Lotin Amerikasini tashkil qiladi. Jahonning ushu yirik mintaqasi Lotin Amerikasi deb atalishi ko'p davlatlarida aholi qadimgi lotin tilidan kelib chiqqan ispan, portugal va fransuz tillarida so'zlashishi bilan bog'liq.

Shimoliy Amerika va Lotin Amerikasi ijtimoiy-iqtisodiy rivojlanish darajasi hamda aholining milliy-madaniy xususiyatlari bilan farq qiladi. AQSH va Kanada «Katta yettilik» guruhiga kiradigan rivojlangan davlatlar bo'lsa, Lotin Amerikasi davlatlari esa rivojlanayotgan davlatlardir.

2. "Texnik ekinlar" va "Magistral" atamalarining mazmun-mohiyatini tushuntiring.

Texnika ekinlar - sanoat xom ashyosi sifatida yetishtiriladigan (xomashyo beradigan) bir va ko‘p yillik qishloq xo‘jaligi ekinlari hisoblanadi. Texnika ekinlari bir qancha botanik oilaga mansub; ularga kraxmalli ekinlar (kartoshka, batat va boshqalar); shakarli ekinlar (qand lavlagi, shakarqamish va boshqalar); moyli ekinlar (kungabokar, kanakunjut, yer yong‘oq, soya, raps, maxsar, xantal, indov, zig‘ir va boshqalar); tolali ekinlar (g‘o‘za, tolali zig‘ir, kanop, jut va boshqalar); efir moyli o‘simliklar (atirgul, ko‘knor, yorongul, yalpiz va boshqalar); kauchukli o‘simliklar (geveya, gvayula, ko‘ksag‘iz, tovsag‘iz); oshlovchi modda olinadigan o‘simliklar (skumpiya, badan); po‘kakli (po‘kakli dub v.b.); dorivor o‘simliklar (valeriana, belladona, jenshen va boshqalar) kiradi. Texnika ekinlarini bu tariqa bo‘lish shartlidir, chunki ko‘pgina boshqa ekinlar ham texnik xomashyo beradi (mas., donli ekinlar).

Magistral (lotincha magistralis - asosiy) - asosiy yo‘nalish, asosiy transport yo‘li.

3. Dunyoning siyosiy xaritasidan po‘lat quyish bo‘yicha yetakchi 5 ta davlatlarni ko‘rsating. Ular orasidan ekvatorga yaqin bo‘lgan davlat poytaxti geografik koordinatalarini aniqlang.

Po‘lat quyish bo‘yicha yetakchi davlatlar	Miqdori, mln.t
Xitoy	808
Yaponiya	105
Hindiston	95,5
AQSH	78,5
Rossiya	69,8
Jahon bo‘yicha	1628

Yuqorida davlatlardan ko‘rinib turibdiki maydoni jihatidan eng katta davlat bu Rossiya davlatidir. Rossiya poytaxti Moskva shahri.

Moskva shahrining geografik kordinatasi:

56° (55.75) shimoliy kenglik

38° (37.62) sharqiy uzoqlik

16-BILET

1. Jahon neft va gaz sanoati geografiyasi.

Sanoat tarmoqlari orasida energetika alohida o‘rin egallaydi. U turli yoqilg‘i resurslarni (ko‘mir, neft, tabiiy gaz, torf, yonuvchi slanes) qazib oladigan va qayta ishlaydigan, elektr energiyasini ishlab chiqaradigan tarmoqlar majmuyi hisoblanadi. Energetika sanoatning muhim tarmog‘i bo‘lib, boshqa sohalarning rivoji uchun asos yaratib beradi.

Neft sanoati. 2016-yil ma'lumotlariga ko‘ra, jahonda 4,3 mld. t neft qazib olingan bo‘lib, uning asosiy qismi Neft eksport qiluvchi mamlakatlar tashkiloti (OPEK)ga a’zo davlatlar ulushiga tegishli. OPEK davlatlari (Birlashgan Arab Amirliklari, Eron, Iroq, Kuvayt, Saudiya Arabiston, Angola, Gabon, Jazoir, Ekvatorial Gvineya, Kongo, Liviya, Nigeriya, Venesuela, Ekvador) hududida jahon neft zaxiralarining 2/3 qismi to‘plangan bo‘lib, yillik neft qazishning 1/3 qismi mazkur davlatlar hissasiga to‘g’ri keladi.

Gaz sanoati tabiiy gaz qazib chiqarish, qattiq va suyuq yoqilg‘ilardan sun‘iy gaz olish, gazdan kimyoviy mahsulotlar ajratishni o‘z ichiga oladi. Tabiiy gaz yoqilg‘i sifatida boshqa yoqilg‘i turlaridan bir qancha afzalliklarga egadir. Boshqa yoqilg‘i turlariga nisbatan tabiiy gazni qazib olish osonligi va arzonligi, issiqlik berish quvvatining yuqoriligi, transportabelligi, neft va ko‘mirga nisbatan ekologik jihatdan tozaligikabi holatlar gaz konlarini izlash va ishga tushirish ishlariga katta ahamiyat qaratilishiga sababchi bo‘ldi.

Ma'lumotlarga ko‘ra, gazning umumiyligi geologik zaxirasi, taxminan, 180 trillion m³ ni tashkil etadi. Yillik qazib olish hajmi 3,6 trln. m³ ga teng (2016-y.). Gaz qazib olish bo‘yicha Osiyo,

Shimoliy Amerika, Yevropa mintaqalari yetakchi bo'lsa, davlatlar orasida esa AQSH (749 mlrd. m3) Rossiya (641 mlrd. m3), Eron (190 mlrd. m3), Qatar (182,8 mlrd. m3), Kanada (174 mlrd. m3) kabilar peshqadamlik qiladi.

2. “Intensiv qishloq xo‘jaligi” va “Monarxiya” atamalarining mazmunmohiyatini tushuntiring.

Agar qishloq xo‘jalik yalpi mahsuloti ekin maydonlarini kengaytirish va chorva mollari sonini oshirish hisobiga ko‘paysa, bu ekstensiv qishloq xo‘jaligi deyiladi. Aksincha, qishloq xo‘jalik yalpi mahsuloti maydon birligida agrotexnika vositalaridan samarali foydalanish evaziga hosildorlikni oshirishga erishish va chorva zotlarini yaxshilash hisobiga uning mahsuldorligi oshsa, u *intensiv qishloq xo‘jaligi* deb ataladi.

Monarxiya (yunoncha monarxia - yakka hukmronlik) - davlatning bir shaxs - monarch (qirol, podsho, shoh, imperator) tomonidan boshqarilishi. Monarch hokimiysi umrbod bo‘lib, avloddan-avlodga o‘tadi. Hokimiyat butunlay monarch qo‘lida bo‘lsa, hokimi mutloq deyiladi; konstitutsiyali monarxiyada monarch hokimiyatini parlament cheklab qo‘ygan bo‘ladi; parlament rozilgisiz monarch davlat ahamiyatiga ega bo‘lgan qonunlar chiqarish huquqiga ega emas; Masalan, Buyuk Britaniya, Belgiyada ana shunday.

3. Dunyoning siyosiy xaridasidan Yevropadagi xalqaro turizmning yirik markazlari bo‘lgan davlatlarni ko‘rsating. Ulardan qaysi biri orolda joylashgan. Ushbu davlat poytaxting geografik koordinatalarini aniqlang.

Yevropadagi xalqaro turizmning yirik markazlari bo‘lgan davlatlar - Fransiya, Italiya, Ispaniya, Shveysariya, Portugaliya, Germaniya, Avstriya, Buyuk Britaniya, Gretsya.

Yuqorida keltirilgan orollar Italiya davlatiga tegishli. Italiya poytaxti – Rim shahri. Rim shahrining geografik koordinatasi.

42° (41.90) shimoliy kenglik.

13° (12.50) sharqiy uzoqlik.

17-BILET

1. Osiyo mamlakatlarining aholisi.

Osiyo aholisi eng ko‘p bo‘lgan qit‘a hisoblanadi. Mintaqada 4,5 mlrd. kishidan ortiq, ya’ni jahon aholisining deyarli 60 % i yashaydi (2018-y.). Osiyoda, qolaversa jahon davlatlari orasida aholi soni jihatidan alohida ajralib turadigan davlatlar Xitoy va Hindiston hisoblanadi. Ularning aholisi, 2018-yil ma’lumotlariga ko‘ra, mos ravishda, 1 mlrd. 394 mln. va 1 mlrd. 371 mln. kishiga teng bo‘lgan. Demak, Xitoy va Hindistonda Osiyo aholisining 61%, yoxud butun insoniyatning 36 % i istiqomat qiladi.

Aholi soni jihatidan, 2018-yil holatiga ko‘ra, Xitoy va Hindistondan keyingi yetakchi o‘rinlarni Indoneziya (265 mln. kishi), Pokiston (201 mln. kishi), Bangladesh (166 mln. kishi), Yaponiya (126 mln. kishi), Filippin (107 mln. kishi), Vyetnam (95 mln. kishi), Eron (82 mln. kishi) va Turkiya (81 mln. kishi) kabi davlatlar egallaydi.

Osiyo aholisi hozirgi bosqichda, umumiyligida, yiliga 1-1,1 % ga o’smoqda. Ammo aholi ko‘payish sur’atlari davlatlarda turlichaydi. Yaponiya, Shimoliy va Janubiy Koreya, Xitoy, Singapur, Tailand, Gruziya, Armaniston, Kiprda aholining tabiiy ko‘payishi ancha past (yillik hisobda 0,5 % dan oshmaydi). Shu bilan birga, Iroq, Yaman, Tojikiston, Afg'oniston, Sharqiy Timor davlatlarida tabiiy ko‘payish sur’atlari juda yuqori (yiliga 2,5-3 %).

Osiyoning umumiyligida urbanizatsiya ko‘rsatkichi XXI asrning dastlabki yillarigacha Afrikaga nisbatan ham past bo‘lib, 30 % ga yetmas edi. Ammo 2018-yilga kelib, bu ko‘rsatkich mintaqada bo‘yicha 50 % ga yetdi. Bunday keskin o‘zgarish, ko‘p jihatdan Xitoyda shaharlashuv jarayonining oxirgi yillardagi jadallahushi bilan bog‘liq. So‘nggi 15-20 yilda bu davlatning

urbanizatsiya darajasi 2 barobarga ortib, jahon bo'yicha o'rtacha ko'rsatkichdan oshdi. Urbanizatsiya darajasi, ayniqsa, Singapur, Yaponiya, Koreya Respublikasi, Isroil kabi sanoatlashgan davlatlar hamda Janubi-g'arbiy Osiyoning neftni qazib oluvchi mamlakatlarida juda yuqori (85-100 %). Afg'oniston, Tojikiston, Shri-Lanka, Nepal, Kambodja, Myanma, Sharqiy Timorda esa urbanizatsiya ko'rsatkichi 20-30 % oralig'ida.

Osiyo aholisi hududiy jihatdan notekis joylashgan. Bunga tabiiy sharoit, ayniqsa, iqlim va suv resurslari omillari katta ta'sir ko'rsatgan. Osiyoning aholi eng zich joylashgan qismlari Buyuk Xitoy tekisligi, Hind-Gang pasttekisligi, Hindiston yarimoroli, Yapon va Filippin orollari, Koreya yarimorolining janubi, Yava oroli hisoblanadi. Ayni paytda, Arabiston yarimoroli, Gobi va Taklamakon cho'llari, baland tog'li o'lkalarda aholi zichligi o'ta pastdir.

Osiyo barcha yirik dinlar - buddizm, xristianlik, islam, induizm, konfutsiylik, yahudiylilik, sintoizmning beshigi hisoblanadi va bu qit'ada tarixan dinlarning o'ziga xos geografiyasi shakllangan. Janubi-g'arbiy va Markaziy Osiyoda, Pokiston, Bangladesh, Maldiv Respublikasi singari Janubiy Osiyo hamda Indoneziya, Malayziya, Bruney kabi Janubi-sharqiy Osiyo davlatlarida islam dini asosiy ahamiyatga ega. Hindixitoy yarimorolidagi davlatlar, Mongoliya, Shri-Lanka va Butanda buddistlar ko'pchilikni tashkil etadi. Armaniston, Gruziya, Kipr, Filippin, Sharqiy Timorda xristianlikning turli mazhablari yetakchilik qiladi. Mahalliy dinlardan Hindiston va Nepalda induizm, Xitoyda konfutsiylik va daosizm, Yaponiyada sintoizm, Isroilda esa iudaizm keng tarqalgan.

2. “Ekstensiv qishloq xo‘jaligi” va “Erkin iqtisodiy zona” atamalarining mazmun-mohiyatini tushuntiring.

Agar qishloq xo‘jalik yalpi mahsuloti ekin maydonlarini kengaytirish va chorva mollari sonini oshirish hisobiga ko‘paysa, bu *ekstensiv qishloq xo‘jaligi* deyiladi. Aksincha, qishloq xo‘jalik yalpi mahsuloti maydon birligida agrotexnika vositalaridan samarali foydalanish evaziga hosildorlikni oshirishga erishish va chorva zotlarini yaxshilash hisobiga uning mahsuldorligi oshsa, u intensiv qishloq xo‘jaligi deb ataladi.

Erkin iqtisodiy zona - mamlakat va chet el kapitalini, istiqbolli texnologiya va boshqaruv tajribasini jalb etish maqsadida tuziladigan, aniq belgilangan ma'muriy chegaralari va alohida huquqiy tartiboti bo‘lgan maxsus ajratilgan hududdir.

3. Dunyoning siyosiy xaritasidan Osiyoning bevosita dengizga tutash bo‘lmagan eng yirik davlatlarini ko‘rsating. Ulardan qaysi biri Kaspiy dengizga yaqin joylashgan. Ushbu davlat poytaxti geografik koordinatalarini aniqlang.

Yevropadagi 15 ta davlatda dengizga chiqish imkoniyati mavjud emas. Bular - Belarus, Vengriya, Avstriya, Chexiya, Shveysariya, Chexiya, Slovakiya, Serbiya, Makedoniya, Bosnya va Gersegovina, Andorra, Lixtenshteyn, Lyuksemburg, San-Marino, Vatikan.

Yuqorida keltirilgan davlatlar orasida Belarus davlatining poytaxti Minsk shahri qolgan davlat poytaxtlariga nisbatan shimolda joylashgan.

Minsk shahrining geografik koordinatasasi.

54° (53.90) shimoliy kenglik.

28° (27.56) sharqiy uzoqlik.

18-BILET

1. Markaziy Osiyo davlatlariga qiyosiy geografik tavsif.

Qozog'iston Markaziy Osiyoda hududiy jihatdan eng yirik davlat bo'lib, jahon mamlakatlari ichida maydoni bo'yicha 9-o'rinni egallaydi. U beshta davlat - Rossiya, Xitoy, O'zbekiston, Qиргизистон va Turkmaniston bilan chegaradosh. Qozog'istonning Rossiya bilan davlat

chegarasi (7 548 km) uzunligi bo'yicha dunyoda AQSH va Kanada o'rtasidagi chegaradan keyingi 2-o'rinda turadi. Mamlakat janubi- g'arbda Kaspiy dengizi bilan chegaradosh.

Qozog'iston iqtisodiy geografik o'rning asosiy xususiyatlari Osiyo va Yevropa davlatlarini bog'lovchi temiryo'l va avtomobil magistrallarining o'tganligi, Kaspiy dengiziga tutashligi, Rossiya va Xitoydek yirik davlatlarga chegaradoshligi bilan belgilanadi.

Boshqaruv shakli - prezidentlik respublikasi. Ma'muriy-hududiy jihatdan unitar davlat bo'lib, 14 ta viloyat va 3 ta respublika ahamiyatidagi shahar (Nur-Sulton, Almati, Shimkent)dan iborat.

Tabiiy sharoiti va resurslari. Qozog'iston relyefida tekisliklar hukmronlik qiladi, tog' tizmalari faqat respublikaning janubi-sharqi qismida joylashgan. Markaziy hududlari relyefi esa kuchli parchalangan yassi tog'likdan iborat. Qozog'iston foydali qazilmalarga jahondagi eng boy davlatlardan biri. Mamlakat yoqilg'i, rudali va noruda resurslarining ulkan zaxiralari ega. Neft va tabiiy gazning yirik konlari Kaspiy dengiziga yaqin hududlarda, toshko'mirning asosiy zaxiralari (Qarag'anda, Ekibastuz havzalari) esa markaziy qismida joylashgan. Qozog'istonning markaziy va sharqi hududlari temir, marganes, xrom, uran, mis, volfram, rux, qo'rg'oshin va boshqa metallarning katta zaxiralari ega. Noruda mineral boyliklardan fosforit va oltingugurt alohida e'tiborga loyiq.

Qozog'iston iqlimi mo'tadil keskin kontinental va qurg'oqchil, qishda shimoliy hududlarida havo harorati -50°C dan ham past bo'ladi.

Qurg'oqchil iqlim tufayli Qozog'istonning bepoyon tekisliklarida dasht, chalacho'l va cho'l tabiat zonalari shakllangan.

Yog'inlarning ozligi, hududining aksariyat qismini cho'llar ishg'ol qilganligi mamlakatning katta qismida suv tanqisligini keltirib chiqargan. Asosiy daryolari hisoblangan Irtish, Ili, Sirdaryo, Ural respublikaning chekka qismlaridan oqib o'tadi, to'ynish manbalari esa qo'shni mamlakatlar hududida joylashgan.

Aholisi. Qozog'iston aholisi 18,4 mln. kishiga teng (2018-y.). Aholining tabiiy ko'payishi Markaziy Osiyodagi boshqa davlatlarga nisbatan pastroq bo'lib, yiliga o'rtacha 1,5 % dan ortiqroq. Urbanizatsiya darajasi 57 % ga teng (2018-y.). Hozirgi paytda 3 ta «millioner» shahar mavjud: Almati (mamlakatning eng yirik shahri), Nur- Sulton va Shimkent.

Aholi zichligining o'rtacha ko'rsatkichi Qozog'istonda juda past bo'lib, 7 km² /kishi atrofida. Aholi respublika janubidagi sug'orma dehqonchilik rivojlangan daryo vodiylari va tog'oldi tekisliklarida hamda mamlakat shimolidagi sanoatlashgan hududlarida birmuncha zichroq joylashgan.

Aholisining milliy tarkibi ancha murakkab. Aholining 67,5 % ini tashkil etadigan qozoqlardan tashqari, mamlakatda ruslar (20 %), o'zbeklar (3 %), ukrainlar (1,5 %), uyg'urlar (1,5 %) va boshqa millatlar vakillari mavjud (2018-y.). Rus va ukrainlar shimoliy va sharqi hududlarda keng tarqalgan bo'lsa, o'zbeklar, assosan, respublikaning janubidagi Turkiston viloyatida istiqomat qilishadi.

Iqtisodiyoti. Qozog'iston Markaziy Osiyodagi 5 ta davlat ichida iqtisodiy salohiyati jihatidan yetakchi hisoblanadi, ayniqsa sanoat sohasidagi ko'rsatkichlari ancha yuqori. Sanoatning asosiy tarmoqlari qatoriga neft-gaz, ko'mir, qora va rangli metallurgiya, kimyo va mashinasozlik kiradi. Qozog'iston neft qazish hajmi bo'yicha jahoning yetakchi 20 ta davlatlari qatoriga, ko'mir, mis, ruxni qazib olish bo'yicha esa birinchi o'ntalikka kiradi. Qozog'iston 2009-yildan buyon uran qazib olish bo'yicha jahonda birinchi o'rinni egallab kelmoqda va u dunyo bo'yicha jami qazib olinayotgan uranning 40 % ga yaqin qismini beradi. Elektr energiyasining 90 % idan ortig'i IESlarda ishlab chiqariladi.

Dehqonchilikning bosh tarmog'i donchilik. U, ayniqsa shimoliy viloyatlaridagi lalmi yerlarda yaxshi rivojlangan. Janubiy viloyatlarda dehqonchilik sug'orish yordamida rivojlantirilib, bu yerda uning asosiy tarmoqlari sabzavotchilik, sholichilik, polizchilik hisoblanadi. Chorvachilikning yetakchi tarmoqlari: qo'ychilik, qoramolchilik, yilqichilik, tuyachilik.

2. “Tashqi savdo” va “Vegetatsiya davri” atamalarining mazmun-mohiyatini tushuntiring.

Tashqi savdo balansi - mamlakatning muayyan vaqtligi (masalan, 1 yilgi) eksport va im-port qiymati orasidagi o'zaro nisbat. Agar eksport importdan oshsa, mamlakat tashqi savdo balansi faol balans, import eksportdan oshsa, past balans deyiladi.

Davlatlarning tashqi savdo hajmi tashqi savdo aylanmasi orqali aniqlanadi. AQSH, Xitoy, Germaniya, Yaponiya, Fransiya tashqi savdo aylanmasi hajmiga ko'ra jahonda yetakchilik qiladi.

Xalqaro savdoning 3/4 qismini mahsulotlar savdosi tashkil qiladi. Mashina va jihozlar, transport vositalari, kimyoiy mahsulotlar kabilar xalqaro savdoda talab yuqori bo'lgan tayyor mahsulotlar hisoblanadi. Jahonning rivojlangan davlatlari xalqaro savdoning 60 % dan ortig'ini ta'minlaydi.

Ekinlar hosiliga o'simlikning vegetatsiya davri, yorug'lik, issiqlik va namlikning yalpi miqdori ta'sir ko'rsatadi. **Vegetatsiya davri** - sutkalik o'rtacha harorat +5 darajadan kam bo'lmagan kunlar.

3. Yevropa mintaqasidagi maydoni 500 ming km² dan katta bo'lgan davlatlarni ko'rsating. Ular orasidan shimoliy qutbga eng yaqin joylashgan davlat poytaxti geografik koordinatalarini aniqlang.

Yevropada Fransiya, Ukraina va Ispaniyaning hududi 500 ming km² dan oshadi. Rossiya Federatsiyasi esa maydonining kattaligiga binoan nafaqat Yevropa, balki butun jahondagi eng yirik davlatdir. Ular orasida Bosh meridianga eng yaqin davlat Fransiya hisoblanadi. Poytaxti Parij shahri. Nisbatan yaqin bo'lgan davlatlardan yana biri Ispaniya davlati. Poytaxti Madrid shahri.

Parij shahrining geografik koordinatasi.

49° (48.86) shimoliy kenglik.

2° (2.35) sharqiy uzoqlik.

Madrid shahrining geografik koordinatasi.

40° (40.42) shimoliy kenglik.

4° (3.70) g'arbiy uzoqlik.

19-BILET

1. Rossiya Federatsiyasi geografik o'rning ijobiyligi va salbiy jihatlari, tabiiy sharoiti va resurslari.

Rossiya Federatsiyasi maydoni jihatidan jahonning eng yirik davlati hisoblanadi. U Sharqiy Yevropa va Shimoliy Osiyoda joylashgan. Rossianing Yevropa va Osiyodagi qismlarini Ural tog'lari hamda Kaspiy va Azov dengizlari o'rtasidagi Kuma-Manich botig'i ajratib turadi.

Rossiya qirg'oqlari Shimoliy Muz, Tinch va Atlantika okeanlarining havzalariga tegishli bo'lgan 12 ta dengiz suvlari bilan yuviladi. Ta'kidlash kerakki, jahonda faqat 3 ta davlat birdaniga uchta okeanga chiqish imkoniyatiga ega - Rossiya, AQSH va Kanada.

Rossiya Federatsiyasi jami 16 ta davlat bilan chegaradosh. Jumladan, Yaponiya va AQSH bilan chegara faqat SUV orqali o'tadi. Chegaradosh davlatlarning umumiyligi soni bo'yicha Rossiya jahon mamlakatlari ichida 1-o'rinda turadi. Eng uzun chegara chiziqlari Qozog'iston, Mongoliya va Xitoy bilan o'tgan.

Rossiya aralash tipidagi respublika hisoblanadi, chunki hukumat prezident va parlament tomonidan birgalikda shakllantiriladi. Konstitutsiyasiga binoan, Rossiya 85 ta turli maqomdagi hududlar federatsiyasi hisoblanadi. Rossiya Federatsiyasining regionlari orasida respublika, oblast, o'lka, avtonom okrug, avtonom oblast va federal ahamiyatdagi shaharlar mavjud. Boltiq dengizi bo'yidagi Kaliningrad oblasti Rossiyaning asosiy hududidan ajralgan holda joylashgan bo'lib, eksklav geografik o'ringa ega.

Tabiiy sharoiti va resurslari. Rossiya Federatsiyasining hududi shimoldan janubga 4 000 km dan ortiq, g'arbdan sharqqa esa salkam 10 000 km masofaga cho'zilganligi uchun mamlakatning tabiiy sharoiti xilma- xildir. Rossiya hududining 70 % i tekisliklardan iborat. Eng katta maydonlarni Sharqiy Yevropa va G'arbiy Sibir tekisliklari egallaydi. Baland tog'lar (Kavkaz, Oltoy, Sayan, Sixote-Alin va boshq.) Rossiyaning sharqiy va chekka janubiy qismlarida joylashgan.

Rossiya mineral resurslarga eng boy davlatlardan biri hisoblanadi. Rossiyada neft, tabiiy gaz, ko'mir, uran, temir rudasi, oltin, olmos va boshqa foydali qazilmalarning yirik zaxiralari mavjud. Rossiyaning iqtisodiyoti uchun, ayniqsa, neft va tabiiy gazning resurslari katta ahamiyatga ega. Neft va gazning yirik konlari, asosan, G'arbiy Sibir tekisligida joylashgan.

Rossiya, asosan, mo'tadil, subarktika va arktika iqlim mintaqalarida joylashgan. Faqat- gina Qora dengiz bo'yidagi hudud subtropik iqlimga ega. Hududining 70 % dan ortiq qismi agroiqlimiy resurslar bilan yetarli darajada ta'minlanmagan va bu holat qishloq xo'jaligiga salbiy ta'sir ko'rsatadi. Asosiy tabiat zonalari - tundra, tayga, aralash va keng bargli o'rmonlar, dasht va o'rmon-dasht. Rossiya o'rmon va yer resurslari bilan eng yaxshi ta'minlangan davlatlardan biri.

Rossiya, ayniqsa uning Osiyodagi qismi, suv va gidroenergetika resurslariga juda boy. Rossiyaning eng yirik daryolari - Yenisey, Lena, Ob, Amur, Volga. Sibirda joylashgan Baykal ko'li Yer yuzidagi eng chuqur va eng ko'p chuchuk suv yig'ilgan ko'l hisoblanadi.

Aholisi. Rossiya Federatsiyasi aholi soni bo'yicha jahonda 9-o'rinda turadi. Rossiyada 1992-2012-yillarda aholining tabiiy kamayishi kuzatilgan bo'lsa, 2013-yildan boshlab mamlakatda minimal darajadagi tabiiy ko'payish qayd etilmoqda. Lekin demografik vaziyat Rossiyada barqaror emas. Aholi ko'payishiga tashqi migratsiya sezilarli darajada ta'sir ko'rsatmoqda.

Rossiyada shahar aholisining ulushi 75 % ga yaqin. Eng yirik shaharlari - Moskva (12 mln. kishidan ortiq) va Sankt-Peterburg (5 mln. kishidan ortiq). Hozirda jami 15 ta «millioner» shahar mavjud.

Rossiya Federatsiyasi ko'p millatli davlat hisoblanadi. Uning hududida 100 tadan ortiq tub millat va elat vakillari yashaydi. Aholining milliy tarkibida 80 % qismi ruslarga to'g'ri keladi. Boshqa millatlar orasida tatarlar, ukrainlar, boshqirdlar, chuvashlar, chechenlarning soni 1 mln. kishidan oshadi.

Rossiya ko'p konfessiyali davlatdir. Mamlakatdagi eng ko'p sonli din pravoslav xristianlik hisoblanadi. Ruslardan tashqari unga ukrainlar, chuvashlar, mordvalar, osetinlar va boshqa bir necha millat vakillari e'tiqod qiladilar. Tatarlar, boshqirdlar, Shimoliy Kavkazdagi ko'plab xalqlar islom diniga mansub. Buryatlar, qalmiqlar hamda tuvaliklar esa buddizm diniga sig'inishadi.

Rossiyada aholi zichligining o'rtacha ko'rsatkichi ancha past (1 km ga 8 kishi), aholining hududiy joylashuvi esa juda notekis. Bunga, asosan, iqlim sharoiti katta ta'sir ko'rsatgan. Aholi ko'proq Rossiyaning g'arbiy va janubiy qismida - shartli ravishda ajratiladigan «Sankt-Peterburg - Sochi - Irkutsk» uchburchagida mujassamlashgan.

2. “Xalqaro savdo” va “Boyitish fabrikasi” atamalarining mazmunmohiyatini tushuntiring.

Boyitish fabrikasi - rudaning keraksiz qo'shilmalarini chiqarib tashlash yoki yangi moddalar qo'shish yo'li bilan foydali sifatlarini orttiruvchi korxona.

Fan-texnika inqilobi (FTI) deb jamiyatda fanning asosiy ishlab chiqaruvchi kuchga aylanishi natijasida ishlab chiqarishda tub sifatiy o'zgarishlarga erishish jarayoniga aytildi. 1950-1960-yillarda jahoning yetakchi davlatlarida fanga bo'lgan e'tiborning ortishi hamda ilmiy kashfiyotlarning tez fursatda amaliyotga tatbiq etilishi natijasida ishlab chiqarishda tarkibiy o'zgarishlar yuz berdi, yangi sohalari paydo bo'ldi.

Inson tomonidan koinotni o'zlashtirishga bo'lgan harakatlar, yadro energiyasini tinch maqsadlarda o'zlashtirish (AESlar qurilishi), elektron hisoblash mashinalari - EHMlarning paydo bo'lishi insoniyat taraqqiyotidagi muhim yangiliklar bo'lib, ular fanning ishlab chiqarish bilan chambarchas aloqaga kirishganligini ko'rsatib berdi. O'z xususiyatiga ko'ra FTI ko'p qirrali bo'lib, o'zining tarkibiy qismlari hisoblangan fan, texnika, texnologiya, ishlab chiqarish hamda boshqaruvda katta o'zgarishlarning yuzaga kelishiga sabab bo'ldi.

3. Jahoning siyosiy xaritasi yordamida Misr iqtisodiy geografik o'rniغا baho bering. Misr poytaxti geografik koordinatalarini aniqlang.

Yevropadagi eng yirik davlatlardan biri - Fransiya Respublikasi - qit'aning g'arbida joylashgan. Uning qirg'oqlari g'arb va shimoli- g'arbdan Atlantika okeani, janubi-sharqdan esa O'rta dengiz suvlari bilan yuviladi. Quruqlikda 8 ta davlat bilan chegaradosh bo'lib, eng uzun chegaralari Germaniya, Italiya, Ispaniya davlat-lari bilan o'tgan. Fransiyaga O'rta dengizdagi Korsika oroli tegishli. Shuningdek, Fransyaning 10 tadan ziyod dengizorti hududlari, ya'ni mustamlakalari ham mavjud. Ular, asosan, Tinch okean va Karib dengizida joylashgan. Fransiya davlatining poytaxti Parij shahri.

Parij shahrining geografik koordinatasasi.

49° (48.86) shimoliy kenglik.

2° (2.35) sharqiy uzoqlik.

20-BILET

1. Afrika mamlakatlarining aholisi va xo'jaligi.

Afrika aholi soni bo'yicha Osiyodan keyingi qit'a hisoblanib, 2018-yil holatiga ko'ra, u yerda 1,3 milliardga yaqin kishi yashaydi. Bu jahon aholisining 17 foizini tashkil etadi.

Afrika davlatlari orasida aholi soni jihatidan Nigeriya alohida ajralib turadi. Uning aholisi, 2018-yil holatiga ko'ra, salkam 196 mln. kishiga teng bo'lib, bu jahon mamlakatlari orasidagi 7-o'rinn hisoblanadi. E'tiborlisi, Nigeriya Afrika davlatlari qatorida maydoni bo'yicha 14-o'rinda turadi, xolos.

Aholi soni jihatidan Nigeriyadan keyingi yetakchi o'rinnlarni Efiopiya (107,5 mln. kishi), Misr (97 mln. kishi), Kongo Demokratik Respublikasi (84,3 mln. kishi), Tanzaniya (59,1 mln. kishi) va Janubiy Afrika Respublikasi (57,7 mln. kishi) kabi davlatlar egallaydi (2018-y.).

Afrika aholisi qit'a bo'yicha notejis joylashgan (78-rasm). Bunga tabiiy omillar, ayniqsa, iqlim va suv resurslari katta ta'sir ko'rsatgan. Nil vodiysi va deltasi, O'rta dengiz va Gvineya qo'ltingbo'yi hududlari, Sharqiy Afrikaning tog' oralig'idagi botiqlari va JARning sanoatlashgan rayonlarida aholi zichligi eng yuqori darajaga ega. Ayni paytda, Sahroi Kabir, Kalaxari, Namib kabi tropik cho'llarda aholi zichligi o'ta past.

Afrika aholisi eng yuqori sur'atlari bilan o'sayotgan qit'a hisoblanadi. Jahon aholisi hozirgi vaqtida o'rtacha yillik hisobda 1,2 % ga ko'payib borayotgan bo'lsa, Afrikada bu ko'rsatkich 2,6 % ni tashkil etadi. Afrikaning aksariyat davlatlariga tug'ilish va tabiiy ko'payishning yuqori sur'atlari, o'rtacha umr ko'rishning nisbatan past ko'rsatkichlari xos. Bu boradagi holat faqat

Tunis, Marokash, Liviya, Botsvana, JAR, Mavrikiy va Seyshel orollari kabi ijtimoiy-iqtisodiy rivojlanishi birmuncha yuqori bo'lgan davlatlarda qit'adagi umumiy vaziyatdan farq qiladi. Afrika qit'alar orasida urbanizatsiya darajasi (43%, 2018-y.) jihatidan oxirgi o'rinda turadi. Shahar aholisi salmog'i, asosan, O'rta dengizbo'yi davlatlari, JAR, kichik orol mamlakatlari va neft sanoati rivojlangan davlatlarida yuqori. Niger, Ruanda, Burundi, Malavi singari davlatlarda esa urbanizatsiyadarajasi 20 % ga ham yetmaydi.

Aholining irqiy, etnik va diniy tarkibi jihatidan Afrika qit'asi ikkita katta qismga bo'linadi. Birinchisi, Misr, Liviya, Sudan, Jazoir, Tunis, Marokash, Mavritaniya kabi davlatlardan iborat bo'lgan Shimoliy Afrika mintaqasi. Bu davlatlarda, asosan, janubiy yevropeoid irqiga mansub bo'lgan arab va barbarlar istiqomat qiladi, asosiy din islom dini hisoblanadi, aholining etnik va diniy tarkibi yaxlitligi bilan ajralib turadi. Qit'adagi boshqa davlatlar esa Tropik Afrika mintaqasini tashkil qiladi. Bu mintaqada aholisining etnik tarkibi juda rang-barang bo'lib, asosan, negroid irqiga mansub yuzlab millat, elat va qabilalardan iborat. Dirlardan esa islom, xristianlik va turli xil mahalliy dinlar keng tarqalgan bo'lib, har xildavlatlarda ularning nisbati turlicha.

Afrika davlatlarining jahon xo'jaligidagi o'mni, asosan, tog'-kon sanoati va tropik dehqonchiligi bilan belgilanadi. Ya'ni qit'adagi davlatlar iqtisodiyotida ko'proq xomashyonni yetkazadigan tarmoqlar ustunlik qiladi. Buning asosiy sababları ixtisoslashuvning mustamlakachilik davrida shakllanganligi, ishlab chiqarishning texnik va texnologik qoloqligi bilan bog'liq.

Nigeriya, Jazoir, Angola, Liviya, Gabon, Kongo, Ekvatorial Gvineya neft va tabiiy gaz, Niger va Malavi uran, Gvineya boksit, Zambiya va KDR mis, Marokash fosforit, Gana va Tanzaniya oltin, Botsvana, KDR, Angola, Zimbabve, Namibiya olmos, JAR esa toshko'mir, temir, marganes, oltin, platina, olmos kabi mineral resurslarni qazib olish va eksport qilish hajmi bilan ajralib turadi.

Aksariyat Afrika davlatlarining qishloq xo'jaligi uchun ma'lum bir ekin turining yakkahokimligi xosdir. Masalan, Sudan, Mali, Chad va Burkina-Fasoda asosiy ekin paxta, Kot-d'Ivuar, Gana, Kamerunda kakao, Senegal va Gambiyada yeryong'oq, Efiopiya va Ugandada kofe, Keniyada esa choy hisoblanadi. Ko'ptarmoqli qishloq xo'jaligi JAR hamda O'rta dengizbo'yi davlatlarida shakllangan.

Ijtimoiy-iqtisodiy rivojlanish darajasi nuqtayi nazaridan Afrika 3 ta qismga bo'linadi. JAR qit'adagi davlatlar orasida iqtisodiy jihatdan eng qudratlisi bo'lganligi uchun alohida ajratiladi. Misr, Liviya, Jazoir, Tunis va Marokash kabi birmuncha yuqori darajada rivojlanayotgan davlatlar Shimoliy (O'rta dengizbo'yi) Afrika iqtisodiy geografik mintaqasini hosil qiladi. Qit'aning qolgan davlatlari Tropik Afrika mintaqasi tarkibiga kiradi. Tropik Afrikadagi 34 ta davlat BMT tomonidan jahoning eng sust rivojlangan davlatlar guruhiga kiritilgan.

2.“Savdo balansi” va “Jahon xo'jaligi” atamalarining mazmun-mohiyatini tushuntiring.
Savdo balansi — to'lov balansining tarkibiy qismi hisoblanib, tovarlarni olib kirish va olib chiqishdagi nisbat.

Jahon xo'jaligi - turli mamlakatlar milliy iqtisodiyotining bozor munosabatlari zamirida bir-birini taqozo etgani holda umumjahon yaxlitligini tashkil etishi; jahondagi o'zaro aloqador milliy xo'jaliklar va xalqaro iqtisodiy munosabatlar majmui. Jahon xo'jaligi bozor iqtisodiyoti rivojining mahsuli sifatida 19- asrning oxiri — 20-asr boshlarida shakllandı. Xalqaro mehnat taqsimoti turli mamlakatlar milliy xo'jaliklarini ixtisoslashishiga olib keladi, ya'ni muayyan mamlakatda u yoki bu soha ustuvor rivojlanadi. Ixtisoslashuv mamlakatda qanday tabiiy resurslarning borligiga va shu yerdag'i ishlab chiqarish tajribasiga bog'liq. Ixtisoslashuv harajatlarni kamaytirib, tovarlarni sifatli ishlab chiqarish imkonini bergenidan xalqaro aloqalarni zaruratga aylantiradi.

3. Dunyoning siyosiy xaritasidan Osiyodagi orol davlatlari ko'rsating. Ular orasidan Sharqi Osiyoda joylashgan davlat poytaxti geografik koordinatalarini aniqlang.

Qit'a davlatlaridan 9 tasi orollarda joylashgan - Indoneziya, Filippin, Sharqiy Timor, Singapur, Yaponiya, Shri-Lanka, Maldiv Respublikasi, Kipr va Bahrayn.

Yuqorida keltirilgan davlatlar orasida Janubiy yarimsharda joylashgan davlat bu Sharqiy Timor davlatibo'lib, uning poytaxti Dili shahri hisoblanadi.

Dili shahrining geografik koordinatasasi.

9° (8.56) janubiy kenglik.

126° (125.56) sharqiy uzoqlik.

21-BILET

1. Avstraliya Ittifoqining geografik o'rni va aholisi.

Avstraliya Ittifoqi bir butun materikni to'liq egallagan jahondagi yagona davlat. Tarkibiga Avstraliya materigidan tashqari Tasmaniya va boshqa orollar kiradi. Qirg'oqlari shimol, g'arb va janubdan Hind okeani, uning dengiz va qo'ltilqlari, sharqiy tomondan esa Tinch okean dengizlari suvlari bilanyuviladi. Maydoni jiha-tidan jahonda 6-o'rinda turadi.

Iqtisodiy-geografik o'rni Janubiy yarim sharda, boshqa mintaqalardan ancha olisda joylashganligi bilan tavsiflanadi. Shu bilan birga, zamonaviy dengiz va havo transporti mamlakatni

jahonning barcha mintaqalari bilan doimiy aloqada bo'lishini ta'minlaydi.

Avstraliya Ittifoqi Britaniya Hamdo'stligi qirolligi hisoblanib, uning rasmiy davlat rahbari Buyuk Britaniya hukmdori hisoblanadi. Amalda siyosiy boshqaruva tizimida yetakchi rol bosh vazirga tegishli. Avstraliya 6 ta shtat va 2 ta hududdan tashkil topgan federativ davlat.

Tabiiy sharoiti va resurslari. Avstraliyaning relyefi, asosan, tekislik va kuchli parchalangan platolardan iborat. Faqat sharqda o'rtacha balandlikdagi Katta Suvayirg'ich tizmasi mavjud. Unda Avstraliyaning eng baland nuqtasi Kossyushko cho'qqisi (2 228 m) joylashgan.

Avstraliya xilma-xil foydali qazilmalarga boy. Mamlakat temir, mis, nikel, uran, boksit rudalari, ko'mir, oltin, olmos zaxiralari bilan jahon miqyosida alohida ajralib turadi.

Avstraliya hududi, asosan, subekvatorial, tropik va subtropik iqlim mintaqalarida joylashgan bo'lib, iqlimining eng muhim xususiyati uning qurg'oqchilligidan iborat. Mamlakat hududining juda katta qismini cho'l, chalacho'l va savannalar egallaydi. Avstraliya tabiatining eng katta kamchiligi SUV resurslarining taqchilligidir. Asosiy daryosi Murrey va uning irmog'i Darlingning suvi mavsumlar bo'yicha keskin o'zgarib turadi.

Aholisi. Avstraliya aholi zichligi eng past bo'lgan jahon davlatlaridan biridir. Bu yerda 1 km² hududga o'rta hisobda 3 kishi to'g'ri keladi. Avstraliyada aholi, asosan, janubi-sharqiy va sharqiy hududlarida mujassamlashgan, ichki hududlarida esa juda siyrak joylashgan.

Avstraliyada aholining tabiiy ko'payishi past, yiliga 0,5-0,6 % ga teng. Aholi sonining ortib borishiga tashqi migratsiya ko'proq ta'sir ko'rsatadi. Aholining migratsion ko'payishi yillik hisobda 0,8-1,0 % ni tashkil etadi.

Umuman olganda, Avstraliyaning aholisi migratsiya hisobiga shakllangan. Materikning tub aholisi -avstraliyalik aborigenlar - davlat aholisining atigi 1 % ini tashkil etadi. Asosiy millat - avstraliyalik inglizlar.

Avstraliya Ittifoqi yuqori urbanizatsiyalashgan davlatlar qatoriga mansub. Unda shahar aholisining ulushi 90 % ga teng. Eng yirik shaharlari -Sidney (87-rasm), Melburn, Brisben, Pert, Adelaida.

Iqtisodiyoti. Avstraliya iqtisodiyoti yuqori darajada rivojlangan davlat hisoblanadi. YIMning hajmi bo'yicha Avstraliya jahoning yetakchi 20 ta davlatlari tarkibiga kiradi, aholi jon boshiga to'g'ri keladigan YIM miqdori esa unda aksariyat Yevropa davlatlaridan ham yuqori.

Avstraliyaning jahon iqtisodiyotidagi o'rmini, ko'p jihatdan, tog'-kon va yoqilg'i sanoati belgilaydi. U ko'mir, uran, temir, boksit, oltin, nikel, rux qazib olish bo'yicha jahondagi yetakchi 3 ta davlat qatoriga kiradi. Ko'mir, suyultirilgan gaz, uran, qora va rangli metallarning katta qismi Osiyo davlatlari, birinchi navbatda, Xitoyga eksport qilinadi. Qishloq xo'jaligi ham Avstraliya iqtisodiyotining muhim sohasi. Chorvachilikning asosiy tarmoqlari - qo'ychilik va qoramolchilikdir. Avstraliya jahonda qo'ylar soni va jun ishlab chiqarish bo'yicha 2-o'rinda, jun hamda mol go'shti eksporti bo'yicha esa 1-o'rinda turadi. Dehqonchiligi donchilik, bog'dorchilik va uzumchilikka ixtisoslashgan.

Avstraliyaning asosiy iqtisodiy rayoni uning janubi-sharqi hisoblanadi. Bu yerda mamlakat aholisining 70% i istiqomat qiladi hamda uning 2 ta eng yirik shahri - Sidney va Melburn joylashgan.

2. “Federativ davlat” va “Agrasanoat majmuasi” atamalarining mazmunmohiyatini tushuntiring.

Federatsiya (so'nggi lotincha: foederatio — birlashma, uyushma) — 1) davlat tuzilishi shakli; yuridik jihatdan muayyan siyosiy mustaqilligi bo'lgan davlat tuzilmalaridan tashkil topgan murakkab (uyushma) davlat. Federativ davlatni tashkil etuvchi davlat tuzilmalari (shtatlar, o'lka, kontonlar) Federativ sub'yektlari hisoblanadi va o'z ma'muriy hududiy bo'linishlari bo'ladi. Federatsiyada yagona konstitutsiya, yagona ittifoq (federal) davlat hokimiyati organlari bo'ladi, yagona fuqarolik, pul birligi va shaharlar amal qiladi. Davlat tuzilishining birmuncha murakkab shakli - bu federatsiyadir. Bunday davlatlarda qonunchilik, ijro va sud hokimiyati markaziy (federal) hamda hududiy (shtatlar, provinsiyalar, respublikalar va boshqalar doirasida) darajalardan tashkil topadi. Federativ davlatlarning soni, 2018-yil holatiga ko'ra, 28 ta bo'lib, shu jumladan, Yevropada 6 ta, Osiyoda 7 ta, Afrikada 6 ta, Amerikada 7 ta hamda Avstraliya va Okeaniyada 2 ta federatsiyalar joylashgan.

Agrasanoat majmuasi (ASM) - qishloq xo'jalik mahsulotini yetishtirish va uni iste'molchiga yetkazish jarayonida aloqador barcha tarmoqlar uyg'unligidir. Qishloq xo'jaligi bilan u yetishtirgan mahsulotlami qayta ishlaydigan yengil va oziq-ovqat saiwali tarmoqlari dafatan ASM tuzilmasini tashkil etgan. Bularga qo'shimcha ravishda qishloq xo'jaligida foydalananiladigan mexanizmlarni ishlab chiqaradigan va ularni ta'mirlaydigan korxonalar, mineral o'g'it hamda o'simlik zararkunandalariga qarshi qo'llaniladigan moddalar ishlab chiqaradigan kimyo sanoati tarmoqlari ham ASMga kiradi. Bu tarmoqlar aslida og'ir sanoatga tegishli bo'lsada, ammo ular ishlab chiqarish ko'lami va samaradorligining belgilovchi omili ekanidan ASMda birinchi guruhni, qishloqxo'jaligi ikkinchi, qishloq xo'jaligi mahsulotlarini qayta ishlaydigan tarmoqlar uchinchi guruhni tashkil etadi.

3. Dunyoning siyosiy xaritasidan qирғоqlарини Qизил дингиз сувлари yuvadigan Afrika davlatlarini ko'rsating. Ulardan qaysi birida shimoliy tropik chizig'i kesib o'tgan? Ushbu davlat poytaxtining geografik koordinatalarini aniqlang.

Qирғоqlарини О'рта дингиз сувлари yuvadigan Afrika davlatlari – Marokash, Jazoir, Tunis, Liviya, Misr. Yuqorida keltirilgan davlatlar orasida qisman Osiyoda joylashgan davlat bu Misr davlati bo'lib, uning poytaxti Qohira shahri hisoblanadi.

Qohira shahrining geografik koordinatasи.

30° (30.04) shimoliy kenglik.

31° (31.24) sharqiy uzoqlik.

22-BILET

1. Germaniya iqtisodiy geografik o'rni tabiiy resurslari va aholisi.

Yevropaning iqtisodiy jihatdan eng qudratli davlati Germaniya Federativ Respublikasi qit'aning markazida joylashgan. Germaniya maydoni bo'yicha qit'a mamlakatlari orasida 6-o'rinda turadi. Qирғоqlари shimoli-g'arbda Shimoliy dengiz, shimoli-sharqda esa Boltiq dengizi suvlari bilan chegaralangan.

Germaniya hududidan eng muhim xalqaro kanallardan biri - Shimoliy va Boltiq dengizlarini tutashtiradigan Kil kanali o'tadi. Quruqlikda 9 ta davlat bilan chegaradosh.

Boshqaruv shakli - parlamentar respublika. Davlat rahbari - prezident, ammo ijro hokimiyatining rahbari va eng katta siyosiy vakolatlar egasi hukumat raisi, ya'ni federal kansler hisoblanadi. Siyosiy- hududiy tuzilishi jihatidan Germaniya federativ davlat bo'lib, 16 ta federal yerga bo'linadi. Mamlakat poytaxti - Berlin - GFRning sharqiy qismida joylashgan.

Tabiiy sharoiti va resurslari. Germaniya hududining relyefi shimoldan janubga tomon ko'tarilib boradi. Mamlakatning shimolni Shimoliy Germaniya pasttekisligi egallagan, markaziy hududlari past va o'rta tog'lardan iborat, janubida esa balandligi deyarli 3 000 metrga boradigan Alp tog'lari joylashgan. GFRda tosh va qo'ng'ir ko'mir, temir rudasi, osh va kaliy tuzlarining konlari mavjud.

Mamlakat hududi mo'tadir iqlim mintaqasida joylashgan. Ob-havo tez-tez o'zgaradi, yog'inlar ko'p yog'adi. Qish odatda yumshoq, qattiq sovuqlar kam sodir bo'ladi. Dengizbo'yи hududlarida kuchli shamollar doimo kuzatiladi va bu energetika sohasida qo'l keladi.

Germaniyada daryolar to'ri ancha zich. Eng yirik daryolar Reyn, Dunay, Elba, Vezer va Oder hisoblanadi. GFRdagi barcha yirik daryolar kanallar bilan o'zaro bog'langanligi tufayli uning ichki suv transport yo'llari Dunay orqali Shimoliy va Boltiq dengizlari portlarini Qora dengiz portlari bilan bog'laydi.

Aholisi. Germaniya deyarli 83 mln. kishilik aholisi (2018-yil ma'lumotlari bo'yicha) bilan Yevropada Rossiyanan keyingi 2-o'rinni egallaydi. Tug'ilishning pastligi sababli Germaniyada aholining tabiiy ko'payishi 1972-yildan buyon manfiy qoldiqqa ega. Germaniyada aholi ko'payishining manbayi tashqi migratsiya hisoblanadi.

Germaniya xorijiy migrantlar soni (12 millionga yaqin kishi) bo'yicha jahonda AQSHdan so'ng 2- o'rindagi davlat. Xorijiy migrantlar tarkibida Turkiya, Italiya, Gretsiya, sobiq Yugoslaviya davlatlari, Polsha hamda ayrim arab mamlakatlaridan ko'chib kelganlar son jihatdan ajralib turadi.

Xorijiy migrantlar ko'proq g'arbiy va shimoliy federal yerlаридаги yirik shaharlarda mujassamlashgan. Germaniyaliklarning 75 % dan ko'prog'i shaharlarda istiqomat qilishadi.

GFRning eng yirik shaharlari -Berlin, Gamburg, Myunxen, Kyoln, Frankfurt-Mayn, Bremen. Mamlakat aholisining milliy tarkibida 90% dan ko'proq qismi nemis millatiga to'g'ri keladi.

Iqtisodiyoti. Germaniya iqtisodiy salohiyati va aholining turmush darajasi jihatidan jahondagi yetakchi davlatlardan biri, «Katta yettilik» guruhibiga a'zo davlat. Yevropada Germaniya YIM va sanoat ishlab chiqarishi hajmi bo'yicha 1-o'rinda turadi.

GFR turli sanoat mahsulotlarining yuqori sifati bilan butun dunyoga mashhur. Germaniya sanoatining yetakchi tarmoqlari qatoriga mashinasozlik, kimyo, farmasevtika, ko'mir, qora metallurgiya, oziq-ovqat sanoati kiradi. Mashinasozlik tarmoqlaridan esa stanoksozlik, avtomobilsozlik, elektrotexnika, mikroelektronika, kemasozlik, aviakosmik mashinasozlik kabi tarmoqlari juda yuqori darajada rivojlangan. Germaniya qishloq xo'jaligining tayanch tarmoqlari sut-g'osht qoramolchiligi va cho'chqachilik hisoblanadi. Mamlakatning shimoliy va markaziy qismlarida asosiy qishloq xo'jalik ekinlari bug'doy, arpa, makkajo'xori, kartoshka,

qandlavlagi hisoblanadi. Janubdag'i tog' yonbag'irlari va tog' oralig'idagi vodiylarida uzum, tamaki hamda pivo ishlab chiqarishda qo'llaniladigan xmelni yetishtirish yaxshi rivojlangan. Germaniya iqtisodiyotida transport, bank-moliya sektori, turizm va boshqa xizmat ko'rsatish sohalari ham muhim ahamiyatga ega. Jumladan, Yevropadagi eng yirik aeroportga ega Frankfurt-Mayn shahri qit'adagi asosiy bank-moliya markazlaridan biri hisoblanadi.

Germaniyaning sharqiy yerkandi (sobiq GDR) mamlakatning qolgan hududlariga nisbatan ijtimoiy-iqtisodiy rivojlanishning pastroq ko'rsatkichlari bilan ajralib turadi.

2. “Parlementar respublika” va “Selluloza” atamalarining mazmunmohiyatini tushuntiring.

Respublika (lotincha: *respublica*, *res* — ish va *publicus* — ijtimoiy, umumxalq) — davlat boshqaruvi shakli, unda bar cha davlat hokimiysi organlari saylab qo'yiladi yoki umummilliylar vakolatli muassasalar (parlementlar) tomonidan shakllantiriladi, fuqarolar esa shaxsiy va siyosiy huquqlarga ega bo'ladilar. **Parlementar respublikalarda** hukumat tarkibi parlament saylovlari natijalari asosida siyosiy partiylar tomonidan shakllantiriladi, prezidentning funksiyalari esa cheklangan bo'ladi. Germaniya, Avstriya, Italiya, Bolgariya, Latviya, Estoniya, Gretsya, Isroi, Hindiston, Janubiy Afrika Respublikasi va boshqalarana shunday davlatlar sirasiga kiradi. Parlamentar respublikalar ko'proq Yevropada joylashgan.

Selluloza - maydalangan va kimyoviy yo'l bilan ishlangan yog'och massasi, u sun'iy tola va qog'oz ishslash uchun xomashyo bo'ladi.

3. Dunyoning siyosiy xaritasidan “Tayanch rivojlanayotgan mamlakatlar” guruhiba kiruvchi davlatlarni ko'rsating. Ushbu davlatlarning poytaxtlaridan qaysi birida Quyosh qolganlariga nisbatan erta chiqadi? Ushbu shaharning geografik koordinatalarini aniqlang.

Jahonda aholisi 1 mlrd dan ortiq bo'lgan davlatlar – Xitoy va Hindiston davlatlaridir.

Yuqorida keltirilgan davlatlarning orasida Xitoy davlatida Quyosh Hindiston davlatiga nisbatan erta chiqadi. Xitoy davlatining poytaxti: Pekin shahri.

Pekin shahrining geografik koordinatasasi.

40° (39.91) shimoliy kenglik.

116° (116.41) sharqiy uzoqlik.

23-BILET

1. Eron, Avg'oniston va Pokistonning iqtisodiy geografik o'rinalarini taqqoslang. Qaysi davlatning iqtisodiy geografik o'rni nisbatan noqulay hisoblanadi va nima uchun?

Eron Islom Respublikasi Janubi-g'arbiy Osiyoning hududi, aholisi va iqtisodiy salo-hiyati jihatidan eng yirik davlatlaridan biri. Qirg'oqlari janubda Arabiston dengizi va Fors qo'lting'i, shimoli-g'arbda Kaspiy dengizi suvlari bilan o'ralgan. Iqtisodiy geografik o'rni Janubi-g'arbiy, Janubiy va Markaziy Osiyo davlatlarini bog'laydigan transport yo'llari o'tganligi hisobiga qulay. Boshqaruv shakli teokratik (diniy) respublikadir. Davlat rahbari - Oliy rahbar, shia musulmonlarining oliy martabali ruhoniysi (Oyatullo).

Prezident esa Eronda davlatdagi ikkinchi shaxs hisoblanadi. Poytaxti - Tehron shahri mamlakatning shimoli-g'arbiy qismida, Elburs tog' tizmasining etagida joylashgan.

Tabiiy sharoiti va resurslari. Eron hududining relyefi bir nechta tog' tizmalari va ular orasidagi botiqlardan iborat. Iqlim shimoli-g'arbiy hududlarida nam subtropik, markaziy va sharqiy hududlarda quruq subtropik, Fors qo'lting'i bo'yida esa issiq va quruq tropik tipiga mansub. Tog' oralig'idagi botiqlarda iqlim keskin kontinental va o'ta quruq bo'lganligi tufayli o'simlik va hayvonot olamiga juda kambag'al bo'lgan toshloqva sho'rxok cho'llar shakllangan. Kaspiy dengiziga yaqin hududlarida nam iqlim sharoiti tufayli o'rmonlar keng tarqalgan.

Eng katta iqtisodiy ahamiyatga ega mineral boyliklari yirik neft va gaz zaxiralaridir. Neft va gaz konlari, asosan, Fors qo'lting'i va Kaspiy dengiziga yaqin hududlarda joylashgan. Eronda mis, temir, marganes, polimetall rudalari konlari ham mavjud.

Aholisi. Eron aholi soni bo'yicha dunyodagi yetakchi 20 ta davlat qatoriga kiradi. Oxirgi yillarda tug'ilishning pasayishi tufayli aholining tabiiy o'sish sur'atlari sekinlashib bormoqda. Urbanizatsiya darajasi 70 % dan yuqori. Aholisi 9 million kishiga yaqin Tehrondan tashqari, Mashhad, Karaj, Isfaxon, Tabriz va boshqa «millioner» shahrlar mavjud. Aholi ancha notekis joylashgan bo'lib, asosan, g'arbiy qismida zinch yashaydi, cho'lli hududlarida esa doimiy aholi yo'q. Eron - ko'pmillatli davlat. Aholining 60 % idan ko'prog'ini tashkil etadigan forslar bilan birgalikda ozarbayjonlar, kurdlar, arablar, turkmanlar, armanlar va boshqa millatlar yashaydi. Aholining diniy tarkibida shia musulmonlari yetakchilik qiladi.

Iqtisodiyoti. Eron Janubi-g'arbiy Osiyo davlatlari orasida o'z iqtisodiy salohiyati bilan Turkiya va Saudiya Arabiston singari alohida ajralib turadi. Sanoatning yetakchi tarmoqlari: neft va neftni qayta ishslash, gaz, metallurgiya, mashinasozlik, to'qimachilik va oziq-ovqat.

Qishloq xo'jaligining asosiy tarmoqlari: donchilik, bog'dorchilik, qo'yichilik, echkichilik va qoramolchilik. Kaspiy dengizida baliqchilik yaxshi rivojlangan. Baliqchilikning qimmatbaho mahsulotlaridan biri hisoblangan qora ikra eksporti boyicha Eron jahon bo'yicha yetakchi o'rinda turadi. Shuningdek, Eron gilam to'qish bilan ham dunyoga mashhur.

AFG'ONISTON

Afg'oniston Islom Respublikasi Janubi-g'arbiy, Markaziy va Janubiy Osiyo tutashgan hududda joylashgan. Dunyo okeaniga chiqish imkoniyati yo'q. Iqtisodiy geografik o'rni Osiyo qit'asining turli qismlarini bog'lovchi transport magistrallari qurilsa, ancha yaxshilanadi. Boshqaruv shakli prezidentlik respublikasi. Tabiiy sharoiti va resurslari. Afg'oniston hududining katta qismi, ayniqsa, markazi va sharqi baland tog'lar bilan band, shimoliy va janubi-g'arbiy hududlarini tog'oldi tekisliklari egallaydi.

Afg'onistonda kuchli zilzilalar tez-tez ro'y berib turadi. Afg'oniston turli mineral resurslarga (ko'mir, neft, temir, mis, marganes va b.) boy, ammo ular juda kam qazib olinadi. Afg'onistonga subtropik quruq kontinental iqlim xos. Baland tog'lardagi muzliklardan ko'plab daryolar boshlanib, ayrimlari to'laligicha sug'orishga sarflanadi.

Aholisi. Afg'oniston aholisi tez sur'atlari bilan o'sib borayotgan davlatlar toifasiga kiradi (yillik tabiiy ko'payish darajasi 2,5 % dan yuqori). Aholi, asosan, tog'oldi tekisliklarida va tog' oralig'idagi vodiylarda yashaydi. Shahar joylarida aholining 1/4 qismi yashaydi, xolos. Eng katta shahri - mamlakat poytaxti Kobulning aholisi 3 mln. atrofida. Hirot hamda Mozori-Sharif nisbatan yirik shahrlar hisoblanadi.

Aholining etnik tarkibi ancha murakkab bo'lib, pushtunlar, tojiklar, o'zbeklar, xazorliklar, balujlar, turkmanlardan iborat. O'zbekistonga chegaradosh shimoliy hududlarida 2 mln. o'zbeklar istiqomat qiladi.

Iqtisodiyoti. Afg'oniston iqtisodiy jihatdan sust rivojlangan agrar davlat. Iqtisodiy rivojlanishida xorijiy davlatlar va xalqaro tashkilotlar tomonidan ko'rsatilayotgan moliyaviy yordam katta ahamiyatga ega.

Qishloq xo'jaligining asosini sug'orma dehqonchilik tashkil etadi. Umuman olganda, dehqonchilikda boshqolli ekinlar, paxta, meva va uzum yetishtirish muhim rol o'ynaydi. Chorvachilik tarmoqlaridan qo'yichilik (jumladan, qorako'lchilik) va echkichilik yetakchi ahamiyatga ega. Qorako'l teri tayyorlashda Afg'oniston jahon bo'yicha 1-o'rinda turadi. Sanoat ishlab chiqarishi sust darajada rivojlangan. Sanoat korxonalari jahon hamjamiyati tomonidan moliyaviy yordam asosida qurilmoqda.

POKISTON

Pokiston Islom Respublikasi Janubiy Osiyoda joylashgan. Hududi janubda Arabiston dengizi bilan yuviladi. Geografik o'rning ijobi xususiyatlari - xalqaro ahamiyatga ega dengiz va quruqlik transport yo'llari o'tganligi, salbiy jihatlari - siyosiy vaziyati beqaror mintaqada joylashganligidan iborat. Siyosiy geografik holati Hindiston bilan Kashmir borasidagi ko'p yillik hududiy kelishmovchilik hamda Afg'oniston bilan chegaradosh hududlarining qo'shni davlatdan o'tgan «Tolibon» guruhlari nazorati ostida bo'layotganligi bilan tavsiflanadi.

Pokiston boshqaruv shakli jihatidan parlamentar respublika, ma'muriy-siyosiy tuzilishi nuqtayi nazaridan esa federativ davlatdir. Pokiston federatsiyasi 4 ta provinsiya va 2 ta federal hududni o'z ichiga oladi.

Tabiiy sharoiti va resurslari. Pokistonning shimoliy va g'arbiy qismi lari baland tog'lar bilan band bo'lsa, sharqiy va janubiy hududlari esa tekislik relyefiga ega. Mamlakatning katta qismini qo'shni Hindistondan boshlanadigan va Arabiston dengiziga quyiladigan Hind daryosining vodiysi egallaydi. Tekislik hududlari neft, tabiiy gaz, ko'mir, tuz zaxiralariga ega, tog'li qismi esa turli metallarning konlariga boy. Pokistonning asosiy hududida issiq tropik iqlim hukmronlik qiladi, shuning uchun tekislik qismida cho'l va chalacho'l landshaftlari katta maydonlarda tarqalgan.

Aholisi. Pokiston aholi soni bo'yicha jahon davlatlarining birinchi o'ntaligiga kiradi. Yillik hisobidagi tabiiy ko'payish sur'atlari 2 % dan baland, ya'nini yiliga 4-4,5 mln. kishiga teng. Urbanizatsiya darajasi 40% atrofida. Mamlakatdagi eng yirik shahar - Arabiston dengizi sohilida joylashgan Karachining aholisi 15 mln. kishidan ortiq. Boshqa yirik shaharlari - Laxor, Feysalabad, Ravalpindi.

Aholining 45 % ga yaqin qismi panjobliklarga tog'ri keladi. Aholining milliy tarkibida pushtunlar, sindlar, balujlarning ulushlari ham sezilarli.

Iqtisodiyoti. Pokiston iqtisodiyoti tez o'sayotgan industrial-agrar davlatdir. Sanoatining yetakchi tarmog'i - yengil sanoat. Ayniqsa to'qimachilik sanoati eksportbop mahsulotni katta hajmda ishlab chiqaradi. Undan tashqari, metallurgiya, mashinasozlik, kimyo, oziq-ovqat, charm sanoati ham rivojlanib bormoqda.

Qishloq xo'jaligining asosiy tarmog'i dehqonchilik bo'lib, bug'doy, sholi, shakarqamish, paxta yetishtirishga ixtisoslashgan. Mamlakat eksporti tarkibida gazlamalar, sholi, paxta, charm mahsulotlari, gilamlar yetakchi o'rnlarga ega.

2. “Anklav davlat” va “kooperatsiya” atamalarining mazmun-mohiyatini tushuntiring.

Anklav (lotincha: inclavatus – „yopiq“ va „clavis“ – „kalit“) – boshqa davlat hududdagi yer. Anklav (frans. enclave, lot. inclavare – qulflab olish) – bir davlatning hamma tomondan boshqa davlat hududi bilan o'rab olingan hududi yoki hududining bir qismi. Masalan, Lesoto davlati JAR hududidagi anklav hisoblanadi. Agar anklav dengizga tutash bo'lsa, u yarim anklav deb ataladi.

Biron ta davlat hududi bilan o'ralgan va boshqa davlatlar yoki dengiz suvlari bilan chegaraga ega emas. Bunday geografik joylashuvga ega davlatlar **anklav** davlatlar deb ataladi.

Kooperatsiya (lot. cooperatio — hamkorlik, birgalikda ishlash) — 1) jismoniy shaxslarning birgalikda tadbirdorlik faoliyatini olib borish uchun ixtiyorilik asosida birlashuv; 2) ikki yoki bir necha mamlakatlarning xorijiy sheriklar ishtirokida qo'shma yoki o'zaro muvofiklashtirilgan ishlab chiqarishni tashkil etishining universal shakli.

Kooperativlashuv (hamkorlik) - tayyor mahsulot tayyorlashda bir qancha korxona qatnashadigan ishlab chiqarish shakli.

3. Jahonning siyosiy xaritasidan Afrikaning to'laligicha ekvatoridan janubda joylashgan davlatlarini ko'rsating. Ushbu davlatlarning qaysi biri janubiy qutbga eng yaqin? Bu davlat poytaxti geografik koordinatalarini aniqlang.

Yevropadagi yarimorol mamlakatlarga Norvegiya, Shvetsiya, Daniya, Ispaniya, Portugaliya, Italiya, Gretsya, Albaniya, Bolgariya va boshqalar.

Mazkur davlatlarning ichida keltirilgan Portugaliya davlatining poytaxti Lissabon shahrida qolgan davlat poytaxtlariga nisbatan quyosh keyin botadi.

Lissabon shahrining geografik koordinatasi.

39° (38.72) janubiy kenglik.

9° (9.14) g'arbiy uzoqlik.

24-BILET

1. Yaponiyaning iqtisodiy geografik o'rni tabiiy sharoiti va resurslari.

Yaponiya Sharqiy Osiyoda joylashgan orol mamlakati. Yaponiyada jami orollar soni 6 852 ta bo'lsham, hududining 97 % ini 4 ta yirik orol - Xonsyu, Xokkaydo, Kyusyu va Sikoku orollari egallaydi.

Yerosti boyliklarining ozligi Yaponiyani yoqilg'i va metallarni eng ko'p import qiluvchi davlatlardan biriga aylantirgan.

Yaponiya, asosan, mo'tadil va subtropik iqlim mintaqalarida joylashgan. Iqlimi, umuman olganda, musson shamollari ta'sirida shakllangan, unga yuqori darajadagi namlik xos. Yillik yog'in miqdori 1700- 4000 mm ga teng. Shuningdek, Yaponiya iqlimiga tayfunlarning tez-tez takrorlanishi xos.

Nam iqlimi tufayli Yaponiya hududi sersuv daryolarga boy bolib, ulardan sug'orma dehqonchilik vagidroenergetikada keng foydalaniladi.

Aholisi. Yaponiya aholisi 126,5 mln. kishiga teng (2018-y.). Yaponiyada tug'ilishning o'ta pastligi sababli aholining tabiiy kamayishi kuzatilmoxda. Meksika aholi soni bo'yicha Yaponiyadan ilgarilab ketganidan keyin, Yaponiya jahon mamlakatlarining birinchi o'ntaligidan chiqdi.

Yaponiyada shahar aholisining ulushi 90% dan yuqori. Tokio dunyoning eng katta shaharlaridan biri hisoblanadi, uning aglomeratsiyasida 30 mln. kishidan ortiq aholi istiqomat qiladi. Poytaxtdan, tashqari Iokagama, Osaka, Nagoya, Sapporo, Kobe, Kioto mamlakatning eng yirik shaharlari hisoblanadi. Xokkaydo orolida joylashgan Sapporodan boshqa barcha yirik shahrlar Xonsyu orolining janubi-shraqida joylashgan. Mamlakatning bu qismida bir nechta yirik shahar aglomeratsiyalarining tutashib ketganligi hisobiga jahondagi eng yirik megalopolislardan biri - Tokaydo shakllandı.

Yaponiya aholisining 98% dan ko'pini yaponlar tashkil qiladi. Ularning asosiy dinlari - sintoizm va buddizm. Qiziqarli jihat shundaki, yaponlarning aksariyati ham sintoizm, ham buddizm an'analariga rioya qiladilar.

Aholining joylashuviga mamlakat relyefi katta ta'sir korsatgan. Yaponiya aholisining asosiy qismi hududining 10 % ida yashaydi. Aholi eng zinch darajada Kanto tekisligida joylashgan.

Iqtisodiyoti. Yaponiya iqtisodiyoti yuqori darajada rivojlangan mamlakat. YIM ning umumiyyajmiga ko'ra dunyoda AQSH, Xitoy va Hindistondan keyingi to'rtinchi o'rinni egallaydi.

Yaponiya sanoati eng zamonaviy texnologiyalarga asoslangan tarmoqlar - elektronika, elektrotexnika, dastgohsozlik, kemasozlik, avtomobilsozlik, asbobsozlik, kimyo va neft-kimyo sanoatiga ixtisoslashgan. Yaponiyaning eng mashhur transmilliy kompaniyalar toifasiga «Toyota», «Honda»,

«Sony», «Mitsubishi» va boshqalar kiradi.

Yaponiya dehqonchiligining yetakchi tarmog'i sholikorlik. Sholi jami ekin maydonlarining yarmiga ekiladi. Shuningdek, bug'doy, soya, turli sabzavot va mevalar ham yetishtiriladi.

Yaponiyada transportning barcha turlari yuqori darajada rivojlangan. Ayniqsa, mamlakatning yirik shaharlarini bog'lovchi «Sinkansen» tezyurar poyezdlari alohida e'tiborga sazovor. Yaponiyada ayrimorollar orasida suvosti tunnellar ham o'tkazilgan. Ulardan eng uzuni Xonsyu va Xokkaydo orollarini bog'laydigan Seykan tunnelidir (54 km).

Yaponiyada turizm ham yaxshi rivojlangan. Har yili Yaponiyaga 30 mln. atrofida xorijiy sayyoohlar tashrif buyuradi. Yaponianing eng muhim turistik resursi uning boy va betakror tarixiy-madaniy merosi hisoblanadi.

Xonsyu orolining sharqida 600 km masofada shakllangan Tinch okean sanoat mintaqasi iqtisodiy jihatdan Yaponianing eng rivojlangan rayoni hisoblanadi. Kyusyu orolining janubi, Sikoku va ayniqsa, Xokkaydo oroli iqtisodiy jihatdan nisbatan sust rivojlangan.

2. “Eksklav davlat” va “Irrigatsiya mashinasozligi” atamalarining mazmunmohiyatini tushuntiring.

Eksklav — suveren mustaqillikka ega bo‘limgan, atrofi boshqa bir va bir nechta davlat bilan o‘ralgan hudud.

Eksklav ("tashqi" va "kalit") - bu davlat yoki hududning geografik jihatdan asosiy qismidan chet el hududini (bir yoki bir nechta davlatlarning) o‘rab olish orqali ajratilgan qismi. Ko‘pgina eksklavlar ham anklavlardir, lekin bu shart emas; Bir eksklav bir nechta shtatlar bilan o‘ralgan bo‘lishi mumkin. Ozarbayjonning Naxchivan anklavini anklav hisoblanmaydigan (Armaniston, Turkiya va Eron bilan chegaradosh) anklavga misol qilib keltirish mumkin.

Irrigatsiya mashinasozligi – suv omborlari, kanallar qurilishi, va ularni loyqadan tozalashda, suvni yuqoriga ko‘tarishda, umuman, irrigatsiyada qo‘llaniladigan mashinalar ishlab chiqaruvchi tarmoq.

Irrigatsiya (lotincha irrigatsio – sug‘orish), sug‘orish – q‘urg‘oqchil yerkarda suv keltirish, dalalarni sug‘orish, tuproqning o’simlik ildizlari oziqlanadigan qatlamida suv zahirasini rostlash. Melioratsiya turlaridan biri. Irrigatsiya – faqat sug‘orish bilan bog‘liq bo‘lgan tadbirlar (kanal, suv ombori, gidrouzel, nasos stansiyasi, kariz, zovur va h.k.)

3. Fors qo‘ltig‘i arab davlatlarini xaritadan ko‘rsating. Ulardan qaysi birining maydoni eng katta? Bu davlat poytaxti geografik koordinatasini aniqlang.

Birdaniga 3 ta okeanga chiqishga ega bo‘lgan davlatlar – Kanada, AQSH, Rossiya.

Kanada poytaxti – Ottava shahri. AQSH poytaxti – Vashington shahri. Rossiya poytaxti – Moskva shahri.

Ottava shahrining geografik koordinatasasi.

45° (45.42) shimoliy kenglik.

76° (75.70) g‘arbiy uzoqlik. Vashington shahrining geografik koordinatasasi.

39° (38.91) shimoliy kenglik.

77° (77.04) g‘arbiy uzoqlik. Moskva shahrining geografik koordinatasasi.

56° (55.76) shimoliy kenglik.

38° (37.62) sharqiy uzoqlik.

Yuqorida ma’lumotlardan ko‘rinib turganidek ekvatorga nisbatan eng yaqin joylashgan shahar bu Vashington shahri.

25-BILET

1. Indoneziya, Malayziya va Singapurning iqtisodiy geografik o‘rinlarini taqqoslang va umumiylarini aniqlang.

INDONEZIYA

Indoneziya Janubi-sharqiy Osiyoda, Tinch va Hind okeanlari orasida joylashgan bir necha ming orollardan iborat davlat. Jahondagi orol mamlakatlaridan eng yirigi hisoblanadi.

Indoneziyadagi eng katta orollar - Yangi Gvineya (g'arbiy qismi), Kalimantan (markaziy va janubiy qismi), Sumatra, Yava hamda Sulavesi. Aholisining 60 % ga yaqini Yava orolida yashaydi. Bu orol sayyoramizdagi aholi eng zich joylashgan hududlardan biri hisoblanadi. Indoneziya poytaxti Jakarta shahri ham Yavada joylashgan.

Iqtisodiy geografik o'rнining qulayligi ikki okean (Tinch va Hind) va ikki qit'a (Osiyo hamda Avstraliya va Okeaniya) orasida joylashganligi bilan belgilanadi.

Tabiiy sharoiti va resurslari. Indoneziya hududi «Tinch okean olovli halqasi»ning bir qismi bo'lib, unga tog'li relyef va yuqori seysmiklik xos. Indoneziyada 150 taga yaqin harakatdagи vulqonlar bor, ulardan eng yiriklari Bromo, Krakatau, Selak, Tamboro hisoblanadi. Indoneziya neft, gaz, ko'mir, qalayi, temir, marganes, nikel va boshqa foydali qazilmalarga boy.

Iqlimi, asosan, ekvatorial, yil bo'yи issiq va nam, yil fasllari orasidagi tafovutlar deyarli sezilmaydi. Sernam iqlim va tog'li relyef tufayli Indoneziya suv va gidroenergetika resurslari bilan yaxshi ta'minlangan. Shuningdek, Indoneziya jahoning o'rmon resursla riga eng boy davlatlaridan biri hisoblanadi.

Aholisi. Indoneziya aholi soni bo'yicha dunyoda Xitoy, Hindiston va AQSHdan keyingi 4-o'rinni egallaydi. Indoneziya aholisining yarmidan ko'prog'i shaharlarda istiqomat qiladi. Mamlakatda 10 tadan ziyod

«millioner» shahar mavjud, eng yirigi - Jakartada 10 mln. kishi istiqomat qiladi. Indoneziyada 300 taga yaqin millat va elatlар yashaydi. Mamlakat aholisining 40 % idan ko'prog'ini yavaliklar tashkil etadi. Asosiy dini - islam dini bo'lib, Indoneziya musulmonlar soni bo'yicha jahon mamlakatlari orasida birinchi o'rinda turadi. Iqtisodiyoti. Indoneziya YIM hajmi bo'yicha jahoning 10 ta pesh-qadam davlat qatoriga kiradi. Sanoatning yetakchi tarmoqlari - yoqilg'i (ko'mirni qazib olish bo'yicha jahonda 5-o'rin, tabiiy gazni qazib olish bo'yicha 10-o'rin), kimyo, oziq-ovqat, yengil, avtomobilsozlik, o'rmon, metallurgiya (qalayini qazib olish bo'yicha jahonda 1-o'rin). Asosiy qishloq xo'jalik ekinlari qatoriga sholi, makkajo'xori, kokos palmasi, tabiiy kauchuk, choy, kofe, shakarqamish, kakao, tamaki, turli ziravorlar kiradi. Indoneziya ko'p ekinlarning yalpi hosili bo'yicha jahonda yetakchi o'rnlarni egallaydi. Baliq ovlash bo'yicha jahonda 3-o'rinda turadi.

MALAYZIYA

Malayziya hududi Janubiy Xitoy dengizi bilan bir-biridan ajralib turgan ikkita qismdan iborat. Bitta qismi Malakka yarimorolining janubini egallasa, ikkinchisi Kalimantan orolining shimoliy qismida joylashgan. Malayziyaning yarimorol qismi yonidan Hind va Tinch okeanlarini tutashtiruvchi dengizyo'llari o'tadi.

Iqtisodiyoti. Malayziya iqtisodiyoti yuqori sur'atlar bilan o'sayotgan yangi industrial mamlakatlardan biri. Malayziya sanoati, asosan, ko'ptarmoqli mashinasozlikka ixtisoslashgan (elektronika, maishiy texnika, avtomobil ishlab chiqarish). Shu bilan birga, neft, neft-kimyo va metallurgiya sanoatlari ham yaxshi rivojlangan. Qishloq xo'jaligi sholi, tabiiy kauchuk, moyli palma, kokos palmasi, banan, tamaki, murch va boshqa ekinlarni yetishtirishga ixtisoslashgan.

Malayziyaning tabiatи va boy tarixiy-madaniy merosi mamlakatda turizmni rivojlantirishga katta imkoniyat yaratadi. So'nggi yillarda Malayziya xorijiy sayyoohlar sonining ko'pligi bo'yicha jahoning yetakchi 10 ta mamlakatlari qatoriga kirmoqda.

SINGAPUR

Singapur Janubi-sharqiy Osiyoda, Malakka yarimorolining janubiy chekkasidan tor bo'g'iz bilan ajralib turgan kichik orollarda joylashgan. Singapur Osiyo va butun jahondagi eng

kichik davlatlardan biri bo'lib, to'liq ravishda bitta shahardan iborat. Singapur serqatnov dengiz yo'llari bo'yida joylashganligi uning ijtimoiy- iqtisodiy rivojlanishi uchun juda katta ahamiyatga ega. Boshqaruv shakli jihatidan parlamentar respublikadir. Davlatning siyosiy boshqaruv tizimida asosiyrolni bosh vazir o'ynaydi. Tabiiy sharoiti va resurslari. Singapurning relyefi pasttekislik ko'rinishiga ega bo'lib, mamlakatning eng baland nuqtasi dengiz sathidan bor-yo'g'i 166 metrda joylashgan. Singapur hech qanday foydali qazilmalariga ega emas. Singapur ekvator chizig'iga juda yaqin joylashgan va uning iqlimi tipik ekvatorial xarakterga ega. Iyul va yanvar oylarining o'rtacha haroratlari 20 C ga farq qiladi, xolos. Hududi kichikligi hisobiga Singapur ichimlik suvi bilan yetarli darajada ta'minlanmagan va uni, asosan, Malayziyadan import qilishga majbur.

Aholisi. Singapur aholi zinchligi bo'yicha dunyoda Monakodon keyingi 2-o'rinda turadi. Singapur butunligicha bitta shahardan iborat bo'lganligi uchun urbanizatsiya darajasi 100 % teng. Singapur Osiyoning aholi tabiiy ko'payishi eng past bo'lgan davlatlardan biridir va aholisi, asosan, tashqi migratsiya hisobiga o'smoqda.

Singapur aholisining 75 % dan ortig'ini xitoyliklar tashkil qiladi. Malaylarning ulushi 15 % atrofida, hindlarga esa aholining 8 % i to'gri keladi. Rasmiy tillari - ingliz, xitoy, malay, tamil. Eng ko'p tarqalgan dinlar buddizm va konfutsiylik.

Iqtisodiyoti. Nisbatan qisqa tarixiy davr ichida Singapur jahondagi texnologik va iqtisodiy jihatdan peshqadam davlatlardan biriga aylandi. Hozirgi bosqichda Singapur aholi jon boshiga to'g'ri keladigan YIM miqdori bo'yicha jahon mamlakatlari ichida eng yuqori ko'rsatkichlardan biriga ega. Sanoatning elektronika, elektrotexnika, kemasozlik, neftni qayta ishslash, kimyo, farmasevtika tarmoqlari yaxshi rivojlangan va eksportga yo'naltirilgan. Sanoat uchun xomashyo resurslari qo'shni davlatlardan import qilinadi. Axborot texnologiyalari va biotexnologiya sohalarida ham Singapur katta yutuqlarga erishgan. Xalqaro transport va bank-moliya xizmatlarini ko'rsatish, turizm sohalari ham Singapur uchun katta iqtisodiy ahamiyatga ega. Singapur shahri dunyodagi eng yirik port shaharlardan biri hisoblanadi.

2. "Tugamaydigan resurslar" va "Aholining tabiiy ko'payishi" atamalarining mazmun-mohiyatini tushuntiring.

Tabiiy resurslar deb, inson hayoti va faoliyati davomida bevosita foydalilaniladigan barcha turdag'i tabiatne'matlariga aytildi. Sayyoramiz ko'p va xilma-xil tabiiy resurslarga ega. Tabiiy resurslar orasida mineral, yer, suv, biologik va iqlimiylar resurslarning iqtisodiy ahamiyati yuqori. Tabiiy resurslar tugaydigan va tugamaydigan guruhlarga bo'linadi. Yer, suv, mineral, biologik resurslar tugaydigan tabiiy resurslar qatoriga kiradi. Ular, o'z navbatida, tiklanadigan va tiklanmaydigan guruhlarga bo'linadi. Tiklanish xususiyatiga yer, suv hamda biologik resurslar ega. Mineral resurslar, ya'ni foydali qazilmalar, tiklanmaydigan tabiiy boylik hisoblanadi.

Tugamaydigan tabiiy resurslar Quyosh energiyasi (gelioresurslar), shamol, dengiz qalqishlari va oqimlari energiyasi, Yerning ichki energiyasi (geotermal resurslar), agroiqlimiy resurslardan iborat.

Aholi o'iganlar soniga nisbatan tug'ilganlar sonining ortiqligi hisobiga doimo ko'payib boradi. Bunday ko'payish aholining ***tabiiy ko'payishi*** deyiladi.

3. Jahonning siyosiy xaritasidan "O'tish iqtisodiyotidagi davlatlar" blokiga kiruvchi davlatlarni ko'rsating. Ulardan qaysi birining poytaxti bosh meridiandan eng uzoqda joylashgan. Ushbu shaharning geografik koordinatasini aniqlang.

Osiyoning dengiz va okeanga chiqish imkoniyati bo'lmagan (jami 13 ta) davlatlar – Qozog'iston, Turkmaniston, Afg'oniston, O'zbekiston, Tojikiston, Qirg'iziston, Mongoliya, Nepal, Butan, Laos, Ozarbayjon, Armaniston, Jordaniya.

Yuqoridagi davlatlar orasida poytaxti ekvatoridan eng uzoqda joylashgan davlat bu Qozog'iston davlati bo'lib, poytaxti Nur-Sulton shahri.

Nur-Sulton shahrining geografik koordinatasi.

51° (51.16) shimoliy kenglik.

71° (71.47) sharqiy uzoqlik.

26-BILET

1. Amerika Qo'shma Shtatlarning geografik o'rni va aholisi.

Amerika Qo'shma Shtatlari jahon mamlakatlari orasida maydoni jihatidan 4-, aholisi soni bo'yicha esa 3-o'rinda turadi. Shuningdek, AQSH iqtisodiy, harbiy-siyosiy va ilmiy-texnologik qudrati bo'yicha zamonaviy jahoning yetakchi davlatlaridan biridir.

AQSH hududi 3 qismdan iborat: Shimoliy Amerika materigining o'rta qismidagi kontinental shtatlari, Shimoliy Amerikaning shimoli- g'arbida joylashgan Alyaska hamda Tinch okeandagi Gavayi orollari.

AQSH 3 ta - Atlantika, Tinch va Shimoliy Muz okeaniga chiqish imkoniyatiga ega. U quruqlikda faqat Kanada va Meksika bilan chegaradosh. AQSH va Kanadaning chegarasi jahon bo'yicha ikkita davlat o'rtasidagi eng uzun chegara hisoblanadi. Bering bo'g'izi orqali AQSH Rossiya bilan chegaradosh.

AQSH - prezidentlik respublikasi: prezident davlat va hukumat rahbari hisoblanadi. Siyosiy-hududiy tuzilishi nuqtayi nazaridan, AQSH 50 ta shtat va Kolumbiya federal poytaxt okrugidan iborat federatsiyadir. 48 ta shtat hamda Kolumbiya okrugi (Washington shahri) kontinental shtatlari hududida joylashgan, 49-shtat Alyaska, 50-shtat esa Gavayi hisoblanadi.

Tabiiy sharoiti va resurslari. AQSH hududi yirikligi uchun tabiiy sharoiti juda xilma-xil. Kontinental shtatlarning sharqiy va markaziy qismlari, asosan, tekisliklardan iborat, g'arbiy qismidan esa Kordilyera tog'larining bir nechta tarmoqlari o'tgan. Alyaska va Gavayi shtatlarning relyefi ham, asosan, tog'li. Alyaska hududida Shimoliy Amerika materigining eng baland nuqtasi - balandligi 6 194 metr bo'lgan Denali (oldingi nomi - Mak-Kinli) cho'qqisi joylashgan. Materikning eng past nuqtasi - Ajal vodiysi (-86 m) ham AQSHda, Kaliforniya shtatida joylashgan.

AQSH ko'mir, neft, tabiiy gaz, temir, turli rangli metallar rudalari, mineral tuzlarning yirik zaxiralariga ega. Ayniqsa, mamlakatning g'arbiy tog'li hududlari mineral resurslariga boy. Ammo AQSHda sanoat ishlab chiqarishining hajmi yirikligi tufayli mamlakat mineral xomashyoning ko'p turlarini import qiladi.

Kontinental shtatlarning hududi, asosan, mo'tadil va subtropik, Alyaskaning katta qismi subarktika va arktika, Florida yarimoroli hamda Gavayi orollari esa tropik iqlim mintaqasida joylashgan. Meksika ko'rfafiga tutash hududlarda tropik dovullar (tornado) ko'p sodir bo'ladi. AQSH suv va gidroenergetika resurslariga boy. Mamlakatning eng yirik daryolari - Missisipi, Missouri, Rio-Grande, Kolorado, Kolumbiya.

Aholisi. AQSHning tub aholisi amerikalik hindular hisoblanadi. Lekin hozirgi davrda hindular mamlakat aholisining juda kam qismini tashkil etadi. Amerikaliklar tarkibida Yevropa mamlakatlaridan turli davrlarda ko'chib kelganlarning avlodlari ko'pchilikni tashkil qiladi. Shu bilan birga, AQSH aholisi tarkibida Lotin Amerikasi mamlakatlari (ayniqsa, Meksika) dan ko'chib kelganlar, qoratanlilar, mulatlar va boshqa irqiy guruhlarning ulushi ancha yuqori hamda borgan sari oshib bormoqda.

AQSHda 1790-yildan boshlab har 10 yilda muntazam ravishda aholi ro'yxatlari amalga oshiriladi. 1790-yildan 2010-yilgacha AQSH aholisi soni deyarli 80 barobarga oshgan va uning o'sishi hozirgacha davom etmoqda. Hozirgi bosqichda AQSH aholisining tabiiy

ko'payishi yillik hisobda 0,3-0,4 % ni tashkil etib, jahon bo'yicha o'rtacha ko'rsatkichdan (1,2 %) ancha past, ammo rivojlangan davlatlarning o'rtacha ko'rsatkichiga (0,0 %) nisbatan birmuncha yuqori bo'lmoqda. Migratsion o'sish esa yillik hisobda 1-1,5 % ga teng.

AQSHda shahar aholisining ulushi 80 % dan yuqori. Eng yirik shaharlari - Nyu-York, Los-Anjeles, Chikago, Xyuston, Filadelfiya. AQSH hududida 3 ta megalopolis shakllangan: shimoli-sharqdagi «Boston- Vashington» (Bosvash), Buyuk ko'lllar bo'yidagi «Chikago-Pitsburg» (Chipits) va Tinch okean bo'yidagi «San-Fransisko-San-Diyego» (Sansan).

AQSHning rasmiy tili - ingliz tili. Shuningdek, aholisining 50 mln. kishiga yaqini kundalik hayotda ispan tilida so'zlashadi. Ispanzabon amerikaliklarning ulushi Meksika chegarasiga yaqin joylashgan Nyu- Meksiko, Kaliforniya, Texas, Arizona, Nevada shtatlarida ayniqsa, yuqori (20-45 %).

AQSHda aholi zichligi o'rta hisobda 1 km² ga 35 kishi, lekin uning turli qismlarida ancha farq qiladi. Bunga, asosan, tabiiy sharoit kuchli ta'sir etadi. Shimoli-sharqiy, janubi-sharqiy va g'arbiy okeanbo'yni shtatlarida aholi zichligi eng yuqori darajada bo'lsa, tog'li shtatlar va ayniqsa, Alyaskada aholi ancha siyrak joylashgan.

2. “Yalpi ichki mahsulot (YIM)” va “Kombinatlashtirish» atamalarining mazmun-mohiyatini tushuntiring.

Yalpi ichki mahsulot (YIM) – ma'lum bir yildagi mamlakatning barcha tayyor mahsulot vaxizmatlarning bozor qiymati.

YAIM - mamlakat hududida ishlab chiqarilgan mahsulotlarning umumiyligi narxi.

Mamlakatlar iqtisodiyoti hajmi moliya va statistika institutlarining bozor yoki davlat rasmiy kurslari bo'yicha hisoblanadigan YIMning nominal baholari bo'yicha saralanadi.

Kombinatlashtirish - sanoatning texnologik jarayon jihatidan o'zaro bog'langan, ba'zan turlitarmoqlarga taalluqli bo'lgan bir qancha ishlab chiqarish korxonalarining bir korxonaga birlashtirilishidir.

3. Juhonning siyosiy xaritasidan Janubiy Amerika materigidagi unitar davlatlardan 5 tasini ko'rsating. Ushbu davatlardan qaysi birining maydoni eng uzun meridional yo'nalgan? Ushbu davlat poytaxti geografik koordinatalarini aniqlang.

Afrikaning Bosh meridian kesib o'tgan davatlari – Jazoir, Mali, Burkino-Faso, Gana. Yuqoridagi davatlarni orasida Jazoir poytaxti Jazoir shahri Sharqiy yarimsharda joylashgan.

Jazoir shahrining geografik koordinatasasi.

37° (36.73) shimoliy kenglik.

3° (3.09) sharqiyligida.

27-BILET

1. Fors qo'lting'i arab davlatlarining geografik o'rni va iqtisodiyoti.

Ma'lumki, jahon energetika xo'jaligida Fors qo'lting'i mintaqasi alohida o'ringa ega. Fors qo'lting'i atrofida 8 ta davlat joylashgan bo'lib, ulardan 6 tasi - Saudiya Arabistoni, Birlashgan Arab Amirliklari (BA), Ummon, Qatar, Kuvayt, Bahrayn - tabiiy geografik, ijtimoiy-iqtisodiy, siyosiy, demografik va milliy-madaniy jihatdan bir-biriga ancha o'xshaydi. Bu mamlakatlar guruhi Fors qo'lting'i arab davlatlari debataladi.

Fors qo'lting'idagi kichik orollarda joylashgan Bahrayndan tashqari, shu guruhdagi barcha davlatlar Arabiston yarimorolida joylashgan. Mintaka iqtisodiy geografik o'rning qulayligi uchta qit'a - Osiyo, Afrika va Yevropa tutashgan hududda, xalqaro ahamiyatdagi dengiz yo'llari bo'yida joylashganligi bilan belgilanadi.

Fors qo'lting'i arab davlatlari maydoni va aholisi soni jihatdan bir-biridan farq qiladi. Mintaqadagi hududiy va demografik salohiyati bo'yicha eng yirik davlat - Saudiya Arabiston. Qatar, Kuvayt va Bahraynesa kichik mamlakatlar hisoblanadi.

Fors qo'lting'i arab davlatlari haqida umumiy ma'lumotlar

Davlat	Poytaxt	Maydoni (ming km ²)	Aholisi (mln. kishi, 2018-y.)
Bahrayn	Manama	0,7	1,5
Birlashgan Arab Amirliklari	Abu-Dabi	83,6	9,5
Kuvayt	Al-Kuvayt	17,8	4,2
Qatar	Doxa	11,4	2,7
Saudiya Arabiston	Ar-Riyod	2150	33,4
Ummon	Maskat	309,5	4,7

Fors qo'lting'i arab davlatlarining barchasi monarxiya boshqaruva shakliga ega. Saudiya Arabiston, Qatar, Ummon - mutlaq monarxiyalar, Kuvayt va Bahrayn - konstitutsion monarxiyalar, BAA esa har biri mutlaq monarxiya hisoblanadigan yetta amirlik federatsiyasi bo'lib, davlat tuzumida mutlaq va konstitutsion monarxiya elementlari uyg'unlashgan.

Tabiiy sharoiti va resurslari. Arabiston yarimoroli relyefida tekislik va yassi tog'liliklar asosiy o'rin egallaydi. Iqlimi tropik, yil bo'yи issiq va quruq. Yozda kunduzi havo harorati odatda +50оС dan yuqori bo'ladi, kechasi esa 0оС gacha tushishi mumkin. Yillik yog'in miqdori 100 mm ga yetmaydi. Fors qo'lting'i mintaqasida asosiy tabiat zonasasi tropik cho'llardir.

Fors qo'lting'i davlatlarining asosiy tabiiy boyligi ulkan neft va gaz zaxiralari hisoblanadi. Neft zaxiralari bilan, ayniqsa, Saudiya Arabiston, Kuvayt va BAA, tabiiy gaz zaxiralari bilan esa Qatar, Saudiya Arabiston va BAA ajralib turadi.

Iqlimning qurg'oqchilligi tufayli suv resurslari taqchilligi mavjud. Arabiston yarimorolida doimiy oqar suvlar yo'qligi sababli qadimdan yerosti suvlarasi asosiy suv manbayi sifatida xizmat qilgan. Hozirgi sharoitda suv bilan ta'minlanishda dengiz suvini chuchuklashtirish katta ahamiyat kasb etadi. Daryolar faqatgina yomg'irlar yog'ganda suvga to'ladigan o'zanlar - vodiylar ko'rinishiga ega.

Aholisi. Fors qo'lting'i arab davlatlari aholisining muhim xususiyati xorijiy migrantlarning katta ulushidir. Ummonda xorijiy ishchilar aholining 25 % ini, Saudiya Arabistonida 30 % ini tashkil etsa, boshqa davlatlarda bu ko'rsatkich 50 % dan yuqori, BAAda esa 90 % ga yaqin. Xorijiy migrantlar asosiy qismini Janubiy Osiyo va Shimoliy Afrika davlatlarining fuqarolari tashkil etadi.

Aholining tabiiy o'sishi Saudiya Arabiston va Ummonda yiliga 1,6-1,8 %, qolgan davlatlarda esa 0,8-1,3

% ga tengdir.

Mintaqa davlatlariga shahar aholisining juda yuqori ulushi xos. Ummonda urbanizatsiya darajasi 75

%, Saudiya Arabiston va BAAda 80 % dan yuqori, Kuvayt, Qatar va Bahraynda esa deyarli 100 % ga teng.

Saudiya Arabiston, BAA, Qatar, Kuvaytda sunna, Bahraynda shia, Ummonda ibodiy musulmonlari ko'pchilikni tashkil etadi. Saudiya Arabistonidagi Makka va Madina butun dunyo musulmonlari uchun muqaddas shaharlar hisoblanib, har yili u yerga 2 mln. kishi haj safarini amalga oshiradi.

2. "Unitar davlat" va "Briket" atamalarining mazmun-mohiyatini tushuntiring.

Unitar davlat (fransuzcha unitayre-yagona) - o'zini-o'zi idora qiladigan qismlarga bo'linmagan, yagonaqonunlari va yagona markaziy hokimiyat organlariga ega bo'lган yaxlit davlat.

Unitar davatlarda butun mamlakat hududida yagona qonunchilik tizimi amal qiladi, siyosiy boshqaruv esa markazlashgan holda amalga oshiriladi. Jahon mamlakatlarining aksariyati (166 tasi) unitar davlat hisoblanadi.

Briket - ko'mir kukunini bosim ostida yoki yopishqoq moddaga aralashtirib zoldir shakliga keltirilgan mahsulot.

3. Jahonning siyosiy xaritasidan Shimoliy Amerika mintaqasi davlatlarini ko'rsating. Ulardan qaysi birining poytaxti Bosh meridiandan eng uzoq joylashgan? Ushbu shaharning geografik koordinatalari aniqlang.

Meksika qo'lting'iga tutash davlatlar – AQSH, Meksika, Kuba.

Yuqoridagi davlatlar orasida Meksika poytaxti Mexiko shahri Bosh meridiandan eng uzoqda joylashgan. Mexiko shahrining geografik koordinatasи.

19° (19.43) shimoliy kenglik.

99° (99.13) g'arbiy uzoqlik.

28-BILET

1. Yevropa mamlakatlari aholisining tabiiy ko'payishi, yosh va diniy tarkibi.

Aholisi. Yevropada, 2018-yil ma'lumotlariga ko'ra, 746 mln. kishi istiqomat qiladi (Rossiyaning Osiyodagi qismi bilan birga). Bu dunyo ahonisining 9,8 % ini tashkil etadi. Yevropaning jahon ahonisidagi ulushi aholi tabiiy ko'payishining o'ta pastligi tufayli borgan sari kamayib bormoqda. Umumiylis hisobda Yevropa mamlakatlarida tug'ilish va o'lim ko'rsatkichlari deyarli bir xil, tabiiy ko'payish esa yo'q. Tug'ilish darajasi o'limdan ko'ra past bo'lib, aholining tabiiy kamayishi ro'y berayotgan Yevropa davlatlari soni yildan yilga ko'paymoqda. Germaniya, Gretsya, Portugaliya, Bolgariya, Serbiya, Latviya, Litva, Estoniya, Ukraina, Ruminiya, Moldova, Vengriya va boshqa mamlakatlarda bunday vaziyat uzoq vaqtan buyon kuzatilmoxda.

Tug'ilishning pastligi tufayli Yevropa mamlakatlarida aholi qarishi jarayoni ro'y bermoqda. 2018-yilholatiga ko'ra, qit'a ahonisining 16 % ini 14 yoshgacha bolalar tashkil etgan holda, 65 yoshdan katta bo'lganaholi qatlamining ulushi 18 % ga teng.

Yevropa xalqaro migratsiyaning yirik markazi hisoblanadi. Ayniqsa, G'arbiy Yevropaning eng rivojlangan mamlakatlari dunyodagi yirik immigratsiya markazlari hisoblanadi. G'arbiy Yevropaga Osiyo va Afrikadan aholi ko'chib kelishining sabablari, asosan, iqtisodiy mohiyatga ega, ya'ni G'arbiy Yevropa davlatlarining mehnat bozorida ish o'rinalining ko'pligi hamda turmush darajasining yuqoriligi bilan izohlanadi. G'arbiy Yevropaga qit'aning iqtisodiy jihatdan birmuncha sustroq rivojlangan janubiy va sharqiy qismidagi mamlakatlar aholisi ham faol ravishda ko'chib bormoqda.

Yevropa davatlarda, dunyoning boshqa mintaqalariga nisbatan, urbanizatsiya jarayoni ertaroq boshlangan edi. Hozirgi vaqtida Yevropa qit'asining urbanizatsiya darajasi 75 % ga yaqin. Shaharlashuv darajasi, ayniqsa G'arbiy va Shimoliy Yevropadagi rivojlangan davatlarda yuqori bo'lib, ba'zi hollarda 90

% dan ortib ketgan. Janubiy va Sharqiy Yevropa mamlakatlarida shahar ahonisining ulushi biroz pastroq, lekin deyarli barcha davatlarda 50 % dan oshadi. Qit'ada urbanizatsiya ko'rsatkichi faqatgina Moldova hamda Bosniya va Gersegovinada 50 % dan pastroq.

Yevropa mamlakatlari o'rtasida aholi zichligi bo'yicha katta tafovutlar mavjud. Bunga tabiiy sharoit, ayniqsa iqlim va relyef katta ta'sir ko'rsatgan. G'arbiy va Janubiy Yevropaning daryo

vodiylari va dengizbo'yi tekisliklarida aholi zichligi eng yuqori. Shimoliy Yevropa mamlakatlarida aholi zichligi ancha past. Bu mamlakatlarda aholining katta qismi ularning janubidagi dengizlarga tutash hududlarida mujassamlashgan.

Yevropada eng keng tarqalgan din xristianlik hisoblanadi. Shimoliy Yevropada protestantlar, Janubiy Yevropa davlatlarida (Gretsiyadan tashqari) esa katoliklar yetakchilik qiladi. G'arbiy Yevropa davlatlarida xristianlikning bu ikki mazhabi aralash holda tarqalgan. Sharqiy Yevropa davlatlarida katolik va pravoslav xristianlik asosiy dinlar hisoblanadi. Pravoslavlari soni jihatidan Rossiya, Ukraina, Ruminiya, Bolgariya, Belarus, Serbiya kabi davlatlar alohida ajralib turadi. Shuningdek, qit'adagi 2 ta davlatda mahalliy aholisi tarkibida muslimmonlarning ulushi 50 % dan yuqori - bular Bolqon yarimorolida joylashgan Albaniya hamda Bosniya va Gersegovinadir.

2. “Ko‘chirilgan kapitalizm davlatlar” va “Rekultivatsiya” atamalarining mazmun-mohiyatini tushuntiring.

«Ko‘chirilgan» kapitalizm - Ijtimoiy-iqtisodiy va siyosiy tizimi turli davrlarda Yevropadan ko‘chib kelgan aholi tomonidan shakllantirilgan va hozirgi kunda rivojlanishning yuqori ko‘rsatkichlari bilantavsiflanadigan mamlakatlar guruhi. Bunday davlatlarga Avstraliya, Yangi Zelandiya, Isroil, JAR singari davlatlar misol bo’.

Rekultivatsiya (lotincha re- qaytadan, yangitdan, lotincha kultivo - ekib obod qilaman) - kishilarfaoliyati (konlar qazish, gidroinshootlar qurish, o‘rmonlarni kesish, shaharlar bunyod etish va b.) natijasida ekin bitmaydigan bo‘lib qolgan yerlarning unumдорligini qayta tiklash.

3. Jahonning siyosiy xaritasidan mineral resurslarning ko‘p turlari bilan yaxshi ta’minlangan mamlakatlarni ko‘rsating. Bular orasidan mamlakatimizga eng yaqin bo‘lgan davlatni aniqlang. Ushbu davlat poytaxtining geografik koordinatalarini aniqlang.

Markaziy Osiyo davlatlari – Qozog’iston, Turkmaniston, O’zbekiston, Qirg’iziston, Tojikiston.

Qozog’iston poytaxti – Nur-Sulton shahri. Turkmaniston poytaxti – Ashxobot shahri. O’zbekiston poytaxti – Toshkent shahri.

Qirg’iziston poytaxti – Bishkek shahri. Tojikiston poytaxti – Dushanbe shahri.

Nur-Sulton shahrining geografik koordinatasi.

51° (51.16) shimoliy kenglik.

71° (71.47) sharqiy uzoqlik. Ashxobot shahrining geografik koordinatasi.

38° (37.96) shimoliy kenglik.

58° (58.33) sharqiy uzoqlik. Toshkent shahrining geografik koordinatasi.

41° (41.30) shimoliy kenglik.

69° (69.24) sharqiy uzoqlik. Bishkek shahrining geografik koordinatasi.

43° (42.87) shimoliy kenglik.

75° (74.57) sharqiy uzoqlik. Dushanbe shahrining geografik koordinatasi.

39° (38.56) shimoliy kenglik.

69° (68.79) sharqiy uzoqlik.

Yuqoridagi ma'lumotlardan ko'rinish turganidek ekvatoridan eng uzoqda joylashgan shahar Nur-Sultonshahri hisoblanadi.

29-BILET

1. Jahon aholisining soni va joylashuvi.

Jahon aholisining soni, 2018-yil ma'lumotlariga binoan, 7 mlrd. 620 mln. kishidan ortiqdir.

Sayyoramiz aholisi bu miqdoriy marraga yetganligining o'ziga xos tarixi mavjud. Ilmiy manbalar ma'lumotlariga ko'ra, insonlarning eng qadimgi ongli vakillari - Homo sapiens - bundan taxminan 50 ming yillar avval paydo bo'lgan. Shimoli-sharqiy va Sharqiy Afrika, Janubiy Yevropahamda Old Osiyo ilk insonlar paydo bo'lgan va ular tomonidan birinchi bo'lib o'zlashtirilgan hududlar hisoblanadi. Keyinchalik qadimiy insonlarning turli mintaqalarga tomon yurishi-ilk migratsiyalar natijasida u yerlar aholi tomonidan o'zlashtirila boshlangan. Uzoq davrlar davomida insoniyatning asosiy qismi Yevropa, Osiyo va Afrika qit'alarida istiqomat qilgan edi. Buyuk geografik kashfiyotlar ko'p sonli aholining yangi topilgan yerdarga ko'chib o'tishiga sababchi bo'ldi va uning natijasida qit'alar o'rtasida aholi sonining qayta taqsimlanishi yuz berdi.

Moddiy va sanitar-gigiyenik shart-sharoitlarning og'irligi, tez-tez takrorlanib turgan ocharchilik, kasalliklar epidemiyalari ta'sirida uzoq tarixiy davrlar davomida jahon aholisining o'lim darajasi yuqori, tabiiy ko'payish darajasi esa past bo'lgan.

XIX asrda Yevropa va Amerikada ro'y bergan sanoat inqilobi, tibbiy xizmatning rivojlanishi natijasida bu qit'alardagi aholining o'rtacha umr ko'rishi va tabiiy ko'payish darajasi ortdi.

Tug'ilish, o'lim va tabiiy ko'payish koeffitsiyentlari (1000 kishiga nisbatan, 2018-yilgi ma'lumotlar)

Hudud	Tug'ilish koeff.	O'li m koef f.	Tabii y o'sis h koeff .	Go'daklar o'limi koeff. (har 1000 go'dakka nisbata n)	O'rtacha umr	
					erkaklar	ayollar
Jahon	19	7	12	31	70	74
Afrika	35	9	26	50	61	64
Amerika	15	7	8	13	74	80
Osiyo	17	7	10	26	71	74
Yevropa	10	11	-1	4	75	82
Avstraliya va Okeaniya	17	7	10	21	76	80

2.“Mineral resurslar” va “Shartli yoqilg'i” atamalarining mazmunmohiyatini tushuntiring.

Tabiatda mineralllar holida uchraydigan tabiiy boyliklar *mineral resurslar* (foyDALI qazilmalar) deyiladi. Mineral (lotincha minera - ruda so'zidan) - kimyoviy tarkibi va fizik xossalariga ko'ra taxminan birxil bo'lgan tabiiy jismlar. Yer po'stida sodir bo'ladigan fizik-kimyoviy jarayonlar natijasida hosil bo'ladi. Mineral tog' jinslari, rudalar va boshqalar mineral jismlar tarkibida bo'ladi. Hozir minerallarning 3 minggayaqin turi ma'lum. Yer po'stidagi tog' jinslari va rudalar minerallardan tarkib topgan. Minerallar ko'pincha kristallardan iborat bo'ladi. Suyuq (suv, simob) va gazsimon minerallar ham bor.

Hozirgi vaqtida mineral resurslarning 200 ga yaqin turlaridan xo'jalik ehtiyojlari uchun foydalanilmoqda. Ular 3 guruhga, ya'ni yoqilg'i-energetika, rudali va noruda mineral resurslariga bo'linadi.

Mineral resurslardan eng katta hajmda iste'mol qilinadiganlar: neft, tabiiy gaz, ko'mir, temir rudalari va qurilish materiallaridir.

Shartli yoqilg'i deb 1 kg toshko'mir yonganda hosil bo'ladigan (7 mln kal) energiyaga aytildi. Uning issiqlik koeffitsienti darajasi 1 ga teng. Boshqa yoqilg'ilar yonganda hosil qiladigan issiqlik 1 kg toshko'mirning issiqlik koeffitsienti, ya'ni 1 ga qiyosan baholanadi.

3. Jahonning siyosiy xaritasidan hududini janubiy tropik chizig'i kesib o'tgan Janubiy Amerika davlatlarini ko'rsating. Ulardan qaysi birining dengizga chiqish imkoniyati yo'q? Ushbu davlat poytaxtining geografik koordinatalarini aniqlang.

Hududini shimoliy tropik chizig'i kesib o'tgan Osiyo davlatlari – Saudiya Arabiston, BAA, Ummon, Hindiston, Bangladesh, Myanma, Xitoy.

Yuqoridagi davlatlardan ko'rinish turubdiki Qizil dengizga tutash bo'lган davlat bu Saudiya Arabiston davlati bo'lib, poytaxti – Ar-Riyod shahri.

Ar-Riyod shahrining geografik koordinatasasi.

25° (24.71) shimoliy kenglik.

47° (46.68) sharqiy uzoqlik.

30-BILET

1. Buyuk Britaniyaning geografik o'rni, iqtisodiyoti.

Buyuk Britaniya va Shimoliy Irlandiya Birlashgan Qirolligi Yevropaning shimoli-g'arbidagi Britaniya orollarida joylashgan. Birlashgan Qirollik hududining asosiy qismini Buyuk Britaniya oroli va Irlandiya orolining shimoli-sharqi tashkil qiladi. Shuningdek, mamlakat tarkibiga bir nechta maydaror orollar ham kiradi. Birlashgan Qirollik qirg'oqlari Shimoliy dengiz, Irlandiya dengizi hamda Atlantika okeani suvlarini bilan yuviladi. La-Mansh bo'g'izi Buyuk Britaniyani Fransianing shimoli-g'arbiy qirg'og'idan ajratib turadi. Quruqlikda mamlakat faqat Irlandiya Respublikasi bilan chegaradosh.

Hozirgi vaqtida Buyuk Britaniyaning 15 taga yaqin dengizorti hududlari, ya'ni mustamlakalari bor. Ularning katta qismi Karib dengizidagi orollar- da joylashgan. Yevropa qit'asidagi yagona mustamlaka hudud - Gibraltar ham Birlashgan Qirollikning dengizorti hududi hisoblanadi. Ammo rasman hech qaysi dengizorti hududi Birlashgan Qirollik tarkibiga kirmaydi.

Boshqaruv shakli - konstitutsion monarxiya. Buyuk Britaniya hukmdori ayni paytda rasmiy ravishda Britaniya Hamdo'stligi Qirolliklari hisoblangan 15 ta mustaqil davlat, shu jumladan, Kanada, Avstraliya, Yangi Zelandiyaning rahbari ham hisoblanadi.

Siyosiy-hududiy jihatdan Birlashgan Qirollik unitar davlat hisoblanib, 4 ta qism (mamlakat) - Angliya, Shotlandiya, Uels va Shimoliy Irlandiyadan iborat. Angliyadan boshqa 3 ta mamlakat qisman muxtoriyatga ega.

Tabiiy sharoiti va resurslari. Buyuk Britaniya janubi-sharqiy qismini ko'proq tekisliklar, shimoli- g'arbiy hududlarini esa, asosan, o'rta tog'lar egallaydi. Ayniqsa, Shotlandiya va Uelsda qadimgi parchalangan tog'lar keng tarqalgan. Mamlakatning eng baland nuqtasi - Ben- Nevis tog'i (1343 m) Shotlandiyada joylashgan. Birlashgan Qirollikda foydali qazilmalardan, asosan, neft, tabiiy gaz va ko'mir qazib olinadi. Neft va gazning yirik konlari Shimoliy dengiz sayozligida joylashgan. Ammo oxirgi yillarda Buyuk Britaniya mineral yoqilg'ining barcha turlari importyoriga aylangan, chunki qazib olinadigan resurslar milliy iqtisodiyotning energiya manbalariga bo'lган talabni qondira olmayapti.

Atlantika okeanidan yil bo'yи esadigan nam shamollar hamda Golfstrim oqimi ta'sirida Buyuk Britaniyada mo'tadil dengiz iqlimi shakllangan. Yil davomida tez-tez yomg'irlar yog'adi, ayniqsa, mamlakatning g'arbida. Qish ancha iliq, yanvarning o'rtacha havo harorati 0 oC atrofida.

Aholisi. Birlashgan Qirollik Yevropa mamlakatlari ichida aholi soni bo'yicha 3-o'rinda turadi (2018-yil holatiga ko'ra, 66 mln. kishidan ziyod). Aholining tabiiy ko'payishi yillik hisobda 0,3 % ga teng. Aholi soni ko'proq tashqi migratsi- ya hisobiga o'smoqda. Ayniqsa, Janubiy Osiyo, Afrika, Karib dengizidagi orollardan ko'chib kelganlar ko'p.

Buyuk Britaniyada urbanizatsiya darajasi 80 % dan yuqori. Mamlakatning eng yirik shaharlari qatoriga, Londondan tashqari, Birmingem, Manchester, Liverpul, Glazgo, Edinburg kiradi. Mamlakat aholisining etnik tarkibida eng yirik millat inglizlar hisoblanadi. Shotlandiyaliklar, uelsliklar va irlandiyaliklar ham tub millatlar hisoblanadi. Eng keng tarqalgan din protestant xristianligi hisoblanadi.

Aholi zichligi Markaziy va Janubiy Angliya, Janubiy Uels hamda O'rta Shotlandiya pasttekisligida eng yuqori darajada bo'lsa, Shotlandiyaning shimoli-g'arbiy tog'li hududlarida esa bu ko'satkich ancha pastdir. Birlashgan Qirollik aholisining deyarli 85 % i Angliyada yashaydi.

Iqtisodiyoti. Buyuk Britaniya Yevropa va jahon miqyosida iqtisodiy jihatdan eng qudratli davlatlardan biri,

«Katta yettilik» guruhi a'zosi. YIM hajmi bo'yicha Birlashgan Qirollik Yevropada Germaniyadan keyingi 2-o'rinda turadi.

Qishloq xo'jaligining yetakchi tarmoqlari sut-g'osht qoramolchiligi, qo'ychilik va cho'chqachilik hisoblanadi. Asosiy qishloq xo'jalik ekinlari: bug'doy, arpa, kartoshka, qandlavlagi.

Buyuk Britaniya iqtisodiyotida xizmat ko'rsatish sohalari ham katta ahamiyatga ega. Ulardan bank- moliya sohasi, turizm, axborot va telekommunikatsiya texnologiyalari, tibbiyat va oliv ta'lif o'zining xalqaro iqtisodiy ahamiyati bilan alohida ajralib turadi. London shahri Nyu-York va Tokio bilan birqalikda jahonning eng yirik moliyaviy markazi hisoblanadi. Buyuk Britaniyaga dunyoga mashhur ko'plab tarixiy- madaniy yodgorliklarni ko'rish uchun har yili bir necha o'n million sayyoohlар tashrif buyuradilar. Birlashgan Qirollik eng ko'p sayyoohlarni qabul qiladigan jahonning yetakchi 10 ta davlatlaridan biri.

2.“Indistrial-agrar iqtisodiyot” va “Teokratik monarxiya” atamalarining mazmun-mohiyatini tushuntiring.

Qishloq xo'jaligi, sanoat va xizmat ko'rsatish tarmoqlarining iqtisodiyotda tutgan o'mniga ko'ra davlatlarni turli guruhlarga ajratish mumkin. Hozirda jahon davlatlari ijtimoiy-iqtisodiy rivojlanish holatiga ko'ra **agrар** (iqtisodiyotning tarmoq tarkibida qishloq xo'jaligi salmog'i yuqori), **industrial** (iqtisodiyotning tarmoq tarkibida sanoat va qurilish sohalari salmog'i yuqori) va postindustrial (iqtisodiyotning tarmoq tarkibida xizmat ko'rsatish, ayniqsa, intellektual soha tarmoqlari salmog'i yuqori) tiplarga ajratiladi. Shu bilan birga iqtisodiyotida qishloq xo'jaligi va sanoat salmog'iga ko'ra agrar- industrial yoki **industrial-agrар** davlatlar ham ajratiladi. Senegal agrar, Braziliya industrial, O'zbekiston industrial-agrар, Kambodja agrar-industrial davlatlarga misol bo'la oladi.

Teokratik monarxiya (yunon-cha teos - xudo, kratos - hokimimiyat) - butun hokimiyat ruhoniylar, cherkov qo'lida bo'lgan davlat formasi.

3. Jahonning siyosiy xaritasidan Osiyodagi Federativ davlatlarini ko'rsating. Ulardan qaysi biri Tinch okeaniga tutashgan? Bu davlat poytaxtining geografik koordinatalarini aniqlang.

Hududini janubiy tropik chizig'i kesib o'tgan Janubiy Amerika davlatlar – Braziliya, Paragvay, Argentina va Chili davlati.

Bu davatlardan Chili davlati Tinch okeaniga tutash bo'lib, uning poytaxti – Santyago shahri. Santyago shahrining geografik koordinatasi.

33° (33.45) janubiy kenglik.

71° (70.67) g'arbiy uzoqlik.



